

AB 803

¶ DIALOGI QVATVOR ¶  
**DE LIBRO, Q VEM**  
STANISLAVS OSIVS, GERMA-  
NO POLONVS, EPISCOPVS VARMIEN-  
sis, proximo superiore anno, contra  
Brentium & Vergerium  
Coloniæ edi-  
dit.

DE Q V E A L I I S D U O B V S E I V S D E M  
Osi libellis Dilingēt impreſſis, quorum alteri eſt titulus  
de expreſſo uerbo Dei, alteri uero, num  
calicem Laicis, &c.

A V T O R E V E R G E R I O.

ANNO DOMINI M. D. LIX.  
Mense Martio.

DE LIBRO OAHU

ANALOGIA AVARIA

AVARIA AVARIA AVARIA

130056537

# ILLVSTRISSIMO

PRINCIPI ET DOMINO D.  
ALBERTO BRANDEBVRGENSI

Duci Prussiæ, & Illustrissimo Principi  
& Domino, D. Nicolao Radzi-  
willo, Ducis Olichæ &  
Nieues.



Estris auspicijs, vestrâq; autoritate munitus et  
fretus. Illustrissimi Principes, antè biennium,  
primo in Prussiam, deinde in Lituaniā usq;,  
Postremò in maiorem & minorem Poloniā  
ingressus, quod me decebat feci. Quocunq;  
enim perrexi, tum voce, tum libellis conatus sum, pro virili,  
his qui nescirent, persuadere, Papatum esse meram impostu-  
ram, quare oportere ab eo se se extricare hominem, qui cupe-  
ret esse saluus, atq; adiungere puræ genuineq; doctrinæ,  
quam filius Dei attulisset ex sinu Patris. Quantum profice-  
rem, non potui statim intelligere, sed paucis antè mensibus,  
demum animaduerti, me per Dei gratiam, profecisse nonni-  
hil. Prodiit enim furentissimus & venenatissimus Osij Epi-  
scopi Varmiensis liber, qui planum omnibus facit, meam il-  
lam peregrinationem quam molestissimam fuisse Dominō  
& Magistro suo Sathanæ, gratā itaq; Domino & Magistro  
meo Iesu Christo filio Dei, quo nomine mihi gratulor, quod  
vestro præsidio tectus potuerim aliquid. Pergite, amplissimi  
Principes, reliquos seruos Dei vestrâ autoritate iuuare, quò  
possint eadem ratione, qua ego, istos Osius & Sathanas ad  
indignationem & rabiem prouocare, quod est certissimum  
signum promotæ glorie Dei. Quod ad Osiandum librum at-  
tinet, videor mihi posse affirmare, nullum hactenus contrâ

A ï cœlestem,

## E P I S T O L A

eoelestem, quam profitemur , doctrinam scriptum fuisse , in quo tantum execrabilis maledicentiæ, tantum mendaciorū, tantum virulentia, & veneni , tantum deniqꝫ blasphemias rum congestum fuerit, quantum in hoc vno. Reliqui Papistici propugnatores, prorsus nihil sunt in hoc genere , si cum isto Apostolo conferantur. Habeat sibi hanc laudem, quam ille dicit maximam: est enim verè in reprobissimum sensum datus. Dicerem me mirari, eum nullam habuisse rationem clarissimorum Regum & Principum , aliorumqꝫ statuum atqꝫ ordinum amplissimorum , qui nostram doctrinam passim complexi sunt. Sed quid Regum & Principum rationē haberet , qui nec Euangelij Sacrosancti , nec vniogeniti filij Dei rationem habuerit? Nam Diaboli verbum, ipsissimum Dei verbum, nominare non est veritus fermè decies , homo blasphemus, vt reliqua nunc taceam. His atrocissimis contumacij, quibus suas chartas petulantissimè aspersit , cum omnino fuerit respondendum, & quidem citò, saltem pro infirmioribus sustentandis , ne de diuina doctrina renascente minus honorifice sentirent propter Osij, & similium importunitissimas vociferationes, scripsi statim quatuor Dialogos, quibus, quanquam multas congesserim , tamen nec vice summam partem blasphemiarum eius patefeci atqꝫ perstrinxii, quos ideo in lucem mitto, vt interea legantur , dum reliqua, quæ in hoc genere adorno , compareant. Spero autem prospediem comparitura, & multò grauiora allatura, si Dominus voluerit. Vestris autem Illustrissimis excellentijs hoc, quicquid est laboris, inscribo atqꝫ commendo , vt vestra scilicet, quæ maxima est , autoritate, Dialogi mei, pro defendenda gloria Dei, spargantur & promoueantur: Nam illorum promotio & defensio ad eos potissimum pertinet, qui, ut scriberentur , fuerunt origo & causa , hoc est , ad Cels. Vestras, quarum auspicijs & praesidio in vestras terras veni (vt dixi) istasqꝫ Paparum creaturas , & capitales filij Dei hostes ad tantam

**D E D I C A T O R I A.**

3

tantam rabiem prouocauit. Valete, optimi Principes, deinceps  
in lucem vindicanda ex densis tenebris, ubi iacebat sepulta,  
doctrina D.N. Iesu Christi, dies noctesque diligentius, quam  
vñquam ante a cogitate, cum videre possitis istos Osios  
& Osores lucis & veritatis, Sophistica, & praes-  
stigijs hoc maximè laborare, ut eam  
rursus tenebris inuol-  
uant.

Tubingæ Calendis Martij, Anno,  
M. D. LIX.

**VERGERIVS.**

**A ij ATHA.**

ATHANASIVS.  
HILARIUS.

A TH. Audio prodijisse ex proximis nundinis Francfordianis librum , autore Stanislao O= sio, Episcopo Varmiensi, contra Brentium ac Ver= gerium, sed neq; librum inuenire, neq; quemquam conuenire possum, qui legerit , unde cuiusmodi sit intelligam. HIL. Ego legi, & fortassis possum præ= stare id, quod uis. A T H A. Tu ne obsecro? HIL. Ego. A T H. Quām libenter audio, oro , ne pigeat dicere, qualis tibi uideatur . HIL. Faciam libenter: Incipiam autem à dictione, utpote à re minoris mo= menti, quæ mihi videtur erudita. A T H A. Fucum verborum nihil moror , quale hominis iudicium in rebus ipsis: HIL. Deprauatum, neq; hoc dico , quia sit Papista , & quidem ex crassioribus & pertinacio= ribus, sed quia reuerà in sua ipsius uia huiusmodi est. Zelo præterea amarissimo in omnem nostram re= ligionem, atq; in omnes nostrates , & maledicentia prorsus incomparabili. A T H. Valde inuitus ho= rum hominum libros soleo legere . Videtur ne tibi Theologus: HIL. Quis sit nescio , certè non appa= ret linguas nouisse, atq; in ipsis Bibliorum fontibus uersatum. Sed duntaxat in Patrib. utcunq; atq; etiā in Scholasticis nonnihil, Nam video illum citare Io. Scotum, Thomam de Aquino, Gabrielem Biel , & id

id genus, Videtur mihi in summa corruptam illam Papistarum Philosophiam ( ipsi Theologiam nominant ) sequutus potius quam sincera Theologia. A TH. Isti solent esse purioris doctrinæ hostes acerrimi. Sed quid tandem agit , de qua materia? HIL . Diuīsum est volumen in quinqꝫ Libros, in primo recenset ab origine nostri temporis Hærefes (ut ipse uocat) A TH. Quorsum: HIL A. Ut diffamet nostram doctrinam, huc enim spectat, potissimum in auribus Serenissimi Poloniae Regis, cui librum inscribit. Scio te vidisse librum Friderici Staphyli, quem pro dignitate excepit Iacobus And. Fabri, pastor Goettingensis, & ante Fabrum, Philippus Melanthon, paucioribus quidem, quam Faber, sed aliquibus in locis aliquantò durius, dum eum appellat sceleratum Sycophantam, ut reliqua taceam. A TH. Vidi, magna uis stomachi, & doloris fuerit oportet, quæ Melanthoni, tam placido & mansueto ingenio homini expresserit tam dura uerba. HIL. An nescis Staphylum fuisse Vittembergensis scholæ, & Philippi ipsius alumnum? professum nostram doctrinam palam, & nunc repudiasse turpissimeqꝫ negasse, quin & sophistico scripto admodum uirulenter agnitam veritatem impugnasse, an non iusta tibi uidetur causa, quamobrem Philippus in istum Mammoluchum scribendo, exueret illam semper lenitatem? A TH A. Non nego. HIL. Sed cum multa animaduerterim in istius Staphyli Topicis

DIALOGVS PRIMVS.

Topicis, Metaphysicis & Antilogijs sine iudicio ef-  
futita, ita, ut magis, magisq; denudet, patefaciatq;  
pudenda sui Papatus, id in primis vidi esse huius=modi, cum ait in octauo Topico, Scholasticam Theologiam esse custodem Ecclesiæ, sicut Canes ouium:  
A TH, Praeclarum uero custodem. HIL. Sed distinguanus de Ecclesia, Papistice quidem appositissimam custodem dixerimus inanem & rixosam illā corruptam ( ut paulo ante dixi ) Philosophiam,  
Nam cum totus Papatus carnalis quædam res sit, consuta ex fraudibus & mendacij, nulli Canes, nulli Staphyli ( nam se ipsum & reliquos Scholasticos Staphylus met appellat Canes ) nulli in summa custodes poterāt illi adhiberi decentiores, quam Scholastici, & Sophisticæ rixæ, que ueluti præstigij qui busdam homines dementarent, atq; in errore continerent, A nostra uero, hoc est, à Christi Ecclesia, faceat procul ista custos carnalis & Staphyliana: quia custodem habemus Deum patrem & viiigenitum eius filium, qui Spiritu sancto & verbo suo nos custodit, ne per Sophisticam decipiamur, & ab Evangelio ad Traditiones, à certitudine salutis ad Dubitationē, deniq; à Christo ad Antichristum abripiamur. A TH. Est ne tanta, & tam procax conuiciandi libido in Osio, quanta in Staphylo: HIL. Multo maior. Osius enim plenis buccis sœpissimè crepat, nostram doctrinam esse Diaboli verbum, Sathanismum quendam, A TH, Diaboli ne verbum, Sathanismum

nismum nec HIL. Maximè, & nos, qui eam profitemur Sathanistas, ut ulciscatur, quia illos vocamus Papistas. Aliquando etiam ioculariter & scurriliter ait, Mart. Luterum esse nostrum Deum, & nos amplecti quintum quoddam Euangelium, quod saepissime inculcat, Placet enim sibi hoc nomine homo (ut videri vult) facetus, A TH A. Imò isti Osores quintum quoddam Euangelium amplectuntur ipsi, quod uere, & proprie possumus dicere. Nam præter ea, quæ sunt à quatuor Euangelistis, literis manata, habent in pretio & delitijs, nescio quas imaginarias Traditiones, quas aiunt per manus traditas ad se uenisse, affirmantq; pari pietatis affectu & reuerentia suscipiendas, & colendas, atq; ipsum scriptum Euangelium. HIL. Agnosco ista verba, quæ sunt in Decretis X I. Dist. Cap. Ecclesiasticarum, deinde repetita in sessione tertia Conciliaruli Tridentini, nimirum pari reuerentia et pietatis affectu. Sed animaduerto Osorem non consentire, hac in re, cum suis Papistis. Cum enim reliqui Papistæ dicāt, quod pari eodemq; affectu, reuerentiacq; debeant suscipi Traditiones non scriptæ, atq; ipsum scriptum Euangelium, Osor inquit, Primum locum obtainere scriptum Euangelium, proximum Traditiones. A TH. Hoc audet dicere: HIL. Audet, A TH A. Haud profectò bonam gratiā inibit apud suos Romanenses, Nesciuit, opinor, electum fuisse Tridento à Conciliaribus Patribus, seu Laruis Episcopum  
B Clugensem,

DIALOGVS PRIMVS

Clugensem aut Fossæ Clodiæ, quod dixisset sibi non placere illa verba, PAR reuerentia, & pietatis affectu: HIL. Videor mihi obseruasse quædam alia loca, sed valde pauca, in quibus a reliquis Episcopis & Patribus Osius videtur dissentire. ATH. Dic unum locum aut alterum, si in promptu habes. HIL. Puto me habere. Adduxerat Brentius ex Cap. 17. Deutronom. hæc verba: Et docuerint te iuxta legem eius: quibus clare euincit iudicem cogi, ut int̄ à limites legis Domini, iudicet iuxta legem, non iuxta proprium arbitrium. At Osius, cum uideret nullum esse tergiuersationi locum, inuenit hoc effugium, ut diceret ea verba nec in translatione septuaginta, nec in interpretatione Caldaica, neq; in Hæbreo reperiari, negat ergo ueterem translationem disertissime contrà decretum tertiae sessionis Concilij Tridentini, quo iubetur, ne quis veterem, aut vulgatam versionem in disputationibus, aut expositionibus audeat reñcere. ATH. Est aliquid, quod Osius summus alioquin Paparum adulator (ut abs te audio) eam versionem, hoc est, Papæ decretum repudiare fuerit ausus. HIL. Audia aliud, haud fermè inuenias, nostro tempore, Papistam, qui cum in aliquo scripto meminerit Catholicæ & Apostolicæ Ecclesiæ, non addat ROMANÆ, certè Inquisitores, qui sunt in Italia, cum exigunt à reis fidei confessionem, qui respondeant, se credere, unā sanctam Catholicam & Apostolicā Ecclesiam non solent esse contenti eo responso,

so, quippe quod ambiguum esse existimant, At isto  
 ambiguo semper vicitur Osius. Cum enim saepissime  
 iactitet unam sanctam Catholicam & Apostolicam  
 Ecclesiam (quam nos reuerenter amplectimur & au-  
 dimus, quicquid Osius blatteret) nunquam addit  
**ROMANAM.** ATH. Papæ & Papistæ con-  
 niuebunt, dum in reliquis tuendis, sit bene pertinax,  
 nec tantillum concedat, necç in leuiculis quidem.  
**HILA.** Affirmo neminem hac æitate ex omnibus  
 his, qui contrâ nos scripserunt fuisse, qui cum isto in  
 hoc genere conferri possit: nihil enim est durius, ni-  
 hil pertinacius Osio, ut sol Euangelij undicç erum-  
 pens videatur illi perstrinxisse aciem oculorum, i-  
 mo prorsus exceasse hominem & indurasse; ATH.  
 Nondum dixisti argumentum reliquorum libro-  
 rum. **HILA.** Scribit contrâ Prolegomena Brent-  
 iij. **ATHANAS.** Contra quæ scripsit Asotus;  
**HILAR.** Contra ea ipsa, quia animaduertit A-  
 sotum nihil potuisse contrâ Brentium. **ATHA.**  
 Osius fecit iniuriam Asoto, nam nemo non iudi-  
 cabit, sic rem se habere, ut tu dicis, & verum est, A-  
 sotum, ipsiusmet Osi iudicio, nihil profecisse con-  
 trâ Brentium scribendo. **HILAR.** Habes ergo  
 de isto Libro quod voluisti. **ATHA.** Nondum  
 omnia, plura aucto scire. Si contra Brentium &  
 Prolegomena scribit, cur in isto Iudo admiscet  
 Vergerium? **HILAR.** Cum is ante biennium  
 in Prussia esset, vocabatur à nonnullis Polonis  
 B ï potentio-

DIALOGVS PRIMVS

potentioribus Varschauiam , vbi comitia agebantur, quibus Nuntius Papæ Aloysius Lippomanus, Veronæ Episcopus intererat. Cum ergo audiisset Vergerius , ab eodem Nuntio eiusq; satellitibus & clientibus quotidie magna insolentia iactari, omnē de causa religionis cognitionem, & dñjudicationem ad Papam atq; eius Episcopos, iure diuino, pertinere, arripuit Prolegomena Brentij, vbi docetur, non ad Episcopos tantum, imo ne quidem ad eos Episcopos, qui sunt hostes p̄iæ doctrinæ , sed etiam ad pios Reges & Principes seculares, adhibitis Ecclesiæ ministris , & alijs p̄ijs ac eruditis viris , iure diuino eam cognitionem & dñjudicationē pertinere, eumq; Librum Serenissimo Regi obtulit, una cum Epistola, qua dicebat, se uelle cum ipso Nuntio , eius Sacra Regia Maiestate iudice, ea de re conferre & disceptare. A TH. Propterea ne Osius in illum inuehitur. HIL. Hanc ipsam ob causam , & superbissimè indignatur , ausum fuisse Vergerium ad pugnam prouocare Ecclesiæ Rom. Internuncium. A TH. Respondit ne, quod scias , Nuntius Vergerio: sunt ne congressi: HIL. Nihil minus, quamuis Vergerius urgeret, ut in disputationem descenderet , non descendit nec per se, necq; per alium, & nunc post biennium maledictis proscindunt hominem , & pri-  
mum quidem, statim in titulo libri, aiunt Vergerium TEMERE fecisse. A TH. Fecisset temere , si Lippomanus internuncius in harenam descendens  
victor

victor extitisset, temere enim facit, qui, non metis suis viribus, prouocat ad disputationem aliquem, à quo posteà vincitur & conculcatur. **HIL.**  
 Ita est, sed indignum facinus putat Osius, si Papæ Nuntius prouocetur, neq; habeatur ratio eius personæ, quam sustinet. **A TH.** Indignum facinus putet, si ad crapulandum, ad ludendum, aut aliquid huiusmodi prouocetur, non si ad conferendum de Religione & ad veritatem indagandam, patefaciandamq;. Sed scio rem totam, isti Nuntij habent in mandatis ab eorum Papis, ne disputerent ipsi, nec sicut vlla Colloquia de religione institui. Sed dunt taxat, ut quos potuerint ex nostris ad supplicia rapiant, hec sunt disputationes, hec venationes istorum Luporum, quare qui illos ad indagandam, per amicam collationem, ueritatem prouocant dicuntur ab illis temere facere. **HIL.** Adde Lippomanum esse reuera indoctum, & sine ullo iudicio, & propterea abstinuisse à disputatione, non modo quia Papa mandarat. **A TH.** Noui ego ad vnguem quis ille sit, edidit ingentes aliquot tomos de **S A N C T I S**, in quibus tot ineptias, tot feces, tot blasphemias ex **Voragine** & alijs Lacunis consarcinavit, ut vix quippiam visum fuerit nostra ætate futilius & minori iudicio factum, decuisset illum, cum à **Vergentio** prouocaretur, nec tamen vellet publicè discipitare, uocare hominem ad se (Accessisset enim **Vergerius**) agere humanè, conferre etiam de articulo

B ij contro-

## DIALOGVS PRIMVS

controverso, si non plenè, tamen non nihil & potus  
isset ad hunc modum effugere, ne illi inureretur su-  
perbiae & imperitiae nota, Sed cum neutrum sece-  
xit, iure illi talia crima impinguntur, ut uere utroq;  
laborat. Quid deinde ait Osius de Vergerio: HIL.  
Valde exclamat, quod librum Brentij AVREVVM  
appellarit, si ex auro est, inquit, ex Tolosano auro cō-  
flatus est, quod in eo Brentius ordinem omnem per-  
uerat, Politiam, Pacem, & Tranquillitatem destru-  
at. A TH. Quia docet cognitionem & dijudicatio-  
nem rerum Ecclesiastiarum, etiam ad pios Reges &  
Principes seculares pertinere, exhibitis Ecclesiae mi-  
nistris, alijsq; pijs & eruditis viris: HIL. Ita. A TH.  
Osius iure queritur, nam isto axiomate, quod plane  
verum est, D. Prelati & Mirati exuuntur potestate  
& prærogatiua, quam iniuste tyranniceq; sibi usur-  
parant, Faciunt vero, ut cœtus Latronum solent,  
qui cum diutius versati in latrocinijs, ubi licuerit eis  
indulgere genio, tandem vero prodiit, ut eorum alij  
crucibus affigantur, alij fuga sibi consulant, conque-  
runtur inter se, sibi esse turbatam tranquillitatem &  
pacem. HIL. Sed audi quid de Vergerio subiungat,  
illum abnegasse Christianismum. A TH A. O in-  
signem Osorem Christi Osium, si hoc dicit, An est  
negare Christianismum, si quis deserat sentinas,  
tamq; horribiles & spurcissimas Antichristi idolo-  
manias, prorripiat autem se ad filium Dei Iesum  
Christum, crucifixum, eiusq; pura & synceram do-  
ctrinam

Grinam amplectatur. Actum de isto Osio, non pu-  
tassem esse tam impium & tam blasphemum, Absit,  
ut comparem mihi tam venenatum Librum. Chri-  
stianismum ne abnegat, qui a Papis desciscit, ut  
coniungat se Christo: quis possit ferre tantam im-  
pietatem & impudentiam, praesertim in tanta, quæ  
vndiqꝫ erumpit, Euangelij luce: videtur omnino  
ab ea execatus (ut paulo ante dixisti) HIL A. Au-  
di pauca adhuc, quæ iste Apostorus in Vergeri-  
um euomuit, Is cum in aliquo eius Libello euul-  
gasset arctissimam illam iurisurandi formulam, qua  
Episcopi obstringunt se Rom. Episcopo, subiun-  
xit, se, quemadmodum alij quoqꝫ Prælati, iuramen-  
tum Papæ præstitisse, Osius ergo indignabundus  
insurgit, & non solum in Præfatione, sed in Libro  
secundo rugit ac inquit, non te pudet gloriari, quod  
violaris iuramentum D E O præstitum. A T H A.  
Insanit & peruerit omnia suo furore, Tale enim  
iuramentum, quod Papæ ab Episcopis tyrannice  
exigunt, non præstatur D E O, sed S A T H A=  
NÆ, à quo Antichristi didicerunt miseros Episco-  
pos tot laqueis inuoluere, totqꝫ iuramentis obstrin-  
gere, puto esse quatuor eorum formulas, et postrema  
est grauissima omnium, Nam crescente potentia, &  
tyrannide Paparum, semper durior facta est Episco-  
porum conditio, & seruitus, ut nunc sit misserrima.  
Decuisset Osium, cum Episcopus sit, aut seruitutē ex-  
cutere, aut saltē nō insultare his, qui spiritu Dei incēsi

eam

DIALOGVS PRIMVS.

eam excusserunt, sed cum amet gloriam mundi, magis quam gloriam Dei, conculcat suum ordinem, & Papae adulatur. HIL A. eodem in loco, ubi tale iuramentum exprobrat, passus est sibi excidere verbum satis imprudenter: Cum enim cupiat deformatum, & passim diffamat Vergerium, oportuisset dicere, neminem in Polonia fuisse inuentum, qui voluerit Vergerij scripta legere, aut legisse cum tædio, & indignatione eos, qui legissent, aut saltem silentio hunc locum præterire. Verum longè aliud fecit, affirmavit enim inueniri in Polonia, qui nō sine quædam animorum assensione Vergerij Libros legant. ATH. Video futilem esse Osium. HIL. Audies de illo insulsiora, sed sine vnum atq; alterum adhuc dicam, in quo nititur Vergerium deformare, iniquissimo animo fert, quod is ausus fuerit, Serenissimo Poloniæ Regi Prolegumena Brentij, cum Epistola offerre, hic cœlum terris immiscet, & omnia rugibus complet, Contaminatur enim, inquit, & polluitur hac ratione nomen tuæ Maiestatis, imo duobus in locis affirmat, se ista potissimum indignitate cōmotum, non potuisse à scriptione abstinere. ATH. Ineptit, nam & Carolo Quinto Cesari, & Ferdinandio Romanorum Regi, & Francisco Regi Galorum, & Venetiæ Reip. Principi, quin & ipsis Papis nostri Theologis sæpè suos Libros inscriperunt, nec tamen fuit ullus ex his, qui degunt apud tantos Principes, Episcopos, qui id quereretur: Nunc O-

sius

Sius vult nouus Cato haberi. HIL. Imo ipsimet Se-  
renissimo Poloniæ Regi, atq; etiam omnibus Pro-  
ceribus et ordinibus Regni simul, antè biennium, li-  
brum de forma ac ratione Ecclesiastici ministerij di-  
cauit insignis ille Roman. imposturarum insectator  
d. Lascus, qui egit de Papatu funditus subuertendo,  
Quis autē aut Episcoporum, aut aliorum Procerum  
Poloniæ tantopere, eā ob causam, insanuit, ut nunc  
insanit iste Osor omnium piorum? ATH. Suspicio  
eum non ausum fuisse irritare D. Lascum. HIL A.  
Rem acu tetigisti, imo adducit alicubi eius autorita-  
tem pro se, & videtur quodammodo blandiri, nam  
uidet eum magno in pretio et existimatione, merito,  
haberi inter suos, quorum potentiam timet Osius,  
Interea voluit conceptam rabiem euomere in pere-  
grinos, qui longè absunt à Sarmatia, Brentium &  
Vergerium. ATH. Memini me, summa cum vo-  
luptate, antè duos annos legisse Epistolam, qua ar-  
dens ille renascentis doctrinæ Iesu Christi propug-  
nator Radziuilus summa (vt audio) apud Serenif-  
sum Poloniæ Regem autoritate & pietate Prin-  
ceps, Papæ Nuntium Lippomanum pro dignitate  
excepit, Quæro igitur an hunc quoq; Principem  
Osius maledictis, ob eam Epistolam, quæ fuerat per  
Poloniā à Vergerio sparsa, proscindat? HIL. Al-  
tissimum de Radziulo silentium, quantum hacte-  
nus legi. ATH. Timet potentiores, & mundo ser-  
uit contra conscientiam. HIL. Audi aliud, nititur  
**C** falsi

DIALOGVS PRIMVS

falsi conuincere Vergerium, quod in eadem, cuius superius, memini ad Serenissimum Regem Epistola scripsiterit, religionis constituendæ causa Varschauiensia Comitia fuisse indicta, non enim fuit opus, inquit Osius, ullis comitijs in ea causa; quandoquidem Religio recte est apud nos constituta. Quæsiuī à Vergerio, quomodo hic sit responsurus, & in summa mihi satisfecit, satisfacietq; haud dubie alijs quoque, Primū ait, Non solere Nuntios Paparum è Roma in Poloniam, imo in Lituaniā usq; euocari, nisi sit de Religione agendum. Vocatum autem fuisse Lippomanum Osius disertè fatetur in Præfatione, sed cùm afferat à Proceribus Regni à Papa petitam fuisse eam Legationem, crediderim Osius hac in re, sed vrgentibus Episcopis Polonicis, quorum causa agebatur, petitam, erat enim eorum Iurisdictio autoritate Regis, & Comitiorum suspensa, & propterea ipsi Episcopi Lippomanum multa pecunia onerarunt, ita, ut is à dono Regio sibi abstinentium putarit. Sed ad punctum, ait Osius, Comitia Varschauiensia non fuisse propter illa Religionis negotia indicta. Tamen Papa sciuit futura illa comitia, nam in literis, quas Calendis Augusti 1556. ad Senatores Laicos dedit sic incipit. Cùm certiores facti essemus, conuentum istum celebratum iri, Cur fuisse factus de illo conuentu certior, si nihil, quod ad Religionem attineret, fuisse tractandum: imo fuisse factum certiore, quod de Religione erat agendum declarant hæc verba, quæ sunt in eisdē literis: debet is

debetis uestra autoritate perficere, ut Episcopi suam  
 autoritatem, iurisdictionemq; suspensam recupe-  
 rent, sua Ecclesijs & Sacerdotibus bona ab hæreti-  
 cis ablata, suæ item Ecclesiæ Catholicis reddantur.  
 Quare Vergerius non somniauit, cùm scripserit, in  
 illis Comitijs de Religione agendum fuisse, cùm ip-  
 semet Papa id scripserit, & Nuntius eius interfuerit,  
 statimq; post finita Comitia, magnis itinerib. quod  
 sentiret se omnium ordinum odia in se, sua importu-  
 nitate, cōcitasse, ex Polonia profugerit: imo cùm in  
 ipsis Comitijs actum reuerà fuerit de Religione, &  
 statutum, ne quid innouaretur usq; ad alia Comitia,  
 suspensa tamen maneret Episcoporum Iurisdictionio.  
 A TH. Quid refert, siue ob eā, siue aliam ob causam  
 Comitia fuerint indicta? HIL A. Osor putat pluri-  
 mum interesse, multaç; de hoc nugatur. Cùm enim  
 existimet, omnia, que ad religionem attinent, recte es-  
 se apud Polonos cōstituta, necq; ulla emendatione in-  
 digere, censet Sereniss. Regi, & toti regno fieri iniu-  
 riā multo maximam, si quis scribat, ut scripsit Ver-  
 gerius, Comitia religionis cōstituendæ aut corrigē-  
 dæ gratia esse indicta. A TH. Osius vanus homo est,  
 & summa impietate (quantum ex his paucis eius ver-  
 bis colligo) quod scilicet omnia putet recte in Po-  
 lonia, quod ad Religionem attinet, constituta, ut ni-  
 hil sit, quod corrigi oporteat; is videtur omnium Pa-  
 parum, omnium Rasorum & Vnctorum deterri-  
 mus, Papæ enim Rasi et Vnci non negant irrepsisse

C n multos

DIALOGVS PRIMVS.

multos abusus, multasq; superstitiones, imo errores,  
quoc; in Ecclesiam, & quotidie nituntur nos lactare  
inani spe, quod velint vniuersale Concilium cele-  
brare, Ecclesiamq; emendare. At iste Osor, in tanta  
(quod sæpe dico) Euangelij luce pronuntiat, in Ec-  
clesijs Polonicis, quæ adhuc Papatum retinent, om-  
nia esse rectè constituta. Quorsum ergo istius Scri-  
pta legeremus: cum ea neget, quæ sui Papæ, & Car-  
dinales, & reliqui sui Episcopi, clarissimis verbis cō-  
fitentur? Non est dubium, quin iste, qui nunc Papa  
est, cum Cardinalem ageret, unà cum nonnullis alijs  
Cardinalibus, & Episcopis libellum ediderit, cui ti-  
tulum dedit, Consilium de emēdanda Ecclesia, Qua-  
re ex solo hoc titulo euincitur, Ecclesiam opus habe-  
re emendatione, Quid ergo delirat Osius? Cur ad-  
uersus suum idolum, & creatorem insurgit, negans  
in Ecclesia opus esse ulla correctione? Sed si ipsum  
postea libellum Papæ legas, Deum immortalem,  
quam grauiter & verè aliquibus in locis (vtinam fe-  
cisset reuerā id, quod videbatur sentire) videoas auto-  
rem dicere, Papas prurientes auribus coaceruare sibi  
Magistros ad desideria sua, nō ut ab eis discant quod  
facere debeant, sed, ut eorum studio & calliditate in-  
ueniatur ratio, qua liceat id, quod libet, Adesse illis  
perpetuò adulatores, qui doceant uoluntatem Papa-  
rum, qualiscunq; ea fuerit, debere esse pro regula,  
qua eius operationes dirigantur, è Papatu, tanquam  
ex equo Troiano irrupisse in Ecclesiam Dei graui-  
simos:

simos morbos & abusus, quibus ipsa ad desperatio-  
 nem usq; salutis laborat. Per Papas & Cardinales  
 nomē Christi blasphemari inter gentes: Deinde Le-  
 gati Concilij Tridentini, quid non dixerit in hoc ge-  
 nere; inter alia, si verum fateri volumus, inquiunt,  
 aliter dicere non possumus, quin nobis consejisti-  
 mus tantorum malorum, ad quæ corrigenda voca-  
 mur causam extitisse, deinde addunt, se deseruisse ue-  
 ros fontes doctrine Christiane, suos Sacerdotes per-  
 dendis animis intentos esse, et multa in hanc senten-  
 tiā. **HIL A.** Osius hic responderet, neq; Papam,  
 neq; Cardinales & Legatos Cōciliū loquutos fuisse  
 de Ecclesijs Polonicis. **A TH A.** Profecto suspicor  
 eum esse tanta impudentia, ut dicturus sit, quicquid  
 de reliquis Ecclesijs sit, nostræ Polonicæ nihil ha-  
 bent, quod corrigi oporteat. Sed si Romana est ma-  
 gistra (ut ipsi prædicant) Ecclesiarum, quomodo  
 possunt Polonicæ discipulæ bonæ esse & emenda-  
 tæ, cum magistra sit pessima? **HIL A R.** Dixi tibi,  
 paulo antè, Osium omnes Papistas in hoc genere  
 superare, & tu quoq; recte dixisti, eum tibi videri  
 omnium Paparum, omnium Rasorum & Vncto-  
 rum deterrium, dicam autem paulò post quædam  
 de eo horribilia sanè, sed sine prius absoluam quid de  
 Vergerio. Ait se plures legisse illius libellos, falla-  
 cijs, & fraude refertos, Interea tamen nullam fraudē,  
 nullam fallaciam ostendit, multò minus confutat.  
**Verbi gratia;** Vergerius scripsit libellum, cui titu-

**C**lojj. prog. sum.  
oīos

DIALOGVS PRIMVS

Ium dedit, de Gregorio Magno, quē ostendit uolu-  
isse cōmunire Purgatorium, intercessionē Sancto-  
rum Mortuorum, & Monachatum ineptissimis &  
insulfissimis quibusdā fabulis, imo diabolicis (ut di-  
cam quod est) cūm uideret se non posse ē scripturis,  
Osor reprehendit Verg. eo nomine, atq̄ait (ut so-  
let) indignabundus, indignum facinus esse, quod  
ausus fuerit, aliquot cōuitiorum plaustris in Grego-  
rium inuehi. Sed interea, nihil omninō respondit ad  
rē, putat se satis fecisse & cōfutasse, quia sua autoritate  
obiurgaret libelli autorem, & dixerit nescio quid de  
plaustris conuictiorum. At nō satis id esse quis nō ui-  
det: oportuit solidum aliquid afferre pro trium illo-  
rum articulorum, quibus totus Papatus nititur, de-  
fensione, si modo, quod potuisset afferri, habuit. Cer-  
tē scio neq; Osium, neq; ullum alium esse, quanta-  
cuncq; demum fuerit eruditione, eloquentia & auto-  
ritate, qui possit Gregorium in his, de quib. à Ver-  
gerio accusatur, defendere, aut excusare, Cædo, qua  
unquā ratione potest defendi, aut excusari, qui af-  
firmarit quincq; aut sex nescio quos ab INFERNO,  
quē ad locum mortui detrusi fuerant, in uitā rediſ-  
se, ut scelerum suorum penitentiam agerent: Quin è  
COEL O quoq; rediſſe, quo mortui ascenderant,  
nōnullos? At Gregorius, inter alia nugarum mōstra  
hæc, quæ dixi, affirmauit. In eo præterea defendere  
Ro. Eccl. Osius debuisset, quod ea asseueret, Purga-  
torio igne, grauia & enormia peccata purgari, cūm  
Vergerius ostenderit Gregorium scripsisse, Purga-  
torio

torio igne , purgari duntaxat leuicula & minuta,  
Nulla quidem peccata purgantur igne, sed duntaxat  
sanguine filij Dei, que sunt purganda. Sed cum Pa= D  
patus à Verg. accusaretur, quod contrà clarā & aper  
tam sententiam Greg. cognomento Magni, in re  
haud parui momenti, cōtrarium statuerit, non satis= D  
fecit Osius , cum tantum dixerit , Verg. esse impro= D  
bum. A TH. Placet hoc audisse de Purgatorio, nem= D  
pè quod aliter Gregorius de eo, aliter moderni Pape D  
statuant , proderit aliquando id habere in promptu  
cōtrà Papistas , qui iactant , summam esse apud illos  
doctrinarum confessionem , cum sepiissimè sint ual= D  
de inter se discordes & contrarij. HIL. Eckius in suis  
locis cōmunibus istam dissensionē per pulchrè con= D  
ciliat. A T H. Conciliat ne: an est huiusmodi , quæ D  
possit conciliari: HIL. Quomodo conciliet paucis  
dicam: Gregorius dicit, De quibusdam LEVIBVS  
iculpis ante iudicium Purgatorium ignem creden= D  
dum esse , deinde addit , pro peccatis minutis & le= D  
uisimis esse purgatorium , quæ ignis facile consu= D  
mat, sicut est assidue ociosus sermo, immoderatus ri= D  
sus, uel peccatum curæ familiaris. Eckius uero citādo D  
hunc locum, truncat sua Machēra uerba illa LEVI= D  
BVS, MINVTIS, LEVISSIMIS, ne qua appare= D  
at inter Gregorium & alios Papas dissonantia. AT. D  
Hoc ne est conciliare : Mihi videtur corrumpere &  
falsum committere, qui ad hunc modum facit. H I= D  
L A R I V S. Sic isti solent; sed nolo facere iniuriam  
Eckij

DIALOGVS PRIMVS

Eckij manibus, puto enim illum non legisse Gregorium in fonte, non fuisse corruptorem, sed, aut Christianum, cum suum decretum compilaret, aut alium post eum, Nam in Cap. qualis, Dist. 26. corrupta leguntur Gregorij uerba ad eum scilicet modum, quo ab Eckio citantur, qui riuulum vidit, fontem (ut dixi) non vidit fortassis. HIL. Nostrum Osor idem egit de alio Vergerij libello, cui Titulus Scholia in literas Papae ad Senatores Laicos Regni Poloniæ, et ad Ill. D. Tarnouium quod egit de eo, qui de Gregorio Magno inscriptus est: nam duntaxat meminuit illius, atque ait Vergerium vrgere præcisionē eius regni (ut reuerā vrgebat) à corpore Rom. Ecclesiæ, hoc tantum Osius: verum de alijs articulis, qui sunt in eo libello, satis quidem ponderosi, verbum prorsus nullum. Nam (inter alia) Vergerius ostendit definitionem hæretici quæ est in C. Hæreticus & in c. dixit 24. q. 3. per pulchrè quadrare in Papistas, qui temporalis commodi & maximè vanæ glorie, principatusque sui tuendi gratia (sunt verba textus) falsas, ac nouas opiniones gignunt & sequuntur. Ostendit etiam quam enorimenter Papa mētitus fuerit, cum scripserit se velle vniuersale Concilium celebrare, ETIAM SI BELLA FVTURA ESSENT, sic enim reuerā in Poloniam scripserat in illis, quarum antea memini literis, datis calendis Augusti 1556. quo nihil potuisset dici magis falsum, magisue absurdum, & putidum. At bonus Osor iactat

Etat se, quod omnes hos libros legerit, in quibus etiam leuicula quædam obiter uellicat, sed ad ea, quæ sunt grauiora non audet accedere, ueritus ne tanquam ad scopulos naufragium faceret, quod egit de eo potissimum libello, cuius suprà meminimus, in quo agitur de iuramentis, retegiturq; haud obscura coniuratio omnium ordinum, quæ erat aliquando & est etiam num adhuc alicubi, pro Papa contra Iesum Christum filium Dei, Necq; parui momenti res est, Cum enim isti Osores sæpe nobis obijciant, non modo Notarios, Iureconsultos, Sacrificulos, Monachos, Canonicos, Abbates, Præpositos, Episcopos, Archiepiscopos, Patriarchas, Primates, sed Duces, sed Reges, sed deniq; Cæsares, qui usq; adeo demittunt se Papis, ut ad suauiandos eorum pedes & pene uestigia & puluerē prorruant, multum intererat scire, hoc fieri ab illis coacte & non sponte. Nam Papæ, inaudita tyrannide, cogunt eos, uelint nolint, iuramentis se astringere, quod uelint mancipia eorum esse, In primis, ad id proderat illorum iuramentorum formulas in publicum proferre, ut omnes commonefierent Prælatos, quos Pape ad Concilia solent conuocare, solenne iuramentum præstuisse, quod perpetuò contra omnem hominem (sunt uerba ex formula iuramenti) uelint Papatum defendere atq; conseruare. Osius, inquam, huius quoq; libelli disseriè meminit, uerum ubi conuictus debacchatus fuerit, & illud, quod paulo ante

D dix=

## DIALOGVS PRIMVS

diximus effutiuuit, niempè Vergerium uiolasse ius-  
jurandum deo præstitum, mox fugit à cōgressu, hoc  
ne est respondere & confutare: cur non ostendit aut  
Petrum reliquos Apostolos, aut ueteres Rom. Epi-  
scopos reliquos totius Christiani orbis Episcopos  
(ut de reliquis taceam) adegitte, ut iure iurando fidē  
obstringerent, quòd uellent eorum uasalli & man-  
cipia esse? A T. Futilis est, ut dixi: Nam aut dissim-  
mulare oportuit, aut si cōfiteri uolebat, se eum quoq;  
libellum legisse, oportuit refellere & confutare quæ  
cōtraria suo Idolo uidebantur ( siquidem potuisset)  
q; cum minus fecerit, non est dubium, quin cordati  
uiri iudicaturi sint, quòd desperauerit, se posse cōfu-  
tare. H I: Quin animaduerti istum Apostcopum, ad  
eundē modum contrā Brētium egisse, recitat. n. eius  
modo uerba, modo sententiam, səpissimè etiā per-  
uersè et præpostere, quandoq; truncatè, Rhetorica f,  
Iudificat sophistica, & prestigij, postq; autem uno  
uerbo frigide respondit, aitq; inepte & multò səpius  
callide & insidiose, mox solet abire, ut canis in Ægi-  
pto, bibit & fugit, Sed audi quid postremo loco de  
Vergerio: Fuit ( inquit) aliquando Vergerius in  
Christi corpore, quomodo sunt humores mali in  
humano corpore, qui cum euomunt, corpus releua-  
tur, sic et iste, posteaq; exiuit, Christi corpus, Eccle-  
sia, multum est releuata, gaudēdum, ut sit exiuisse ta-  
lē, Hic puto ad hunc modum responsurum Verge-  
rium, si sui malus humor in corpore uestre Ecclesie,  
multo

multò deteriores humores (ut tuo modo de uiris  
doctissimis et p̄hs loquar) fuerunt in eodē corpore,  
tā multi ex omnibus partibus Europæ, qui suis scri-  
ptis uestras Idolomanias, nostra ætate, uiriliter op-  
pugnāt: Nam ex his neminem esse palam est, qui nō  
fuerit aliquando in corpore uestre sinagogę, sed po-  
tentī manu Dei inde abscessi, fuere in Christo inserti,  
ut suauissimos fructus nunc ferāt. Quare uos uide-  
ritis, an gaudēdum uobis sit exiisse tales, et an corpus  
uestre Ecclesiæ fuerit ob illā ueluti uomitionē (ut tu  
dicis) reueatum, an uero longè amplior facta fue-  
rit ægritudo, ut iam sit lætal is. Verum quicqđ iacti-  
tes Os̄i, puto te aliter scribere, quam sentias (ut s̄ap̄e  
alioqui soles) maluisses. n. ut sub tua Babylone mā-  
sissimus ōes, aut si reuerā lætaris, te esse omnium  
mortaliū arrogantissimum, quis non uidet? Certe  
plurimi affirmant, & credibile est, Papas cum suo fa-  
tellitio non letari, sed discretiari animo, q̄ tam mul-  
ti exierimus, ut nunq̄ desit uarijs artibus ambire, ut  
ad se redeamus, sed hinc licet æstimare, quanta sit tua  
rabies, quod tibi ipsi minime cōstes: hic enim dixisti  
gaudendum esse, quod exierim, at alibi dicis, Ponti-  
ficem incredibiles animi cruciatus perferre, dum se= •  
cum reputat quid nos moliamur, addiscq̄ nostrates •  
hoc tēpore multo grauissimam seruitutē uobis Pa= •  
pisticis Episcopis effecisse. A T H. Oportebat mē= •  
dacē esse memorem, sed hic apparet, Osium nō fuisse  
memorē, qui dixerit gaudēdum esse exiuisse talem.

D n HIL.

## DIALOGVS PRIMVS.

HIL. Quod si dices Osi, alios esse, non Vergerius  
 um, propter quos Papa incredibiles animi cruciatus  
 perfert, & alios esse, non Vergerium, qui hoc tem-  
 pore seruitutem ueltrorum Episcoporum multò  
 grauissimam effecerint, responderem, imo, te duo-  
 bus in locis disertissimis uerbis testatum reliquisse,  
 quod Vergerius fuerit tibi causa, quamobrem hanc  
 molestiā & laborem scribendi nunc subieris. A TH.  
 Ego, si Vergerij loco essem, nihil essem solitus  
 quid de me garrire Osius, imo letarer, & in laude  
 ponerem, quod à tam magno Phariseo atq; hypocri-  
 ta maledictis proscinderer. Sed cur putas hunc tam  
 acerbè & uirulenter agere, ut præ rabie non uideat  
 quid dicat, & sibi ipsi aduersetur? HIL. Ex innato  
 odio Euangeli, cui Vergerius seruit, ut periculum  
 faceret, an posset excutere è manibus serenissimi  
 Regis & reliquorum Polonorum Vergerij libros,  
 qui (ut ipsem Osius fatetur) libenter leguntur, ut  
 morem gereret Lippomano, a quo scit Vergerium,  
 utpote Christianum, hominem summo odio haberi,  
 deniq; quia putauit se rem gratam facturum Domi-  
 no Papæ, ab eo enim uenatur purpureum galerum,  
 Aposcopus ambitiosus, et nunc Romæ est, eius ue-  
 nationis gratia. A T. Fortasse nō ita acerbe perstrin-  
 git Brentium. HIL A. Imo multò magis, sed pro-  
 pinat se nihilominus deridendum, Ait enim Bren-  
 tium non aliunde constare, quām ex felle, & ideo  
 summam esse in eo amarulentiam, præterea uocat  
 illum

illum iocularem & leuissimum hominem, uocat pe-  
tulantem & improbum, doctrinam eius plenam se-  
ditionis & rebellionis, scurram, inimum, asotum,  
satellitem Sathanæ, & quid non? A T H A . Hæc  
conuicia in Brentium iactantur ab hoste piæ do-  
ctrinæ, & (ut uno verbo omnia complectar) à Pa-  
pista: Nam quod Brentius paulò liberius, præter  
suam consuetudinem, in Asotum inuehitur, excita-  
tus fuit rei indignitate & aduersarij impietate, Bel-  
lum enim Brentio est, non cum amico ueræ Christi  
ecclesiæ, sed cum impudentissimo propugnatore  
Antichristi. Quæso autem te, unde isti Osio tanta  
arrogantia & licentia: ubi tantos spiritus concepit? HIL. Cardinalaturit animus, quare decet eum arro-  
gantiorem & truculentiorem esse. Adde, quod ante  
biennium, aut triennium Osius fuerit haud medio-  
criter extimulatus à quoppiam ex nostris fratribus,  
ut non potuerit se continere, quin nunc, per occasio-  
nem huius libri, conceptā rabiem euomeret, & ulci-  
sceretur suum dolorem. A TH . Quid? Scripsit ne  
aliquis aduersus illum? HIL. Scripsit. A TH . Quis  
nam? HIL . Hieronimus Mencelius pastor ad S.  
Nicol. Islebjj, uir pius & eruditus, qui probè eum  
depexuit, nulla habita ipsius mitræ, aut episcopalis  
ordinis ratione, cùm uocarit eum maledicentissi-  
mum impostorem, improbum, uanum, conuictato-  
rem, criminatorem, uirulentum, mendacem, ueine-  
natum, ad ueritatis prædicationem surdum, impu-

D ij dentem,

DIALOGVS PRIMVS.

dentem, Sycophatam, Nequissimum Dei hostem,  
Insidiosum, Astutum, Ambitiosum, Garrulum, qui  
nihil habeat, praeter inanem strepitum uerborum,  
Lupum immanem, PseudoEpiscopum, Tyrañum,  
suis in summa coloribus pinxit hominem, atq; id in  
sola adeò dedicatoria, ad Illustrissimum Radziuil=  
lum, epistola, præfationeç. Titulus libri est. Re=

sponsio ad calumnias Osij, in quibus tum Elbingē=

ses, tum omnes alios, qui Augustanæ Confessionis  
doctrinam amplectuntur non solum schismatis, sed  
defectionis ab Ecclesia & Heræseos accusat. HIL.  
Cœpit ergo innotescere Ecclesijs noster Osius : ne=

sciebam. A T H A. Cœpit quidem, uerum innote=

scet magis atq; magis, non multò post, incedetç  
clarioribus titulis atq; elogijs exornatus, aut certè  
in clarioribus locis. Verum dic mihi Hilari, quām  
probas tu, ut nostri paulo seuerius aliquando exci=

piant istos Osios : sunt enim qui non probent,  
quodad hunc modum arguantur, atq; increpen=

tur. HIL A. Paulus aliter sentit, cum Timothe=

um monet, ut arguat. increpetç eos, qui sanam do=

ctrinam non sustinent, qui à ueritate aures auer=

tunt, quanto ergo magis, si eam acerbissimè & tru=

culentissimè insectentur, ut facit Osor : Deinde,

si licet, ut cerè licet, excutere, aut extorquere gla=

dium è manu furiosi, licet quoç exuere omni exi=

stimatione, conculcareç tales Apostolos cala=

mo

mo furentes, Cur parceremus: cur non grauissime obiurgaremus eum, quem uidemus tot horribilia mendacia, totq; criminationes iactare in sponsam Christi, atq; in filios Dei, nostros fratres, ut eos in odium atq; in inuidiam omnium adducat, principum præsertim, qui postea de nostris Ecclesijs durius statuere cogitent. Quare censeo non esse parendum istis furiosis atq; blasphemis, imo uix habere cordi gloriam Dei eum, qui parcendum existimat, præsertim, cum prius fuerint moniti atq; obiurgati, nec tamen desistant, imo indies uehemetius nos urgeat, ut facit præfractissimus Osius atq; incorrigibilis. Sed audi diligenter id, quod nunc dicam, quod me mirum in modum commouit, & tibi quoq; haud dubie stomachum mouebit, statim initio operis (absolui enim quæ ad præfationem pertinent) sic orditur. Fuisse ante XL annos Christianum orbem in summa pace & consensione, ut dici de eo potuerit, quod in Genesi scriptum legimus, erat terra labij unius & sermonum eorundem, quodq; scribitur in actis Apostolorum de his, qui primum in Christum credere cœperunt, multitudinis credentium erat cor unum, & anima una, omnes Christum vñanimititer professos fuisse, in hoc solo gloriatos & nullum potuisse sibi nomen dari gloriosius existimasse. A T H A N A S I V S . Bone

D iiiij Deus.

DIALOGVS PRIMVS.

Deus, quid audio, ita ne Osius ante XL annos in  
Papatu, omnes Christum fuisse professos: HILA.  
Omnino ita, ne dubites, in prima adeo pagina, hoc  
principium dedit adueniens. Audi etiam quid subi-  
ciat. Homines fuisse rectos & simplices, qui non in  
contentione sermonis, sed in simplicitate fidei reg-  
num Dei esse crederent, nec aliud scirent Euange-  
lium (audi Athanasi, audi) nisi quod a Christi spi-  
ritu profectum, de Christo, per Christi discipulos,  
scriptum esset. A TH. Dicerem hominem delira-  
re, sed uocabulum delirij mihi non uidetur sufficere  
ad exprimendam rei indignitatem & absurditatem.  
Vix in summa credidisse, inter eos, qui uolunt pro-  
doctis haberi, esse aliquem tanta leuitate & uanitate,  
nisi forte sit astutia & malitia, qua uoluerit serenissi-  
mo Regi imponere, deinde etiam alijs, qui paulo in-  
cautius legissent, ut uero ab his, quæ adduxisti, po-  
stremis uerbis incipiam, Falsissimum est, ita, ut falsi-  
us nihil unquam scriptum, auditum, aut cogitatum  
fuerit, quod scilicet ante XL annos homines nul-  
lum aliud Euangelium sciuerint, nisi quod a Christi  
spiritu profectum, de Christo, per Christi discipulos  
fuisset scriptum: Nam tale Euangelium iacebat om-  
nino neglectum, neq; in scholis, neq; in Ecclesijs,  
multo minus in priuatis ædibus sonabat, Quid di-  
co iacuisse neglectum? Conculcatum erat contume-  
liose Paparum & suarum creaturarum pedibus, ob-  
rutumq; magnis ceu montibus traditionum & nu-  
garum

garum humanarum superstitionum, Idolomania=rum & blasphemiarum. Quidaliud, nisi hoc, que=runtur nostri, totos hosce XL annos: cur tantum in scholis, tantum in Ecclesijs uiuis uocibus & scri=ptis laborant: imo cur plurimi passi sunt, sibi sang=uinem & uitam eripi, nisi quia non potuerunt sibi temperare, quin Papas grauissimè accusarent, quòd uiderent eos proiecisse ex Ecclesijs & conculcasse pedibus (ut dixi) illud Euangelium, quod à Christi spiritu profectum, de Christo, per Christi discipu=los scriptum est: HIL. Quid si iste Osor ueritatis forte sibi persuaderet (ut vulgus Papistarum solet) quòd Christus suo ore instituerit mandaritq; ser=uanda ea prorsus omnia, quæ in Paparum templis hodiè cernuntur atq; audiuntur: A T H. Non est tam rudis, aut cæcus, qui si Euangelia in manum sumpserit, non uideat, quanta fuerit grauitas, qua=n=ta maiestas Ecclesiæ à filio Dei institutæ, et uicissim, eum, qui sit in Papistarum templis cultum & agen=di modum, esse inanem fucum, & tenuem quandam umbram religionis, omnia autem à Christo institu=ta, fuisse inuersa & corrupta ridiculis additionibus falsisq; interpretationibus, non ergo sibi persuadet quod tu putas, sed haud dubiè malus Osor, prudens & sciens, uoluit imponere (ut prius dixi) Serenis=simo Regi suo & quibuscumq; posset, atq; illud le=ctorum animis instillare, quòd Papisticæ Ecclesiæ non aliud seruent Euangelium, quam quod a Chri-

E sti spi-

DIALOGVS PRIMVS.

Iti Spiritu profectum, de Christo, per Christi discipulos scriptum fuit, & quod nos simus hi, qui tale Euāgelium detestemur, uelimusq; obtrudere quantum, nescio quod, Euāgelium. At nos reuerā suscipimus & reuerenter exosculamur istam propositiōnem, diuinam prorsus, (libenter eam repeto, quia summopere mihi placet) Non esse scilicet audiendum ullum Euāgelium, nisi quod à Christi spiritu profectum, de Christo, per discipulos Christi scrip-  
tum est, imo nullo alio telo contrā Papistas utimur, quām hoc, & nullo alio, quām hoc, maior uastitas facta est in toto Papatu. At iste malus Osor præclarum istud axioma pro se nunc arripit inepte & impudenter, aut subdole & maliciose potius. HILA.  
Sed aliud in his, quæ recitaui, uerbis annotauī, ait  
ante XL annos fuisse homines simplices, qui non  
in contenrione sermonis, sed in simplicitate fidei regnum esse Dei cederent. Ego nihil dubito, quin  
Osh sit sententia, prorsus nihil referre, si homines  
ignorent, quid Christus reuera, & quid Apostoli docuerint, prorsusq; nesciant reddere eorum  
fidei rationem, sed satis esse, si responderint, se  
credere uera esse omnia, quæ à sacrificulis indi-  
es iubentur, nec sint solicii, nec quærant amplius, ubi hoc dixerint, quicquid illi iubeant, siue  
rectum, siue prauum: Nam tales erant, qui ab Osio  
laudantur, & ante XL annos uixerunt, non è mil-  
libus, necq; è decē millibus unum inuenisses, qui potuisse

tuisset ullam prorsus suæ fidei rationem reddere, hanc noster Osor simplicitatem fidei uocat, hanc laudat, hanc cupit reuocatam: Nam, in talibus tenebris, tyrannis commodius ab Rasis & uncis excretur, Cum autē uerbo FIDEI utatur, nō est dubium, quin intelligat historicam fidem, non uiuam illam, non Spiritum Dei & Aram, qua salui sumus: Nam hanc ignorat animalis Osius. Sed aliud audi, iste ait, fuisse ante X L annos summam pacem & confessionem in omnibus Paparum Ecclesijs, ita, ut impudentissimè illas audeat cum Apostolorum Ecclesia conferre, quo nihil potest dici, excogitari ue magis ridiculum & blasphemum: Nam consensio inter eos nunquam fuit minor, quam florente Papatu: Nunquā enim magis rixati digladiatiq; sunt monachi, in tam uarijs sectis dissecti, certè non paucioribus centum, & alij quidam Theologastri, in omnibus templis & in omnibus scholis, in quibus nihil audijsses præter quæstiunculas & nugamenta sophistica, quibus ueram Theologiam fædissimè inuoluerant atq; discerpserant, Quid multis? usq; a deo inualuerat ista pestis, ut in eo, cuius superius meminimus de emendanda Ecclesia libello, actum fuerit de ea, ex ipso Papatu, in quo erat nata & regnabat, ut etiānum regnat, tollenda, atq; ut prorsus uerarentur ab Episcopis rixosæ disputationes de rebus theologicis. Vellemus quidem eas nunquam fuisse literis mandatas; quia sunt, procul dubio, ho-

E ij stes

*DIALOGVS PRIMVS.*

stes capitales doctrinæ filij Dei, sed tamen, quandoquidem sunt scriptæ, lætamur extare tales libros, quibus conuinci & confundi possint isti Osores, quos minimè pudet spargere, Ecclesiæ, quæ fuerunt ante XL annos, fuisse similes Ecclesiæ Apostolorum, suamq; in illis fuisse consensionem. A TH. Reuerà qui legisset librum Osij, necq; fuisset saltem mediocriter, in his materijs exercitatus, haud difficulter potuisset seduci, & putare Romanam Ecclesiæ habere bonam causam, nos uero pessimam, hanc laudem Osio tribuamus, ita est à Sathanæ edoctus HIL. Non est dubium, quibusdam enim uerborum præstigijs, ita solet aliquando lectorum oculis sumum offundere, ut uix possint discernere uerum ab apparente, saltem infirmiores A TH. Ante omnia optarim, ut quicunq; is demum siue Brentius, siue Vergerius, siue alius fuerit, qui prouintiam respondendi isti uenenato libro suscepit, diligenter curet, ut bene diluat quod isti Osores & Staphyli tanta lætitia & exultatione nobis exprobrant, de quibusdam dissensionibus, quæ sint inter nostrates, quod uideo nullo negotio posse fieri, Certè si propterea nostra doctrina non est dicenda uera & genuina filij Dei doctrina, quia nos, in hoc renascentis Euangelij initio, statim post tam densas tenebras & tam magnas difficultates, simus adhuc in aliquo articulo dissentientes, necq; ea, quam profitebantur Apostoli genuina filij Dei doctrina erit dicenda; Nam

e tempore quoque extiterunt, etiam inter ipsos met Apostolos, dissensiones & altercationes, nimis rurum inter Paulum & Barnabam, inter Petrum & Paulum, atque inter alios quoque, ut opus fuerit Concilium congregare, statim in illa primitiua, tanta diuini Spiritus luce referta, quanta nulla unquam Ecclesia fuit. **HIL.** Dicam tibi Athanasi similitudinem, qua soleo uti, si quando incido in Papistas, qui me, propter nostrorum dissensiones, diuexert (ut solent, cum aliud uix habeant, quod nobis ob*ſ*cient) & audiam quid tu sentias. Quispam succidit ingentem syluam, radices extirpauit, terram subegit aratro saepius & bene comminuit, mox optimum semen in ea proiecit, quod enatum est fœliciter, creuit & ematuit, uerum quid: unà cum frumento enata est *Zizania* (ut fit, præsertim si fuerint noualia) quæ potest quidem euelli & à frumento segregari, sed studio & labore opus est. Nunc quæro an laudandus sit, qui bonos agros illic, ubi erat sylua, magnis labbris & erumiis, fecerit, bonumque frumentum seminavit, an uero uituperandus: quia uidetur fuisse origo & causa, ut *Zizania* enata fuerit, quam tamen omni studio curat à frumento segregare & seorsum absumere? **A TH.** Est facilis responsio. Nam quis non uidet, summè esse laudandum qui hoc fecerit? **HIL A.** Ergò sumus laude, non uituperatione digni, cum superstitionum, idolomaniarum & blasphemiarum, quæ in nostris Ecclesijs creuerat syl-

E iij uam,

DIALOGVS PRIMVS.

uam, adiuti a Deo & patre D. N. Iesu Christi, securi  
uerbi sui, succiderimus, extirpauerimusq; purum  
autem Euangelium ibidem seminauerimus. Quod  
si aliquæ malæ doctrinæ, in peruersis quorundam  
mentibus, interea enatæ sunt, non sumus uitupe=  
randi. Quæ, malum, est ista calumnia: quasi, ut istæ  
nascerentur de industria laborauerimus quod non  
pudet malignos Osios & Staphylos nobis expro=brare ac non potius laborauerimus, ut illustraretur  
gloria Dei, quam etiam ob causam dies noctesq;  
cogitamus, qua ratione possimus illas malas doctrinæ,  
& uerè Zizania euellere, nec desperamus suc=cessurum id nobis, scimus Dominum uelle, ut euel=lan tur propediem. A TH. Faciunt luculentam in=uiriam Euangeliō Filij Dei, non solum nobis isti,  
qui aiunt sectas, aut hæreses à nobis esse profectas.  
**HIL.** Atqui hæc est perpetua Osij Cantilena, nun=quām ab hac desistit, ut neq; Staphylus. A TH. Vis  
dicam unde sint sectæ & hæreses: à Papa & à suis  
clientibus satelliibusq;: Nam, cum is sua tyrannide  
impedit, ne autoritate principum & magistratus  
possit fieri ubiq; Ecclesiarum, ad normam Euange=lii reformatio, populi autem interea esuriant bonum  
uerbum Dei, multi incident in clancularios præce=ptores, à quibus malam ( proh dolor ) doctrinam  
hauriunt: Nam uidere licet eas prouintias, ubi au=toritate principis & magistratus, est constituta re=ligio

ligio, hic haud fermè inuenias sectarios, aut per paucos & eos ualde occultos inuenias, in ditionibus uero papisticis, haud dubie plures, Cum enim non habeant publica autoritate Ecclesiam constitutam, pariunt sibi sectas in angulis, maximo nostro cum dolore, ut nemo sit, qui se illis magis obiectat, quam nos. Sed (ut tu dixisti) speramus fore, ut Pater cœlestis sit, per Spiritum sanctum, indicatus rationem atque uiam, qua possint tolli, atque una dissensiones componi, Sciat autem Osius hoc multo citius futurum, quam ipse vellet: Nam ipse in primis, pro suo amarissimo in renascentes Ecclesiæ Christi zelo, palam lætatur atque exultat, quod sectas & dissensiones alicubi videat. Potuimus, per Dei gratiam, quod omnium maximum, difficultimum, atque impossibile videbatur, hoc est, auellere nos & extricare a tyrannide & unguibus Paparum. Quare nihil metuendum, quin, per eandem gratiam, possimus deinceps quæ minora sunt conficere, iacta sunt enim bona fundamenta, imo bona pars fabricæ est superædificata, principium autem (si modò principium tantum habemus) plus esse, quam dimidium totius, omnes norunt. HILA RIVS. Redeo ad pauca illa verba, quæ ex initio Osiani libri recitaui, Obserua obsecro, quam pudendum & quam

DIALOGVS PRIMVS

quām enorme mendacium hic quoqe effutiat, Ait. n.  
quod ante XL annos omnes unanimiter Christum  
profitebantur & in solo Christo gloriabantur, quo  
nomine nullum sibi dari posse nomē gloriosius exi-  
stimabant. A T H. Vt nihil istos pudet tam falsa  
spargere, quām fidelis putandus erit Osor, in reli-  
quis rebus recitandis, si hic in tam aperto mendacio  
deprehenditur. H I L. Vtinam id fuisset, quod re-  
citat, antē scilicet X L annos, omnes unanimiter  
Christum fuisse professos, omnes in solo Christo  
gloriatos, quo nomine nullum sibi posse dari no-  
men gloriosius existimasse, Hoc si fuisset, Ecclesia  
Christi staret meliore loco, & nos tot labores non  
exantaremus, non tantae inuidiae, tanto odio, &  
tantis periculis capita nostra obijceremus, ut Chri-  
stus, qui fuerat obliuioni cum ea doctrina, quam at-  
tulit e sinu patris traditus, in memoriam, & ueluti  
postliminio, reuocaretur. Diximus suprà, istum O-  
sorem esse deteriorem Papis, deteriorem Cardinali-  
bus & reliquis hominibus sui ordinis, atqe ita est  
profecto, illi enim uerecundius uidentur hanc cau-  
sam agere, & non usqe adeò omnem pudorem fron-  
temqe abiecisse, certè iustificantur ab isto nonnihil,  
illi enim in eo, quem diximus de emendanda Eccle-  
sia libello sic aiunt. Te uero speramus electum (a-  
gunt cum Paulo iij. ut nomen Christi iam O B L I-  
T V M à gentibus & à nobis Clericis restituas in  
cordibus & in operibus nostris, ægritudines sanes,  
oues

oues Christi in unum ouile reducas , amoueasq; à nobis iram Dei, & ultionem eam , quam meremur iam paratam , iam ceruicibus nostris imminentem . Papa ergo cum delectis quibusdam Cardinalibus & Episcopis, disertissimis uerbis atq; ingenuè fateatur sibi imminere ultionem Dei , propterea quod Christum obliuioni tradiderit , neq; in operibus, neq; in cordibus illum amplius haberet . Legati etiā Concilij Tridentini, quorum duo fuerunt Pa- pae, Montanus & Cruceius ( tu quoq; eorum paulo antè meministi ) ad hunc modum sunt contestati . Merito de nobis dicitur quod Propheta, in persona Dei, ueterem populum accusat dicens , Duo mala fecit populus hic, dereliquerunt fontem aquæ uiue, & foderunt sibi cisternas non ualentes continere aquas . Deinde subdunt : Sacerdotes contempserunt legem meam & polluerunt sanctuaria mea, inter sacrum & prophanum non habuerunt distantiam . Principes in medio, quasi lupi rapientes prædam, ad effundendum sanguinem , ad perdendas animas, ad auare sectanda lucra . Hæc ille , quæ utinam ad illa solum tempora pertinerent , ac non nostri quoq; temporis imaginem referrent . Hactenus Legati in eorum admonitione , quæ palam extat in tertio conciliorum tomo , & uolui hic aliquanto fusius , quam tu feceris , eorum uerba recitare , cum maxime ad rem faciant . Quem uero appellant fontem aquæ uiuae, nisi Christum , qui seipsum eo nomine

DIALOGVS PRIMVS.

nomine appellavit: quas cisternas dissipatas appellant, quæ non possunt continere aquam, nisi abusus, superstitiones & Traditiones humanas, quæ non conueniunt cum uerbo Dei: Quare ingenuè saltem retegunt sua vulnera, licet minimè sanauerint, ac ne ullam quidem unquam medicinam fecerint, At Osias reclamat, non est ita, inquiens, uos enim dicitis Christi nomē esse uobis oblitum, quem etiam deserueritis uosq; contemptisse & polluisse eius doctrinam & legem, conuersos autem ad ea, quæ minimè possunt cum illius doctrina consistere. At falsum dicitis: Nam Christum constantissimè retinetis, in solo Christo gloriamini, ut optimi Christiani sitis. A TH. Omnipotē magna est Osij impudentia, quam crediderim ipsissimē Papis & Cardinalibus, ut potè non usq; adeò imprudentibus & rabiosis, nauseam allaturam, HIL. Quām uero id falsum, quod, ante XL annos, omnes fuerint in solo Christo gloriatos: Nam eō uentum erat, ut Christus non fuerit agnitus (ut dici solet) inter alios sanctos, imo nullus fuit sanctulus, qui non pluris fieret, quām Christus: Nam Christus nunquam ascisceretur pro patrono, aut tutelari Deo oppidorum et ciuitatum, Christo rarissimè dicabantur tempora, aut altaria, sed sancti erant tutelares, sanctis dicabantur tempora & altaria, & non modò his sanctis, quorum uita & mores fuissent comperti, sed sanctis nescio quibus fictis, quos nemo potuit discere.

cere, quid fecerint, aut ubi terrarum uixerint. In his ergò gloriabantur ante XL annos homines, non in Christo, ut mentitur Osor. Alia consimili impostura uitit, ubi Serenissimum Regem suum monet, ut cunctos populos sibi subiectos in ea religione uersari iubeat, quam Petrus Apostolus tradidit Romanis, quasi nos ab huius diuini Apostoli doctrina & religione abhorreamus. A T H. Atqui ego puto, si inclyta Polonia deberet in ea religione, aut doctrina uersari, quam Petrus Apostolus tradidit Romanis, eam in nulla forte religione uersaturam; Nam Petrus Apostolus nullam fortassis tradidit Romanis, cum ( iuxta quorundam sententiam ) Romę nunquam fuerit. At obserua uerbum TRADIDIT, cum enim unica illa epistola, quam scripsit Petrus ( altera enim non putatur eius esse, nec tamen eam reiçimus ) pauca omnino religionis capita complexus fuerit, isti Osores poetice fingunt, Petrum, ut etiam alios Apostolos, multa constituisse, quae ab ipsis Apostolis, non fuerunt literis manda ta, atque esse, quas Traditiones appellant, ego superius dixi esse Quintum eorum Euangelium, sed, nos una cum Euangeliō, quod à Spiritu Christi profectum, de Christo, per discipulos Christi, scriptum est reuerenter suscipimus eam, quae uerè est Petri doctrinam, in eius scriptis comprehensam, ut semper magis atque magis in ea opinione confirmer, quod iste Osor nou aliud in animo habuerit, quam,

F n ut

DIALOGVS PRIMVS

ut Sereniss. Regem deciperet abducereicꝝ quam  
longissime ipsius animum à nostratisbus, ac propte-  
rea dixisse, suos Papas, nullum aliud Euangelium  
amplecti, quam quod à spiritu Christi profectum,  
de Christo, per discipulos Christi, scriptum sit, &  
nunc addidisse, Regem debere imperare, ne quis ali-  
am doctrinam doceat, præter eam, quam Petrus A-  
postolus docuit, quasi nos aliud Euangelium ueli-  
mus, quam quod à spiritu Christi profectum (quod  
sæpè libenter repeto) de Christo, per discipulos  
Christi, scriptum est, & aliam, quam Petri doctri-  
nam. HIL. obseruaui alium item locum, in quo O-  
sor idem agit nititurꝝ Serenissimo Regi persuade-  
re, nos minimè acquiescere Petri doctrinæ. Sed lon-  
ge dissentire ab eo, quod Petrus, imo etiam ab eo,  
quod Paulus docuit A T H. O mendacissimum  
Osium, si hoc dicit. HIL. Videamus num di-  
cat, Recitat hæc uerba Hieronymi. Quisquis es  
assertor nouorum dogmatum, quæso te, ut parcas  
Romanis auribus, parcas fideli, quæ Apostolico ore  
laudata est. Cur post quadringentos annos docere  
nos niteris, quod anteà nesciuimus? Cur profers in  
medium, quod Petrus & Paulus edere noluerunt?  
Vscꝝ ad hunc diem sine ista doctrina mundus Chri-  
stianus fuit. Illam senex tenebo fidem, in qua puer  
natus sum. Quis autem non uidet reprehendi hic à  
Hieronymo assertorem quendam nouorum dog-  
matum, quæ necꝝ Petrus, necꝝ Paulus agnouerant,  
unde:

unde necesse est, ea fuisse æthnica, aut ex eo genere,  
 quod Christus apud Iudeos suo sanguine induxit  
 atq; obliterauit, atq; idcirco dixisse Hieronymum, se  
 velle in senectute tenere eam doctrinam, in qua na-  
 tus fuisset: quia statim ab incunabulis eam hauserat,  
 quam Christus & eius Apostoli docuerāt, nondum  
 scilicet ita conspurcatam & corruptam, ut nunc est.  
 Sed audi quid deinde Osius, & quām miserè tor-  
 queat verba Hieronymi. Quid tibi videtur Brenti:  
 An non eiusdem verbis rectè nos uti contrà vos  
 possemus: Cur post mille quadringentos annos do-  
 cere nos conanimi, quod antea nesciuimus? Cur  
 profertis in medium, quod necq; Petrus, necq; Pau-  
 lus, necq; quisquam legitimus eorum successor ede-  
 re voluit: Vsq; ad hunc diem, sine ista doctrina ve-  
 stra, mundus Christianus fuit, illam adulti fidem te-  
 nebimus, in qua pueri nati sumus, Sine Athanasi, ut  
 ista verba discutiā, Primum ait, cur post mille qua-  
 dringentos annos docere nos conanimi quod antea  
 nesciuimus: Sic solet vulgus in Papatu(ut suprà at-  
 tigi) putat enim filium Dei D. N. Iesum Christum  
 ea omnia instituisse, quæ nunc in papisticis Ecclesijs  
 audiuntur & videntur, nos autem nouam quandā  
 & nunquam prius auditam doctrinam concinnare,  
 atq; hinc est quod toto pectore abhorret à nobis,  
 Osius ergo nicitur hunc crassum vulgi errorem ob-  
 trudere (si posset) Serenissimo Poloniæ Regi. Atq;  
 illud in primis olsacio, hic yelle suam papisticam

F iij Missam

DIALOGVS PRIMVS.

Missam dextere insinuare , quasi ea antè mille quadringentos , aut quingentos annos fuerit , statim in primitiua Ecclesia , ad eam formam , qua nunc cernitur , instituta : Nam & alibi obseruauit , eum ad hunc modum scripsisse . Nos quidem neç moribus , neç cæremonijs alij utimur , quoties tremendum Deo sacrificium offerimus , quām quibus usi sunt sancti Patres nostri , iam inde à mille quingentis annis . Quamuis enim successu temporis accesserit precum nonnihil , & pleracç ad decorem addita sint , & ad excitandos homines ad deuotionem , de re tamen ipsa nihil est mutatum . A TH. Proh , quot & quām grauia mendacia video , in his tam paucis uerbis , Quis enim iam nescit , nō fuisse in usu Patribus nostris iam millibus quingentis annis , istas missarum nundinationes , ut neç multiplices atç ineptas istas cæremonias , quib. nunc utuntur in Papatu sacrificuli missificatæ , sed successu temporis fuisse sine iudicio , nō modò sine spiritu Dei consarcinatas , extant boni libelli hac de re Valentini Fanij , atç aliorum , ibi querat qui uelit et inueniet quo tempore , & à quibus Papis , fuerint factæ illæ tam multæ tamç blasphemæ accessiones . Deinde , quod Osius ait , nihil esse mutatum ex prima institutione cœnæ dominice , ita falsum est , ut nihil possit esse falsius : Nam retinent quidem Papistæ pauca illa uerba , quib. Christus in cœna usus est , sed præpostere intellecta , sed præpostere pronunciata , sed contrà mentem & sensum

sum Christi, sexcētis modis, detorta atq; usurpata, ut si Apostoli reuiuiscerent, essent haud dubiē magna cum indignatione, exclamaturi, Qualis hæc larua: quale monstrum? quantæ & quām horrendæ hic idolomaniaæ atq; blasphemie in unum aceruum con- gestæ: HIL. Sinamus, ut, qui Osio respondēdi pro= uinciam sumpserit, hanc partem, quæ ad missam atti= net, exagitet, si uidebitur, Sequar ego in expenden= dis uerbis, quæ ex ipso recitaram.

Cur profers in medium quod neq; Petrus, neq; Paulus, neq; quisquam legitimus eorum successor edere uoluit? Osius ad uerba Hieronymi hic addidit de suo, neq; quisquam legitimus eorum successor, ut designaret Papas & Episcopos, sed nos isto= rum, si doctrinam Petri & Pauli conculcant, ut cer= tè conculcant horribiliter et sæpissimè, nullam pror= sus rationem habendam censemus, habeant carnales Papistæ quantam uoluerint, quod uero diuini A= postoli Petrus & Paulus docuerunt, id reuerenter suscipimus & reueremur, ut turpissimè mentiatur Osor, qui secus de nobis spargit. Sequitur adhuc, usq; ad hunc diem sine ista doctrina uestra mundus Christianus fuit. Nomine duntaxat Christianus & titulotenus aliquandiu fuit, non re ipsa: quia genuinam Christi doctrinam mundus proiecerat, & pro ea, merum Pharisaismum & Papismum suscepérat, Postremo concludit Osius: Illam adul= ti fidem tenebimus, in qua pueri educati sumus.

Tenete

DIALOGVS PRIMVS.

Tenete uestro magno malo quicunq; sentitis cum  
Osio, nati estis in foedissimis tenebris, odiſtis solem  
a Deo missum Euangelij, & ne uobis elucescat ocu-  
los auertitis, quin affirmatis, illum tenebras esse, &  
Sathanismum, quo circā dignissimi estis, qui mox  
ruatis præcipites in ignem æternum, qui paratus  
est Osio & sequacibus eius, nisi crediderint Euange-  
lio & pœnitentiam egerint. A TH. Quam impru-  
dens est illud quoq; quod moneat conſenſeſcēdum  
in ea fide, in qua quis natus est. Est perpetua uox  
crassiorum papistarum, & non aliud Hebrei, non  
alid Turcæ ſolent adducere. Sed quod ad Hierony-  
mi, quæ recitasti, uerba attinet, ego Osio ad hunc  
modum responderem. Cum nos reprehendamus  
præſentem & eum, qui ante aliquot annos fuit, ſta-  
tum Ecclesiæ, quæ Romæ est, quanta eſt iſthæc tua  
ineptia Oſi, qui uicissim obiſcis autoritatem Hiero-  
nymi, quod a puritate doctrinæ eā Ecclesiam lauda-  
rit, quæ ante mille & amplius annos Romæ fuit:  
quasi uero ea fuerit conſimilis iſti Romanæ, quæ  
nunc eſt, plena ſuperſtitioñibus, plena idolomanis  
crassissimis fædiſſimisq; postea inuectis, quas si Hie-  
ronymius poſſet uidere, nō dubitamus, quin multo  
acrius uos eſſet excepturus, quam nos faciamus.  
**HIL.** Animaduerti hoc eſſe Osio peculiare, ſepiſ-  
ſime ad hunc modum ineptit, adducit enim alicubi  
Cypriani autoritatem, qui, millibus ducentis ab  
hinc annis, ſcripſerit, ſolam eſſe Romanam Eccleſi-  
am,

am, ad quam nunquam accessum habuit perfidia.  
Vnde Osius sic uidetur ratiocinari. Ergo nec po-  
stea ulla falsa doctrina ad Rom. Ecclesiam accessum  
habuit, Quid uero stultius, quam ad hunc modum  
colligere? Quocircà dicam ego de Cypriano, quod  
tu nunc de Hieronymo dixisti, si Cyprianus posset  
intueri statum Ecclesiæ, quæ nunc Romæ est &  
fuit antè multos annos, Deum immortalem, quam  
excandesceret, quam acueret stilum aduersus eam,  
& peculiariter contrà Osium, Non te pudet ( dice-  
ret) abuti meis uerbis ad conciliandam autoritatem  
isti Rom. Ecclesiæ, quæ tam turpiter degenerauit,  
ut nihil minus sit, quam Apostolica. Volo alium  
adhuc locum addere, in quo Osius idem repetit atq;  
iterum strenuissimè mentitur, nos scilicet in religi-  
one, quam Petrus docuit, minimè uersari, imo nihil  
esse apud nos ea execrabilius. A T H. Iesu, utitur ne-  
tam duro uerbo: ait ne EXECRA RI nos Petri  
Apostoli doctrinam: HIL. Ait, audi modò. Cum  
Papistæ Catholicam doctrinam & religionem re-  
uera proiecerint concularintq; nomen saltem Ca-  
tholicorum nituntur mordicus retinere. Quare A-  
fotus adduxerat .l. cunctos, cod. de summa Trini-  
tate, in qua Theodosius Imperator, cum eo tempo-  
re coortæ fuissent contentiones de Triade, iubet su-  
os subditos agnoscere eam fidem & doctrinam,  
quam Petrus Apostolus docuit, & quam sequun-  
tur Damasus Romæ, & Petrus Alexandriæ Epi-  
G scopus,

DIALOGVS PRIMVS.

scopus, quod scilicet una sit Patris, Filij & Spiritus  
sancti sub pari maiestate et sub pia Trinitate Deitas,  
Deinde addit Imperator, Hanc legem sequentes  
Christianorum Catholicorum nomine iubemus am-  
plècti, reliquos dementes, uesanoscq; iudicantes  
hæretici dogmatis infamiam sustinere. A T H.  
Quid? uult fortassis Asotus, aut Osius nos auto-  
ritate huius legis inter hæreticos proscire, & re-  
censere? H I L. Maximè, an non nosti? A T H.  
Indoctissimè, iniustissimè: Nos enim secundum  
Apostolicam disciplinam, euangelicamq; doctrinā  
Patris, Filij & Spiritus sancti unā Deitatem sub  
pari maiestate & sub pia Trinitate credimus ( sunt  
uerba legis) quemadmodum Damasus Episcopus  
Romanus, & Petrus Alexandrinus Episcopus cre-  
diderunt, in hoc, ab illis minimè dissentimus. Non  
ergo possumus esse Theodosio Imperatori hæreti-  
ci, cum eos demum Hæreticos esse pronunciet, qui  
secus de Trinitate sentiunt, quam illi duo Episcopi  
senserint. H I L. Recte, audi Brentium, qui idem re-  
spondit quod tu, sed cogor eius uerba recitare, quo  
melius queas absurdam Osij respensionem intelli-  
gere. Non uidet præ animi sui impotentia, quid pro-  
se, quid contra se dicat. Primum enim Petrus Apo-  
stolus ueram & rectam docuit religionem, ac Da-  
masus Romanus & Petrus Alexandrinus rectam  
fidem de Triade (de hac enim tum præcipue ageba-  
tur) sequuti sunt. Nos autem nuncloquimur de  
Pontificis

Pontificibus & Episcopis, qui docent & sequuntur  
 impiam religionem: et tantum abest, ut verā de pie-  
 tate doctrinam agnoscant: vt etiam eam ferro, ig-  
 ne, laqueis persequantur, vult'ne Asotus, vt etiam  
 tales sequamur magistros & sacerdotes? Det no-  
 bis Petros Apostolos, det nobis Damasos Ro-  
 manos, & Petros Alexandrinos, qui veram &  
 sinceram Apostoli Petri doctrinam sequantur, &  
 habebit pios principes, non auditores tantum, sed  
 etiam adiutores. A T H A. Recte Brentius: nam,  
 quicquid in alijs articulis Damasus & Petrus A=  
 lexandrinus senserit ( sat scimus in plerisq; alijs  
 male sensisse ) de Trinitate recte sensit. At quid  
 hic Osius? HIL. Quid nugatus fuerit de Da=  
 maso & de Petro Alexandrino, haud dubie di=  
 cturnus est vel Brentius vel Vergerius, cùm Osio  
 responderit: nam quædam valde calumniosa &  
 inepta, magna quadam insolentia & iactatione,  
 congesit. Et tandem inquit, si credis Damasum  
 recte sensisse, cur ergo Papatum impugnas Bren=  
 ti? cur missam? cur consecrationem virginum?  
 cur erectionem altaris? cur vunctionem sacratio=  
 nemq? cur Ecclesiæ dedicationem? cur Chrisma=  
 tis confectionem? nam omnia hæc Damasus de=  
 fendit. A T H A. Atqui non video Brentium di=  
 xisse, quod Damaso per omnia subscribat. HIL A.  
 Nihil minus, sed tantum dixit, eum de Triade re=  
 cte sensisse. Sed veterator osius mire cauillatur,

G ij hoc

DIALOGVS PRIMVS.

Hoc præcipue in loco. At de his sinam , vt alij suo tempore, nunc ego tantum de Petro Apostolo pergam dicere, En Osij verba: Docetis, quādoquidem Christus pro peccatis nostris semel satisfecit, nulla deinceps opus esse satisfactione, atquī non ita Petrus Alexandrinus, nō ita, quem ille Duce m sequuntur est Petrus Apostolus: Christus , inquit, passus est pro nobis , vobis relinquens exemplum , ut sequamini vestigia eius . Vide quām ridiculē & stultē Osius velit probare, nos debere pro peccatis satisfacere, quia, inquit, Petrus dixit, Christum cūm passus fuerit pro nobis, reliquiss nobis exemplum, vt nos quoq; pro nostris peccatis patiamur. ATHA. Proh quid audio, O egregium Theologum, Ergo esset nobis moriendum pro peccatis nostris, quia Christus pro peccatis nostris est mortuus. HILA. Probè intelligis, sensus verò verborum Petri est, quod sit nobis patienter ferendum, si, praeter meritum, sumus aliqua iniuria affecti, idq; exēplo Christi, qui cūm conuicti incesseretur, non regessit conuictia, cūm malis afficeretur, non minabatur, sed rem iuste iudicatuero committebat. Vide præcedentia: nullum enim dubium esse potest, quin hic sit sensus. Cūm verò nos reprehendat Osius , quod doceamus, nulla esse opus satisfactione nostra, audi quid Petrus statim subiungat, & hunc quoq; reprehendat, si nos reprehendit. Qui peccata nostra ipse per tulit in corpore suo super patibulum , cuius uibice

vos

vos estis sanati. An non hic locus iugulat Osium,  
 qui exigit nostras satisfactiones pro peccatis, quasi  
 Christus non pertulerit peccata nostra in corpore  
 suo, quasi frustra mortuus sit? A TH. Responderet,  
 Christum peccata nostra pertulisse quidem in cor-  
 pore suo, sed quo ad culpam tantum: quare reli-  
 quum esse, ut nos patiamur quocq; in nostro corpo-  
 re, aut in nostro marsupio satisfaciamusq; quo ad  
 pœnam. HIL. Eat in malam rem cum istis ineptijs  
 et blasphemij, quas sol Euangelijs ita patefecit et dis-  
 iecit, ut pudeat de illis loqui: Nam essent nobis illæ  
 tam multæ fæces euoluendæ, quas de indulgentijs,  
 deq; Purgatorio Papistæ somniarunt & congesse-  
 runt, ut culinæ & ventri consulerent. Audi quid  
 adhuc Osius de Petro Apostolo, vt demonstret  
 nos omnino eius doctrinam execrari, Exigit à no-  
 bis, inquit, Euangelium fructus & opera digna pœ-  
 nitentiæ, Dicit idem Petrus: Satagit, ut, per bona  
 opera, certam vestram vocationem faciat, vos, ex-  
 clusis bonis operibus, fidē solam sufficere docetis.  
 Est ne consentiens hæc vestra doctrina Petri Apo-  
 stoli doctrinæ? A THA. Vis, ut hic prior dicam  
 quid sentiam. HIL. Dic. A TH. Aut insignis im-  
 postor, aut sacrarum literarum rudis iste sit oportet,  
 aut forte vtruncq; HILA. Vereor profecto, ne v=br/>
 truncq; sit. Possemus Osio respondere, tria illa verba  
 à se producta ex Petro, nempè, PER BONA O=br/>
 PERA, non reperiri in fonte græco, licet in vul=br/>
 gatis

DIALOGVS PRIMVS.

gatis versionibus habeantur. A T. Scio non haberi, sed donemus hoc illi. H I. Recte sentis, donemus: nam qui præcedentia legerit in Petro, videt eum id omnino velle, ut rectè factis testemur nos Christianos esse. Nos quidem dicimus cum Apostolo, q[uod] fide iustificemur, non operibus; hic quidem, ad iustificationem scilicet cōsequendam, excludimus bona opera, cùm hic reuerà sola fides, qua gratiam apprehendimus, sufficiat. Sed quòd bona opera vbiq[ue] respuamus & cōdemnemus, est insignis calumnia, vrgemus enim bona opera, docentes ea esse testimonia, indices et fructus fidei, ex quibus filii Dei agno scamus, & fieri non posse, ut non producat bona opera, qui verè sit iustificatus: quemadmodum fieri nō potest, vt ignis non illuminet, & nō calefaciat. Bona autem opera intelligimus, q[uod] sunt nobis commendata & præcepta à Deo, nō quæ ab hominibus excogitata. Deniq[ue] certum scimus, docente in scripturis Spiritu sancto, quod nullis nostris operibus possimus pro peccatis satisfacere (absit tātus error) sed quòd Deus (pro sua inenarrabili clementia) affigens dilectū filium suum patibulo, voluerit ipsius sanguine, & morte sibi satisfieri. H I. Breuib[us] rem totā complexus es. Pergit Osius atq[ue] inquit, q[uod] nos in quauis potius, q[uod] in Petri religione versemur, & non esse quicq[ue] apud nos ea execrabilius. A T. O impudentiā singularē. H I. Postea subiungit, q[uod] ipsi Papistæ cum doctrina Petri per omnia cōseniant, nos autem ex diametro cum ea pugnare, negare nō posse:

posse: Nam si maxime, inquit, negare velitis, vel ipsi e libri vestri vos mendacijs conuincient, omni genere blasphemiarū referti. A T. Egregiū Osij, & dignissimū profecto, quem suus Antichristus mox ornet trib. aut quatuor mītris, totidēq; purpureis galeris, non modo uno, q; tam acriter et tanta virulentia genuinā Christi doctrinā studeat insectari, tamq; strenuè mētiri. H I. Aliquis posset totidem verbis Osio respondere, q; nihil sit apud Papistas Petri doctrina execrabilius, cum qua nos quidem per omnia cōsentire, illos aut ex diametro cū ea pugnare, negare nō posse. Nam si maxime negare velint, vel ipsi eorum libri eos mendacijs cōuincient, omni genere blasphemiarum referti. A T. Pulcherrimē quadrāt in Papistas. Habes ne plura, q; in isto Osio notaueris: H I. An plura habeā: audies atq; obstupesces. His colo-  
ribus et hac arte rhetorica, quam audies, nititur Sere-  
nis. Regem continere, ne à Papatu resiliat. Petrico-  
via est nō longe à Cracouia oppidum, vbi Comitia  
regni maiora solet haberi, ante trienniū cūm habe-  
rentur, actum illuc fuit, de suspendenda Episcoporū  
authoritate & iurisdictione, qui voluissent grassa-  
ri in pios, anteq; vlla fieret cognitio: suspensa igi-  
tur fuit, vt ad hoc merito manet suspensa, manebitq;  
(vt speramus) perpetuo: atq; hoc illud est, q; tam  
male habet Osium: ideo, veluti furoris cōstro percis-  
tus, quærerit vlcisci, saltem calamo pro se & collegis  
(quorum tamen nōnullos bonos esse, nec probare

DIALOGVS PRIMVS.

Osiū factum sat scimus) si non potest igne atq; ferro:  
Post aliquot menses , aliquæ tum consiliariorum,  
tum priuatorum ædes, in eodem oppido, turbine  
disicebantur , Hic ergo insurgit futilis Osius , atq;  
inquit; Noli putare Rex fortuitò hæc euenisce, Sed  
scias hanc vocem quandam fuisse Dei , qui scilicet  
minatur se deinde immisurum multò grauiorem  
tempestatem in vestra omnium capita , quām mise-  
rit in fastigia domorum, si viderit vos velle ab obe-  
dientia Rom . Ecclesiæ discedere , adducitq; hic ex-  
empla Chorè , Dathan & Abiron . A TH . O ine-  
ptum rhetorem , qui tam leuicula resperauit , se pos-  
se grauissimum Regem territare , quasi vero res sit  
insueta & tam magni momenti , vt tempestates &  
turbines aliquando disiçiant domos , quæ ex lignis  
construuntur , vt Petricouiae fit , vbi non sunt alia ,  
q; lignea ædificia: An portentosum est , si talia tem-  
pestatibus turbinibusq; disiçiantur? Vix esset por-  
tentosum , si marmorea fuissent. HIL . Audi aliam  
rhetoricam Osiū . Narrat Carolum Quintum Impe-  
ratorem habuisse , antè paucos annos , perexiguas  
kopias , fuisse totius fere imperij præsidij destitu-  
tum , Protestantes vero exercitum & numero lecti-  
simorum militum , & omnibus rebus bello necessa-  
rijs instructissimum contra Cæsarem collegisse , Se-  
disse tunc Deum pro tribunali , & quasi lata senten-  
tia pronunciasse , Carolum Q. Imperatorem suæ  
doctrinæ propugnatorem esse , & victoriam incru-  
entam

entam illi concessisse. A T H. O animalem Osium, qui ignorat Deum solere suos sub crucibus affligeret, & nolle, ut ferro vincamus, non enim sunt carnalia arma militiae nostrae. Deinde si isthæc argumentandi ratio valeret, Pôtifices, Scribæ, & Pharisæi adhuc possent gloriari, quod filium Dei superassen, cum illum omni contumeliarum genere affectum cruci potuerint affigere. A T H. Gloriantur quidem fuerunt eo nomine. Sed cum paulo post ex sepulchro Christus, de mundo, de morte & de inferno gloriosissime triumphans surrexisset, omnis eorum gloriatio euanuit repente, fuitque in summam infamiam conuersa. H I L. Videor mihi intelligere, quorsum hoc dixeris. Nam qui profligatus & uictus paucis ante annis uidebatur, nunc uincit Christus. A T H. Probè intelligis, id ipsum uolui dicere. H I L. Sed alium quoque locum audi ex Osio, qui mihi nunc in mentem uenit, cum Caroli Q. in Hispania mortui meminerimus, Exultat libro tertio, quod nullum regnum magis sit ab Hæresibus (sic ipse loquitur) intactum, quam Hispaniarum regnum, immo quod nec dici quidem audierit de nostra doctrina. A T H. Infelix Osius, qui se tam multis mendacij deridendum propinat, Nam palam est, in Hispania quoque Euangeliū indies se exerere, ita, ut propter eius confessionem plurimi fuerint cōiecti in carcerem, plurimi igne consumpti, & plurimi ex omnibus ordinibus profugerint,

H ut

DIALOGVS PRIMVS.

ut taceam de Nicodemis , qui sunt multò plures.  
Obsecro quid de regno Angliæ Osius; H I L . O-  
biter pauca , lætaturq; ad Papatum illud rediisse.  
A T H . Desinat ergo lætari , cum uno atq; eodem  
die, atq; eadem ægritudine, nimirum quartana, elata  
fuerit Maria Regina, & Reginaldus Polus Cardi-  
nalis, Papæ Legatus : successerit autem in regno E-  
lizabet, Mariæ germana soror, virgo admirabilibus  
& prorsus diuinis uirtutibus ornata, inter quas illa  
est præcipua , quod renascentis Christi doctrinæ  
studiosissima est , ut nihil sit dubitandum, quin col-  
lapsas Ecclesias propediem sit instauratura, fremente  
Papa cum suis Osis. H I L . Sine , pergam de Osio,  
qui librum suum infarxit modo rhetoricis , & qui-  
dem ineptis (ut uidisti ) quibusdam coloribus, mo-  
dō depravationibus, manifestisq; mendacijs, modō  
conuicijs & uirulentijs, cuiusmodi hæc una est ual-  
de insignis . Nititur alicubi incendere Serenissimi  
Polonorum regis animum , ut sua Maiestas , quæ  
suapte natura clementissima est , mandet Vergeri-  
um trucidari ubicunq; possit reperiri . A T H . Iesu,  
trucidari ne; H I L . Trucidari , audi locum. Cum  
Brentius affirmasset, ad Episcopos solos , eosq; piæ  
doctrinæ hostes, diuino iure minimè pertinere cog-  
nitio nem ac disputationem doctrinæ Ecclesiasticæ  
(ut sæpè diximus) taxat aliquando (& meritò) il-  
lorum corruptissimos mores & crassam imperitiā.  
Osius ergo Regem affatus , inquit, si hunc locum,  
quo

quo Brentius nobis maledicit defendendum co-  
ram te, pientissime Rex, susciperet Vergerius, asse-  
reretq; nos minimè esse idoneos Ecclesiastice doctri-  
næ iudices, quem hic esset accusaturus alium præter  
te: cuius enim arbitrio, præterquam tuo & à Cano-  
nicis eliguntur & à Pontifice Rom. confirmātur E-  
piscopi: cuius nisi tua culpa sit, ut Ecclesiastice doctri-  
næ nos idonei iudices esse non possimus: Quam ad  
rē uenit huc Vergerius, nisi ut tibi insultaret, ut po-  
puli contra te seditionem excitaret, quod tales Epi-  
scopos solitus sis creare. Et alibi inquit, Vult Ver-  
gerius, ut sibi quisq; sit Rex, ut sibi quisq; sit Episco-  
pus, ut in sua quisq; causa sit iudex. Et subiugit, Vult  
Vergerius, ut pereat tuum regnum, & tu scelus hoc  
ferēdum IN TERRIS putabis, & nō A VFE-  
REN DVM potius curabis: A T. Video uene-  
natissimum Oforis animum: hi sunt Episcopi: an  
nō saltem hoc in loco præ se fert spiritum & mode-  
stiam, qua dignissimus uideri possit, ut ad dñjudicā-  
das oēs Ecclesiastice doctrinę causas, ueluti Aposto-  
lus aliquis, aut Angelus, etiā inuitus, solus accerse-  
retur: Non ne pudet grauiissimum seditionis crimē  
intentare hominiu[m] innocentia: tamq; turpiter de eo  
mētiri, quod uelit, ut sibi quisq; sit Rex, & ut regnū  
pereat: Præterea, decet ne Episcopum instigare, ne  
sua Regia Maiestas sinat amplius uiuere seruum Ie-  
su Christi sed curet trucidandum, ubi cunq; demum  
sit: non enim dixit, ne pateretur eum in Polonia

H...ñ viuere,

DIALOGVS PRIMVS.

viuere, sed, ut nusquam IN TERRIS pateretur  
viuere, & AVFERENDVM. O crudelem, o  
sanguinarium Osium: Nam quòd ait, non posse re-  
prehendi aliquorum Episcoporum imperitiam &  
vitam, nisi una Rex, qui tales elegit, reprehendatur,  
falsum est: tanta enim solet esse hypocrisis, tanta im-  
portunitas, tantacꝫ astutia earum Harpyarum, qui  
opibus Episcopalibus inhiant, ut sèpè decipient bo-  
nos Reges. Quid : quòd aliquando à Regibus eli-  
guntur nonnulli, qui non sunt usqꝫ adeò mali, ue-  
rum ab illis pestilentibus cathedris & luxibus cor-  
rumpuntur non multò pòst, quod multis in locis  
vidimus contigisse : Quam hic culpam habeant  
Reges, si Episcopi in malos & impios viros eu-  
dunt: Reprehendet ne ipsos Reges, qui illos Epi-  
cureos reprehēderit: Sic reprehēdendus esset Chri-  
stus ipse filius Dei, quòd Iudā Ischariotem in Apo-  
stolū elegisset. Audit alias calumnias Osianas. ATH.  
Subsist obsecro, nam video aduentantem F. Stellā,  
qui cum mihi negotium est grauissimum: neqꝫ pos-  
sum differre, quin statim agā de eo. Quid si post ali-  
quot horas rursus conueniremus, aut etiam crastina  
die, eisdē de rebus collaturi: HIL. Quando uolue-  
ris redibo ad te. Mihi quidē multo cōmodius uide-  
tur, si crastina die: Nā interea uersarer in nostro O-  
sio, unde possem tibi afferre noua monstra tanqꝫ ex  
Aphrica. A T. Placet, cras huc redibo, aurib., sieten-  
tib. HI. Sed certo scio, me allaturum aquā satis pu-  
tidā, tu uideris, an ea uolueris sitim explere.

Dialo-

31

# DIALOGVS

## SECUNDVS.

HIL. Adsum, ut condixi, & putidæ aquæ fero,  
plus satis rectè factum, quod hoc tempus no-  
stro colloquio interposuerimus. Nam interea to-  
tum me dedi lectioni Osianæ, ita, ut multò plura  
possim nunc recensere, quam fecissem heri. A TH.  
Memini te heri incepisse dicere de virulentijs, decjs  
calumnijs Osianis. HIL. Ita est, pergam de his lo-  
qui. Osius inquit, Lutherum in sua Postilla dixisse,  
homines deteriores esse, quam fuerint in Papatu, &  
alibi, decies eos esse Sodomitis peiores. Quare hic  
insolentissime se effert Osius, & triumphum agit, ad  
hunc modum uociferans: Audite irrefragabile te-  
stimonium Idoli vestri Islebiensis, audite vestrum  
Deum loquentem, huius enim verba nihil aliud  
sunt iudicio vestro, nisi verba Dei. A TH. Videtur  
mihi Dauum turbulentum agere in scæna, perge.  
HIL. Si mentiri potest Deus vester, mentiri po-  
test hæc scribens de uobis Lutherus, qui nusquam  
scripsit verius, quam ubi, quem fructum attulerit  
doctrina sua, planum fecit orbi uniuerso: qua fronte  
igitur audet Asotus iste Brentius nobis decies So-  
domitis peiores obtrudere, qui sint Ecclesiasticæ do-  
ctrinæ iudices? A TH. Video insolentiam sed vix  
nà video virulentiam & calumniam multò maio-

H. iii rem.

DIALOGVS SECUNDVS.

gem: Recte enim Lutherus cōquestus est, homines postquam illuxit illis excellens & singulare Euangelij donum, postq; Pater cœlestis illis manifestauit dilectum filium suum, D.N.Iesum Christum, si adhuc hæreant in peccatis, multò deteriores esse, quam cum essent in Papatu: Quia multò grauius peccat & deterior est, qui norit voluntatē Domini, & non facit eam, quam qui non norit: si in Papatu, hoc est, in tenebris, ubi nescitur gratia & misericordia Dei & Christi, sed remissio peccatorum fertur accepta modo bullis nescio quib. modo alijs imposturis, homines male viuant, est quidem reprehendendum, sed multò magis, si male viuant, ubi Ecclesiæ sint ad normam Euangeliū reformatæ, in quibus possunt à fidelibus ministris intelligere inexhaustam illam charitatem Dei, qua dedit filium suum, cuius sanguine & morte peccata nostra abluerentur. H I L A. Sic sentio, libenterq; audiui, quod me in dicenda sententia præueniris. Quocirca Os̄ius excidit ex triumpho, parturiebat montes cum sua inepta exageratione, & natus est ridiculus mus. Ego ad ea, quæ tu dixisti, hoc addiderim. Cum Lutherus dixerit, suos auditores esse peiores illis, qui Sodomæ habitarunt, allusit apertissime ad locum Matthei, ubi Christus inquit, & tu Capharnaum usq; ad cœlum exaltata, usq; ad inferos detraheris, quoniam si in Sodomis editæ fuissent

issent virtutes, quæ editæ sunt in te, mansissent usq; in hodiernum diem. Idem voluit dicere, noster Lutherus, vos auditores mei auditis cotidie renatum, nostra ætate, Euangeliū, hoc est, bonum nuntium de Filio Dei, qui pertulit peccata nostra in corpore suo, iamq; est patesfactus vobis homo ille perditus, qui se extollit supra id, quod dicit, Deus, aut numē, adeo, ut in templo Dei tāquam Deus sedeat, sese Deum esse ostendens, hoc est, Papa qui contra Christum docet, pecunia scilicet præstita, & nostris operibus peccata remitti: pro quo beneficio plane incomparabili, cum grati esse deberetis, pœnitentiamq; agere, nec tamen à vobis fiat, peiores estis habitatoribus Sodomæ. Quia, si apud eos tanta fœlicitas Euangeliū & gratia, quanta est apud vos, fuisset patesfacta, illi melius se gessissent quam vos. Sed aliud habeo, quod hic dicam, in quo turpissima cauillatio & calumnia Osij patescat. Hoc est Brentij Paradoxum, quod sæpe repetere opus est, cognitionem & dijicationem causarum Ecclesiastiarum pertinere, non ad Episcopantum, imò ne quidem ad eos Episcopos, qui sunt veræ Ecclesiæ Dei hostes, sed ad Reges & Principes sœculares, adhibitis Ecclesiarum ministris, alijscq; viris, qui sint pietate, eruditione, prudenciaq; ornati. Cuncq; non dubium sit, quin multi sint huiusmodi (Deo gratiæ) inter nos, censuit

DIALOGVS SECUNDVS.

suit Brentius hos omnes debere cum p̄ijs Regibus & Principibus in Concilijs, tanquam iudices interesse. Osius uero petulantissimè obstrepens, Qua fronte inquit, (ut superius audīsti) audet Asotus iste Brentius nobis decies Sodomitis peiores obtrudere, qui sint Ecclesiasticæ doctrinæ iudices? Quare quis non videt istum Sathanicum Osiūm, omnes Reges & Principes, qui Euangelio nō men dederunt, unā cūm Ecclesiarum nostrarum Pastoribus, alijsq; doctis & p̄ijs viris, isto horribili conuicio salutare, quod sint omnes decies Sodomitis peiores, ita ne Osiū & nostros tam atroci contumelia afficiat & testimonio Lutheri peruersè abuteras? Quasi Lutherus dixerit, omnes, quotquot sunt nostræ religionis Reges, Principes, Pastores, aliosq; viros doctos, decies esse Sodomitis peiores, neminemq; exceperit, & non potius increpauerit aliquot, qui forte huiusmodi fuerant. Et cūm addideris eodem in loco Osi hæc verbula: Habes ne quod possis contradicere? Dico me hoc habere, quod si malus vir, insignis depravator & calumniator, quodq; à Deo sit tibi grauissima poena expectanda, nisi resipueris. Sed adhuc tecum agam Osi, tu cūm prius ausus fueris affirmare, Lutherum vespri bene potum & hilarem, postridiē manē repetum esse in lecto mortuum (et hac quoq; in remen-  
tiris strenue) cūm illum nominaris Sacrilegum & Seditiosum, deniq; cūm omni conuiciorum gene-  
re

re onerasses, & (quantum in te fuit) turpificasses;  
scurriliter addidisti eum esse nostrum Deum, neq;  
te pudet hic quoq; nostros Reges, Principes, & re-  
liquos nostros ordines, tanta contumelia & iniuria  
afficere, quasi simus tam rudes, tam impij et blasphe-  
mi, ut habeamus coopertum flagitijs hominem  
pro Deo, uobis istud est peculiare & perpetuum, vt  
ex Cardinalium armento vobis adsciscatis vnum,  
quem instar Dei, imo prorsus pro vestro Deo colo-  
atis: hoc de vobis uere dicemus, uos de nobis falsissi-  
mè, imo addo amplius, nos eatenus Lutherum au-  
dire, quatenus doceat ea, quæ verbo Dei, puriorisq;  
veteris Ecclesiæ sensui & consensui sint conformia:  
quòd si possumus deprehendere, illum alia docere,  
rejicimus, et ipse met in suis scriptis à nobis frequen-  
ter petit, ut, nisi consentanea verbo Dei doceat, rej=  
ciamus. Vos verò quid mandet vestrum idolum  
Papa, & verè vester Deus, quicquid ab horribili ei-  
us impietate blasphemum, quicquid contra clarum  
& apertum verbum Dei potest excogitari, affirma-  
tis eum omnino esse audiendum, singitiscq; nō pos-  
se errare. Hoc igitur interest inter vos, & nos, quòd  
vos insignē aliquem Epicureum habere soletis pro  
Deo, è cuius placitis nec latum vnguem audetis di-  
scedere. Nos Patrem ipsum cœlestem, cum eius di-  
lecto Filio, & Spiritu sancto pro Deo habemus, li-  
benterq; interea audimus & honoramus seruos  
Dei, qui præferunt nobis sacrarum literarum faces,

DIALOGVS SECUNDVS.

nosq; ad uerā earum intelligentiam excitant, quem admodum inter alios Lutherus fecit, tam salutare Dei organum, quam tu es Sathanæ & Antichristi mancipium atq; organum Os. A TH. Videris mihi habere Osium antè oculos, imo cum eo congregdi, ita totum ad eum te conuertisse, & concitate loqui mihi visus es. HIL. Boni consule, rapuerat me summa rei indignitas, cum viderem istum hypocritam, tanta arrogantia, tam atrocib, conuitis, nostros incessere. Sed cum me inde reuocaris, pergā in eo curfu, quem institueram, et dicam quemadmodum cōtorqueat Caluinī uerba, coneturq; persuadere, quod pro Rom. Ecclesia faciant, cum tamē summē illi aduersentur. Hæc sunt Osij. Quod si charitatem habetis B renti, nunq; ab Ecclesia uos diuideretis, cuius si gremio conderemini, tum demum uerum scripturarū sensum assequeremini. De qua Ecclesia loqueris Osij: tecum. n. uolo adhuc agere. Vbi nā est ista Ecclesia, in cuius gremio oporteat esse conditum, qui uelit assequi uerum sensum scripturarum: Respōdebis, haud dubiē, te loqui de Papatu, deq; Rom. Ecclesia, affirmabisq; eum demum assequi uerum sensum scripturarum, qui ab ista se nō præciderit. Hoc iacto fundamento pergamus, & uideamus quid subiungas. Nam recte quidam ex uestris admonet (uestros autē appello Sacramentarios quoq;, cum ex uobis eos prognatos esse cōstet) recte igitur Caluinus uester admonet, & peculiariter notandum esse dicit,

quod

quòd non est extra Ecclesiam sanæ intelligentiæ scripturarum lux. Nunc dic mihi Osi, putas ne Caluinum h̄c de Papatu, deq; uestra Ecclesia intellexis- se: quòd scilicet, extra Romanam, non sit sanæ intelligentiæ scripturarum lux? Respōdebis, te minimè adducturum fuisse unius ex uestris hostibus uerba contra nos, nisi planè crederes, eum de Papatu, deq; Rom. Eccle. intellexisse. At, si hoc tibi persuades, af= firmo, te nec micam sanæ mētis habere, ut etiā com= muni sensu destitutus uidearis ( regero, n. tibi in ca= put tuamet uerba, que in quempiam ex nostris euo= mueras ) Caluinus ne, de Papatu deq; uestra Rom. Ecclesia assereret, quòd extra illā non sit sanæ intel= ligētiæ scripturarum lux? Scis quid de ea sentiat Cal= uinus: q; in ea, quam tu defendis presentem Rom. Ecclesiam, sit extincta sanæ intelligentiæ scriptura= rum lux, sintq; meræ tenebrae, & per consequens, summa et horribilis sacrarum rerum prophanatio et abominatio. ATH. Hic est magnus stupor atq; lap= sus. HI. Videris mihi sentire Osium, errore, aut in= cogitantia ad hunc modum de Ecclesia & de Cal= uino scripsisse, at ego aliter sentio: Puto enim illum probe nouisse de qua Ecclesia Caluinus senserit, sed malitiosè & caluminiosè locum recitasse, ut pericu= lum faceret, si quem posset ex incautis, minusue in= tentis lectorib. subuertere. HI. Facilè in tuam sentē= tiā uenerim; Nam est ualde peculiare isti Sophiste,

DIALOGVS SECUNDVS.

contorquere verba , & sensum deprauare : audi lo-  
cum ita similem, ut lac lacti non sit magis simile.

Confessio Augustana prope finem habet lo-  
cum, in quo de Iurisdictione Episcoporum agitur:  
recitabo verba , vt soleo. Porro, secundum Euange-  
lium, seu ( vt loquuntur) de iure diuino, nulla iu-  
risdictio competit Episcopis, ut Episcopis, hoc est,  
his quibus est commissum ministerium verbi &  
Sacramentorum, nisi remittere peccata . Item cog-  
noscere doctrinam, & doctrinam ab Euangelio dis-  
sentientem rejecere, & impios, quorum nota est im-  
pietas , excludere a communione Ecclesiæ , sine vi-  
humana, sed verbo . His necessario, & de iure diui-  
no debent eis Ecclesiæ præstare obedientiam , iuxta  
illud : Qui vos audit me audit . Clarissimis verbis,  
vt vides, hic agitur de Episcopo, veræ & genuinæ  
Euangelij doctrinæ addicto . Episcopos autem , qui  
huiusmodi sint , Brentius , & vna cum eo omnes  
Ecclesiæ reformatæ libentissime sument in Iudices,  
imo nulos alias volunt , nisi huiusmodi ; hi ipsi  
sunt , de quibus Brentius intelligit , cùm ait , pios  
Principes, adhibitis sibi Ecclesiarum PASTO-  
RIBVS, debere causam de doctrina religionis co-  
gnoscere . Verum quid Osius: quemadmodum su-  
perius deprauavit sensum Caluini, nunc sensum Cō-  
fessionis Augustanæ contorquet & deprauat , co-  
naturq; persuadere , quod illa omnem huiusmodi  
cognitionem & dijudicationem reiecerit , in Epi-  
scopos

scopos Papisticos, qui sunt hostes veræ doctrinæ. A TH. Manifestissima deprauatio: Nam non est dubium, quin Augustana Confessio intellexerit de p̄js Episcopis & Pastoribus, quid enim illi cum Papisticis: cur illis præscripsisset, quale eorum munus esset futurum? HIL. Neq; etiam dubium est, quin Brentius semper dixerit, tales Episcopos, tales Pastores debere cognoscere de religione: non reficit ergo (vt suprà diximus) à talibus iudicis, nisi impios & hostes. At vide, quanta arrogantia insultet Osius, cùm nititur insinuare, quod Confessio Augustana admiserit omnes indifferenter Episcopos Papisticos pro cœlestis doctrinæ iudicibus.

Quanta (inquit) per Deum immortalem, est vis veritatis, vt etiam per hostium veritatis iugulum nonnunquam erumpat: A TH. Fucus & artificium veterotorium, ad captandos animos imperitorum. HIL. Quid mirum autem, si hominum verba audeat in alios sensus detorquere, cùm Spiritus diuini verba corrumpere ausus fuerit: A T H. Corrumpere ne: HIL. Corrumpere: Nam cùm omnino eius sententiæ sit, quod nemo possit ex v̄llis notis cognoscere, qui nam sint ex Electis, adducens illum Pauli locum: nouit Dominus qui sunt sui, addidit verbum, solus: Nam solus Dominus, inquit, nouit qui sunt sui. Deinde cùm Petrus scripserit, quædam esse in Epistolis Pauli obscura, Osius locum recitans, conuertit quædam in multa. Multa,

I iii inquit

DIALOGVS SECUNDVS.

inquit, Petrus dicit esse in Pauli Epistolis obscura,  
A T H. Horrendum, quanta solicitudine, & quam  
pertinaciter isti contendant, omnem scripturam,  
non modo quædam loca in Paulo, esse obscuram  
& difficilem, ut territent, opinor, homines, ne ad  
eius lectionem accedant. **HIL.** Atque etiam, utabilis  
interpretationem petamus, Sed petant carnales  
& hypocritæ: nos (per Dei gratiam) alios habemus,  
vnde petamus. Aliam audi insignem deprauatio-  
nem, cum Brentius (quod sapissime cogor repe-  
re) scripsit, cognitionem & dijudicationem de  
doctrina religionis, pertinere etiam ad pios Reges  
& Principes sæculares, adhibitis Ecclesiæ ministris,  
alijsq; pjs & eruditis viris. Osius, videns, hunc,  
quem Brentius describit, esse honestissimum coe-  
tum, & prorsus dignum, ad quem de causis, ad reli-  
gionem pertinentibus, referatur, nihil respondet ad  
rem, sed detorquet sensum Brentij, & ita cum eo a-  
git, quasi dixerit Brentius, omnes, sine discrimine,  
quotquot voluerint Concilij interesse, atque inter  
iudices sedere, esse admittendos, etiam quemuis ex  
fœce vulgi. **A T H.** Scio nihil minus Brentium sen-  
tire, quan*h*oc Bone Deus, imo tā mihi absurdum  
videtur, vt vix credam ab Osiō obiectum fuisse.  
**HIL AR.** Non credis; faciam ut credas. En tibi  
ipsissima Osij verba. Et quod non modo Catholi-  
ci, verum ne hæretici quidem, quamlibet sæui non-  
nulli Tyranni, quin etiam ne graues quidem Chri-  
stianæ

stianæ fidei persequutores, Imperatores ethnici, fas, esse sibi putauerunt, ut inter Episcopos de causa fidei cognoscerent, id tu Brenti fas esse contendis? nō, modo Regibus aut Principibus, verumetiā cuiuis, de fece vulgi, Audis: CVIVIS DE FECE  
VVLGKA TH. Proh pudor. HIL. Quid illum puderet & hoc ter, aut quater repetit, perficitissima fronte, nominans sutores, sanctores, zonarios & baiulos, quos ait Brentium velle, ut in Concilijs una cum Episcopis sententiā dicant, Sed cum Brentius disertissimè dixerit, adhibitis Ecclesiae ministris, ALIIS QUE PIIS ET ERVDITIS VIRIS an hic queat intelligi fex vulgi, baiuli & sanctores, iudicet qui nō sit deprauato atq; impio, quēadmodū est Osius, iudicio. In summa, putat omnia sibi licere, quia cum stupidis hæreticis (ut putat) negotium habeat. A TH. Sed non intelligo, quid sibi velit in his verbis, quæ recitasti, quòd scilicet Brentius faciat, quòd nō modo Catholici, verum ne hæretici quidē, quālibet sæui tyranni, quin etiā ne graues quidem fidei persequutores, Imperatores ethnici, fas sibi esse putarunt. HIL. Dicā quid sibi velit, & uidebis quām fortibus cornibus pugnet ista fera. Tu scis Athanasii, in ditionibus tyranni Turcarum licere missificare, (vt licet etiam nostram doctrinam profiteri) Si forte illic, inter sacrificulos, aliqua de Missa, aut alio huiusmodi articulo oriretur contentio, Sacrificuli autem ad Tyrannum confugerent, qui inter eos iudicaret, at Tyrannus responderet,

DIALOGVS SECUNDVS.

sponderet , id non esse sui munericis , inferes ne propter ea , tyrannum habere Sacrificulos pro sacroسان  
Etis diuinisq; hominibus , quorum religionem &  
iurisdictionem nolle violatam : A T H . Nihil  
minus , Turca non tolerat Sacrificulos , vt velit esse  
inter eos , vbi agitur de doctrina religionis , iudex ,  
sed sinit , ut rem suam agant , cum uero respondet , non  
esse sui munericis de eorum religione iudicare , eā nec  
laudat nec vituperat . H I . Recte , Verum quia Au-  
relianu Imperator Christiane fidei persecutor , Ca-  
tholicis Episcopis , qui ad se confugerant , respondit ,  
nolle inter illos & Paulum Samosatenum hæreti-  
cū iudicare , Osius , quasi iudicio et autoritate Aureli-  
ani Imperatoris , quod ita pronunciarit , in hac causa  
uicerit , exultat , et triumphum agit , insultans Brētio ,  
quem ait superioris & huius ætatis hæreticos , quin  
& ipsos Ethnico peruersitate superare , Audi uerba  
quæ statim sequuntur post illa , cuius de fece vulgi .  
Quæ est hæc animi tui impotentia ? quod est illud  
, tam ardens Apostolicæ sedis & Catholicorum Epi-  
scoporum odium ? ut & superioris , & huius ætatis  
nostræ hæreticos , quin & ipsos Ethnico peruersi-  
tate superare coneris , dum modo odio tuo plusquam  
Vatiniano satisfacias ? Putat autem admirator tuus  
ille Vergerius , quod peruersæ docetur à te , id se pi-  
entissimo Regi & Domino meo probare posse ?  
Errat Brenti , & quidem toto cœlo , quod aiunt , er-  
rat . Nescit fortasse , quam sanctis parentibus , auis ,  
proauis

proavis, & paternis & maternis prognatus sit, quāmq; semper abhorruerit, & nunc etiā abhorreat ab hoc vestro Satanismo. A T H A. Deum immortalem, quām furit & debacchatur, ego regererem illici in caput eadem verba. Quæ est hæc animi tui im= potentia Osii? Quod est istud tam ardens Euangelij & verę Christianę doctrinę odium, ut & superioris & huius nostræ ætatis hypocritas & impios homines, quin & ipsos Turcas peruersitate superare coneris, dum modo odio tuo plusquam Vatiniano satisfacias? Sed dic mihi Hilari, Quid de Philippo Melanthone videtur tibi sentire Osius? venit nunc in mentem, quia video Brentium eius ferè collegam horribiliter proscindi. HIL. Quid? in Brentium & Vergerium audiisti multa magna & grauia conuitia fuisse iactata, quanquām nec decimam tibi eorum partem retulerim, sed tamen vnicum conuitium, quod in Melanthonem iactauit, mihi videtur longè maximum conuiciorum omnium, quæ tum in Brentium & Vergerium, tum in reliquos nostrates eructauerit. A T H. Grauissimum conuitium sit oportet, quod nā illud est: et tamen nouimus omnes, Philippum Melanthonē esse permagnum ornamentum nostrarum Ecclesiarum, & delicias lumenq; politicorum studiorum. HIL. Ita est. ATH. Quid ergo ait ista rabula de Philippo? HIL. Dicā uno verbo. Osius mentitur, Philippum, pro sua vili, perfidere conatum fuisse, ut Papatus instaurare-

K tur.

DIALOGVS SECUNDVS

etur, Quid potuisset dici, aut excogitari de tali et tan-  
to viro magis contumeliosum? A T H. Posset ne  
mihī indicare ipsamet Osij verba; HIL. Possum, en-  
tibi ea, pr̄gnantiora, quām putasses; Nunc verò ni-  
hil erat Flacce (alloquitur Illyricum, de quo modo  
dixerat, quōd Christum alium non nouit, pr̄æter  
eum, qui natus est Islebij, sic enim Osius loquitur)  
quōd immemor officij, tam acerbē tamq; contume-  
liose, benē de te merentem Præceptorem tuum acci-  
peres, quōd is, cūm necessarium esse videret, ordi-  
nem ac disciplinam in Ecclesia, quæ per Lutherum  
vtracq; sublata fuere, pro virili sua, perficere conatus  
est, vi pedetentim eō redditus fieret, vnde facta est di-  
scessio, Pium fuit hoc institutum hominis minimē  
mali, cui violentæ mutationes istæ, per Lutherum  
factæ, nunquam placuerunt, cuius tyrannide, se tan-  
dem aliquando liberatum esse nō moleste ferre uisus  
est, cūm scribēs ad Carlouitium, se deformiter ei ser-  
uiuisse fateatur. An nō diserte dicit, Philippum, pro  
uirili sua, perficere conatum suisse, ut ad Papatum re-  
diretur? A T H. dicit quidē, sed strenuissimē (ut tu  
dixisti) mentitur, more suo, sed sine, habet Philip-  
pus innumerabiles discipulos, summa in eum beni-  
uolentia & charitate, ut non vulgari eruditione &  
eloquentia, hos ergo decebit, etiam tacente Philip-  
po, Osium pro dignitate excipere, illiusq; impudēs-  
os retundere, quod non dubito facturos, eō magis,  
quōd in isto tam magno maledictorum aceruo re-  
perient, se ipsos quoq; nominatim perstrinctos.

petu-

petulantissimè, extra propositum, prouocatos: Osius enim ad hunc modum. Somnia sunt Philippi vestri Melanthonis, & ea diuini quiddam habere credunt eius discipuli. Quàm obrem illi non nobis ea obijcias. A T H. Sed quorsum hæc Osius: H I L. Dicam, Recitarat verba Brentij, qui verissimè dixerat. Episcopos Papisticos non conuenire in Concilijs, in nomine Christi: Nam hoc unum præcipue agunt, ut consulant dignitati, opibus & gloriæ, ex traditionib. non scriptis, et ex S O M N I I S monachorum: quare Osius ad eum, quem dixi modum, respondet, S O M N I A Philippi sunt uestri Melanthonis &c. A T H. Nihil potuit frigidius, nihil ineptius, ut prorsus extra propositum (ut dixisti) ista uipera (ex abundantia cordis) uideatur uoluisse bonum Philippum, unà cum suis auditorib. mordere. H I. Verum cùm sibi, eo dicto, ualde placuisset, iterū id repetit, quatuor paginis interiectis. Cum. n. dixisset Brētius, principes nō debere agnoscere que uis sacrificiorum & monachorū S O M N I A pro oraculis spiritus sancti, Osius rursus occinit suā in eptam cantilenā, atq; inquit: De somnijs, Brēti cum Philippi discipulis agas, qui somnia sui preceptoris diuini quiddā habere iactāt, nos nō alio loco somnia habemus, quàm quo debet haberī somnia, siue monachorū sint siuē Philippi, siuē cuiuscunq; tandem alterius A T. Video insulsam Osij cauillationē, dissimulauit. n. se intelligere, q; Brentius uoluerit taxare Papistas, qui reuerā patiuntur sibi obtredi nugas

DIALOGVS SECUNDVS.

cucullatorum pro diuinis oraculis, Quæso te Hilari, solet ne iste ad hunc modum reliqua argumenta & fundamenta Brentij confutare atq; conuellere? HIL. Fermè ad eundem: cauillis enim & rimis nescio quibus conatur elabi. Vis proferam ad huc vnum atq; alterum ferè huiusmodi locum? A TH. Profer, audiam. HIL. Brentius ait, Paulum, deinde etiam Canones descripsisse, quales debeant esse Episcopi, re autem ipsa, nos videre maximam partem Episcoporum, qui hisce temporibus supraem loca in Ecclesijs occupant, haud quaquam respondere his conditionibus, quas Apostolus & Canones exigunt. Quare non posse dici, quod talium prælatorum conuentus sit legitimum Concilium. A TH. Recte Brentius: Nam sat nouimus, qualibus Curtsianis Papæ solent dare administrandos, aut deglubendos vorandoscq; potius Episcopatus, talibus ne (præsertim solis, quod sibi belli homines audent vendicare) permittemus, vt de doctrina religionis deq; salute animarum nostrarum cognoscant: à talibus ne in re tanti momenti pendebitus? HIL A. Hic locus magni momenti est: Nam Papistæ solent nobis obijcere, quod in veteribus concilijs soli Episcopi de doctrina religionis cognoscere & dijudicare solebant, ergo, hoc quoq; tempore, inquiunt, soli Episcopi debent de eadem doctrina cognoscere & dijudicare, & videtur hoc, prima facie, esse aliquid, & quod posset infirmiores irretire, sed (si rem expen-

expeditas) nihil est reuera : Nam veteres Episcopi non à Papis, sed à ministris Ecclesiæ et à populo eli- gebantur, quod magis notorium est, quam quod o= porteat nunc probari , Atq; hi, conditionibus , quas Apostolus & canones exigebant, magna ex parte, respondebant, aut certe non erant aulici , seu Curtisani , antè omnia nondum in Ecclesiam Dei tam horribiles prophanationes irruperant, atq; in= undauerant , necq; Episcopi erant tam arctis iura= mentorum vinculis Papis obligati, tantaq; tyran= nide oppressi, vt nunc sunt . Cum ergo essent cele= branda concilia, hi accedebant, et nulla habita Papa= rum, aut cuiusq; alterius ratione , quod sentiebant, quod didicerant, in illis temporib. quæ fuerunt ali= quando satis infoelicia & tenebrosa , liberè pronun= ciabant. Quare si velit Papa, ut mos antiquus obser= uetur, soliq; Episcopi in Concilijs sententiam dicāt, vt fortassis olim fiebat, reddat Ecclesijs antiquum morem, permittat, quam sibi per tyrannidem usur= pauit, Episcoporum electionē ciuitatibus, liberetq; eos tam turpi seruitute , qua coguntur iureiurando promittere, quod velint contra omnem hominem, quicquid Papa voluerit, defendere, et tunc credide= rim , nostrates nō recusatueros, ut tales Episcopi sint Ecclesiasticæ doctrinæ iudices. HIL. Est locus non parui ponderis, vt dixisti, sed hic dicerent Papistæ, si putas veteres Episcopos non usq; adeò malos & sa= crarum literarum rudes fuisse, ut sunt nostri tempo=

K . ij poris

C. nulla  
dist. 62.

DIALOGVS SECUNDVS.

ris Episcopi , cur ergò recusas parere Concilij , in quib illi neq; indocti neq; mali interfuerunt: A T. Non recuso parere , vbi video non esse deuiatum à verbo Dei , sed vbi deuiatum fuerit , non possum parere , prohibeor enim à uerbo Dei. HIL. Diceret , non esse credibile , si fuerint boni & docti viri , quod deuiarint à norma verbi Dei. A TH. Et tamen apparet eos deuiasse aliquando , quemadmodum fecerunt etiam ex patribus multi extra concilia , vt fuerunt homines , & an reuerà deuiauerint , in hoc demum petimus legitimam cognitionem : cunq; legitimam dicimus , nihil minus intelligimus , quam vt ea per tale Concilium fiat , in quo electi à Papis , iurati Papis , dependentes à Papis Episcopi , & quidem soli , omnibus reliquis exclusis , sententiam dicant. HIL. Nihil quicquam potest in summa iustius peti , & nullo modo isti possunt dici idonei , in tam graui causa , iudices , vt stultissime sint facturi , maximamq; ac incomparabilem iniuriam filio Dei atq; eius Ecclesiæ , qui in talia Concilia , in tales iudices , consentire vñquam voluerint , absit à nobis tan ta impietas , vt spōsam Christi istis impuris Mūratis prostituamus. A TH. Sed quid respondit Osius ad id , quod ex Brentio recitasti , maximam scilicet partem Episcoporum , nostri temporis , non responde re his conditionibus , quas Apostoli et Canones exigunt. HIL. Sophisticatur , audi eius verba , Si non alios Episcopos dari tibi iudices , vis , quām quales descri-

describit Paulus, qui sint irreprehēsibiles, etiam Pe-  
trus Apostolus talis iudex nō erit, ut cōtrā eum ex-  
cipere nō possis, scribit .n. Paulus, quod in faciē illi  
restiterit: quia reprehēsibilis erat. Agnoscis cauilla-  
tionem: A T H. Quid ni agnoscerem, cūm tā clara  
et tam crassa sit: Apostolus primū inquit, oportē-  
re Episcopum irreprehēsibilem esse, deinde comme-  
morans, quibus demum laudibus oporteat eum esse  
ornatum, ait, debere esse vnius vxoris maritum, vi-  
gilantem, sobrium, modestum, hospitalem, A P= .  
**T V M A D D O C E N D V M**, iustum, alie-  
num à contentionib, atq; ab auaritia. Quocircā Brē-  
tius verissimē dixit, maximā partem Episcoporum  
nostrī temporis non respondere his conditionibus:  
ego verò addo, eos his conditionibus esse prorsus  
et ex diametro contrarios: Quis, n. non uidet, quām  
turpi & obscēna vita, quanta desidia & somnolen-  
tia in grege pascendo, quām disfluant luxu, quanta  
superbia et arrogātia, quām nulla in pauperes cha-  
ritate, quanta imperitia, presertim sacrarū literarum,  
quām iniusti & crudeles, quām cōtentiosi & litigi-  
osi, quām deniq; auarii sint pleriq;, & lōgē maxima  
pars eorum Episcoporum, qui creātur à Papis: Hoc  
Brentius quæritur, hos negat esse, ut negamus oēs,  
idoneos cōlestis doctrinę iudices. Verum cūm O=  
suis animaduceret, se reuerā nihil habere, quod hic  
posset ingenuè atq; solidē respondere, rimulam in-  
uenit, quā xgrē elaberetur, & aliquid respondisse  
visus.

DIALOGVS SECUNDVS.

visus esset. Nam omnibus boni Episcopi conditio= nibus, quæ ab Apostolo describuntur, dissimulatis, vnicum duntaxat verbum arripit, atq; vt, audisti, cauillatur, inquiens. Si non alios dari tibi vis iudi= ces, quām quales describit Paulus, qui sint irrepre= hensibiles, etiam Petrus Apostolus talis non erit. HIL. Probè intelligis argutiolam & fugam Osij. A TH. Sed posset illi ad hunc modum responderi, Nempè Petrum, cùm fuisset à Paulo obiurgatus, nō fuisse pertinacem, sed abiecisse errorem, ità, ut cùm in Concilio federet, non fuerit reprehensibilis, sed idoneus iudex, Quare, si Osiani Episcopi, Petri ex= emplo desierint esse pertinaces, et errores abiecerint, desistemus dicere, quòd idonei iudices non sint. HIL. Non displicet. Audialium, locum qui statim sequitur. Brentius inquit, Quò nos in tanto dissi= dio vertemus, quem tandem iudicem, quod iudici= um agnoscemus? A TH. Qua de re loquitur; HIL. De iudicibus Concilij. A TH. Nullus est reuerà in tota hac causa grauior & difficilior articulus, ità, ut nulla prorsus mihi videatur esse huius conciliandi spes; Nam necq; nos permittemus vnquam papisti= cis Episcopis, de cœlesti doctrina, deq; salute anima= rum nostrarum cognitionem & dijudicationem, non simillies moriendum sit, necq; vicissim papistici Episcopi vnquam permittent, vt vel unus ex no= stris Theologis una cum illis in Concilio ut iudex sedere possit. HIL. Non est dubium. Cum ergò Brentius

Brentius tantam & tam grauem viderit in hoc articulo dissensionem , atque difficultatem , audi quid subiunxerit. Breuissimis & perspicuè respondebo: eum agnoscemus iudicem , quem in Symbolo Apostolorum iam inde ab incunabilis , & paterna atque auita traditione ( vt & nos aliquid traditionibus demus ) didicimus iudicem viuorum & mortuorum. A TH . Piè & sapienter Brentius : Nam quo in tam ardua & desperata causa recurreret , nisi ad filium Dei , qui eam tandem definiat , quandoquidem inter homines de ratione & forma istius iudicij minimè potest conuenire: HIL . Ego idem sentio , non potuisse magis sapienter & pie responderi. Sed audi quid hic Osius. A TH . Iesu , audebit ne reprehendere: HIL A . Et quidem acerrimè & virulentissimè , audi modo . Quid autem optarint aliud . omnes Parricidae , Sicarij , Benefici , Fures , Latrones , & quotquot sunt criminis alicuius rei capitalis , quam , ut nullus esset in terris iudex alias , præter eum , quem profitemur è cœlo uenturum iudicē viuorum et mortuorum , ut illis interea liceret , in quorum fortunas et capita liberè grassari: A TH . Atqui Brentius non dicit , se optare , ut nullus sit huius causae in terris iudex , quin potius semper ad piorum iudicia prouocat atque suspirat , sed cum uideat nō posse inter nos de iudicib. conuenire , commendō ( inquit ) causam filio Dei , iudici uiuorum & mortuorum , cui , n. alij commendaret: HI . Osius , more suo , L. deprauat

DIALOGVS SECUNDVS.

deprauat sensum Brentij, fingitq; eum dicere, quod  
nunq; illi, nec somnianti quidem in mentem uenit.  
Sed arrige aures Athanasi, hic hic audies modestiam  
Episcopalem & prorsus Osiānam: Postquam enim  
enumerauit Parricidas, Sicarios, Veneficos, Fures,  
Latrones, subiungit, Atqui multis modis uos istis  
estis sceleratores. ATH. Proh deūm atq; hominem  
fidem, HIL. Pergit Osius. Qui non in corpora, ue-  
rum in animas piorū grassamini. ATH. Verè hoc  
saltem dicit, nos non grassari in uitam hominum,  
vt Papistæ faciunt: Nullus enim ex illis fuit vn-  
quām, propter doctrinam religionis, combustus,  
suspensus, capite truncatus, aut aquis mersus apud  
nos, cùm illi interea plus quām centum nostrorum  
fratrum millium, ob confessionem piæ doctrinæ,  
tyrannicè & crudelissimè, hisce XL. annis per  
carnifices interfecerint. Quod verò ad alterum at-  
tinet, nempe vbi Osius dicit, nos grassari in ani-  
mas piorum, Dei & piorum iudicio æstimandum  
relinquimus, vtra pars in animas piorum grasse-  
tur, Papistæ ne, qui tam crassas idolomanias &  
blasphemias inuexerant, an nos, qui, vt eas, verbo  
Dei tollamus, capita nostra mariyrio obiçere non  
dubitamus, HIL A. Audi quid subiungat A-  
postolus. Sed quorsum tandem res Brentio re-  
diit: de principum officio scribere cùm institue-  
rit, ac propriam eorum munus esse docere, de do-  
ctrina religionis iudicare, nunc & eorum & mor-  
talium

talium omnium iudicium excludit, neq; putat do-  
 ctrinæ suæ quenquam idoneum esse iudicem, præ-  
 ter solum Christum. A T H A . O infelicem O= •  
 sium, qui tam turpiter locauit ingenium & cala-  
 tum Antichristo & Sathanæ, atq; ab illis edoctus  
 impudentissimè calumniatur mentiturq; : Nam  
 Brentium ardentibus votis , ad piorum iudicia  
 suspirare iam diximus . H I L A . Pergit Osius,  
 sed vere dictum est illud, quod omnis, qui ma= •  
 le agit odit lucem. A T H A . Subsistit obsecro, •  
 vt istum mitratum calumniatorem conuincamus,  
 Brentius , ut causam nostram tueretur , anno  
 M . D . L I . ad Concilium Tridentinum ac-  
 cessit , Quid ergo ullulat Osius , eum odiisse lu= •  
 cem : Oderunt Papistæ , qui reuerâ non possunt  
 ferre cognitionem : tametsi enim Concilium ia= •  
 ctitent, tamen nihil minus habent in animo , quam  
 liberum & Christianum Concilium peragere , per-  
 ge. H I L A . Si te bonam habere causam Bren= •  
 ti confideres , legitimum Ecclesiæ iudicium non  
 defugeres . A T H A . At hoc caput est , quod  
 quale sit legitimum iudicium , disputamus , De  
 hoc conueniat inter nos , & statim Brentius ade= •  
 rit atq; alij vnà cum eo , perge . H I L A R I V S .  
 Quoniam uero tibi conscius es impiæ doctrinæ,  
 sacrilegæq; separationis tuæ . A T H A . Subsi= •  
 ste , quæso , tam falso hoc de Brentio dicit Osius,

L h quam

DIALOGVS SECUNDVS.

quām possumus nos verēde Papa , dēq̄ suo satelli-  
tio dicere totidem ferē verbis. Quoniam tibi con-  
scius es īipiæ doctrine, sacrilegæq; tuę a uera Pro-  
phetarum, Christi, & Apostolorum doctrina sepa-  
rationis & rebellionis , ideo à legitima doctorum  
& piorum virorum cognitione , toto pectore, ab-  
horres, vellesq; nobis tuos Curtisanos, tuasq; Lar-  
uas coniuratas pro iudicibus obtrudere : perge.  
HIL. Præstabilius tibividetur, ut sit Anarchia que-  
dam inter Christianos, nec sit quispiam , qui uel co-  
gnoscat de sacrilegijs vestris , vel conuictos debitis  
pœnis afficiat , quò sic omnia uobis impunè licere  
queant. A TH. Virulentissima & venenatissima  
sunt hæc verba , omniumq; Regum, Principum &  
Statuum, qui se nostræ causæ adiunixerunt, honorē  
rectā petunt: Nam non obscurè dicit, omnia impu-  
nè in eorum ditionibus licere , neminemq; esse, qui  
sit sollicitus, ne impia doctrina spargatur , & conui-  
ctos debitis pœnis afficiat, cùm longè aliter res se  
habeat: Nam Clarissimi Reges, Principes & liberæ  
Ciuitates, qui, projecto Papatu, Ecclesiæ ad Euan-  
gelij normam reformati, summa diligentia ca-  
uent, ne in eorum ditionibus quicquām doceatur,  
quod sit ab eorum confessionibus , & præscripto,  
quod verbum Dei habet profundamento, alienum,  
eos vero , qui aliena ab eo spargere ausos fuisse de-  
prehensi fuerint, debit is pœnis afficiunt. In summa,  
qui causam hanc non haberet perspectam, Si Osium  
audiret,

audiret, omnia impunè sub nostris Regibus, Principibus, alijsq; statibus imperij Euangelicis licere sibi persuaderet, & verè esse Anarchiam, hoc est, rebellionem licentiamq; multitudinis, quæ nulli obediatur. Obsecro te, indica mihi (si quidem nosti) quænam sit istius maledicentissimi & mendacissimi hominis patria, certè non crediderim Germanum esse: Vix enim posset homo, patria Germanus, Germanæ Principes, cum ipsa Germania, tam atrocibus conuitijs & maledictis proscindere. Est ne Hispanus fortassis: HIL. Cum primum in librum incidissem degustassem q; , sanè suspicatus sum Hispanum esse, & ducere genus ab Osio illo, Episcopo Cordubensi, cuius magna fuit existimatio in Synodo Nicæna, ab hinc millibus ducentis annis, aut plus eo, præsertim cum nescio quis ineptus & malus vir (nomen puduit efferre) in præmonitione ad lectorem, non veritus fuerit hunc Osium cum illo vetero Osio componere, imo præferre hunc illi (si Dijs placet) impium scilicet & turbulentum Missificatorem cum pio & solido viro. A THA. Cuias tandem est: HIL. Pater fuit è Marchionatu Badensi, ipse Cracoviæ natus, consanguineus est Christophori Osij Iureconsulti. A TH. Noui hominem, bonum certè virum & doctum, nostræq; doctrinæ studiosum cum primis, ut maluerit è Camera Spirensi, ubi aliquandiu magna cum laude aduocatus fuit, abire, quam vel transuersum vnguem

L. ij. à genuina

DIALOGVS SECUNDVS

à genuina Christi doctrina , & nunc Vvormatiæ  
degit , augeat illi Dominus Spiritum & Fidem.  
**HIL.** Adhuc audi alia Osiana conuitia , & calum-  
nias inauditas intolerabilesçp , imo nunc primum  
ad mouebo manus ad grauiores . Ait se posse recen-  
sere historiam de quodam , qui cum trium supersti-  
tum vxorum fuerit maritus , à nostris tamen magno  
cum plausu , excipiebatur , atçp in pretio habebatur ,  
ob hoc solum , quòd Lutherana dogmata in vulgus  
spargeret . A T H. Turpissimum & planè Turci-  
cum est , quis neget : maritum esse trium superstitionis  
vxorum . Sed fortassis , quæ iste affirmat , non sunt  
vera , an non conuicimus eum mendacijs sæpè ? Sed  
fac esse vera , quærendum esset ab isto Osore , an cre-  
dat in Papatu reperiri plurimos Cucullatos , tragicis  
facinoribus coopertos , qui tamen solent audiri ma-  
gno cum plausu , & in pretio haberri , ob hoc solum ,  
quòd mordicus Papatum defendant , & doctrinam  
filij Dei insectentur : scio ego , & sciunt omnes , qui  
inter Papistas versantur , innunerabiles esse huius-  
modi , quibus per Papas omnia licent , dum strenue  
se gerant in persecutis filijs Dei : quocircà minus  
malum fuerit audire maritum trium vxorum , qui  
Christi doctrinam promouere studuerit ( si modò  
id uerum fuerit ) quam sceleratissimum aliquem  
Monachum , aut Episcopum , qui eam suis cōcioni-  
bus impedit ( ut solent ) **HIL.** Deinde ait , in ditione  
Protestantium , fuisse ascitum in Pastorem Ecclesie ,  
habitumçp præclarum & idoneum quempiam , qui  
fuerat

fuerat in schola carnificis, qui plures habuerat vxores, quarum vnam rapuerat, & vixisse nihilominus inter scorta, vxore etiam spectante. A T H. Demus hoc contigisse, quod tamē falsum puto, sed demus, & non in vno duntaxat, sed in quinqꝫ aut sex locis, quid inde consequitur? H I L. Putat inde consequi, quod nostra doctrina sit mala. A T H. O ineptum argumentatorem & imprudētem etiam, qui nos in hoc genere prouocat. Certè si ex ministrorum moribus & vita æstimanda fuerit doctrina, bona ne ea sit, an praua, cui inseruiunt, omnium pessima & deterrima iudicabitur ea doctrina, quā Papæ cum suo satellitio profitetur: quia nec Hebræorum, nec Mahometanorum religio habet, nec puto ullam vñquam habuisse ministros, qui fuerint uita inquinatiore & sceleratore. H I. Audi quid nōx subiungat, se posse recensere carnificem functum esse apud nos officio pastoris. A T H. Hoc quoqꝫ falsum crediderim: sed, ut demus fuisse uerum, sœpè in Papatu commendantur Ecclesiæ nō modo gregarijs illis sacrificulis & Monachis, sed his, qui uidentur splendere sub mitris & purpureis galeris, quorum mores & ingenia si respicias, minus malū iudicaueris, si corporum carnifici commendentur. An non sunt pessimi carnifices animarum, qui pessimo exemplo pessimam doctrinam ad inferos (quantum in ipsis est) animas protrudunt, deinde etiam corporum pessimi carnifices? Nam si quando possunt sceleratos ungues infigere in aliquem ex nostris fratribus, hunc

DIALOGVS SECUNDVS.

hunc statim multis tormentis crudelissimè excarnificatum ad rogos & ad cruces rapiunt. HIL A. Sed quid hic dices Athanasi? Volo ipsos met sibilos Osianos recitare , arrige aures: Sic autem iam est moribus receptum apud uestri Euangelijs præcones , simuli ut duas , aut tres uxores habeant , vt iam pro criminе propemodum non habeatur , ac modo non in laude ponatur . A TH. O virulentiam & impudentiam singularem , quò magis progredimur , eò magis sentiuntur venenatissimi aflatius istius viperæ , aut basilisci . Præcones ne Euangelijs , aut etiam alij , duas , aut tres vxores habent apud nos , & id in laude ponunt : Vnicum duntaxat nominet , qui duas simul habeat , calumniatorum omnium pessimus . Sacræ testantur literæ duabus præsertim notis , aut tesseris , Antichristum dignosci , ex mendatio scilicet atq; parricidio , Osium ergò insigne Antichristi membrum meritò dixerimus ; Nam hic , ut alibi etiam , apparet , eum esse insigniter mendacem . Parricidam uero ex eo , quòd nitatur Serenissimi Polonorum regis animum inflammare , ut mandet Vergerium trucidari , ubi cunq; inueniri possit , siue apud Illustrissimos Germaniæ Principes , siue alibi , dummodo tollatur è vita . HIL . Nec fuit contentus tam manifestum & tam turpe de duabus , aut tribus vxoribus mendacium semel effutiuisse , idem enim repetit alicubi , & posteaquam mentitus est nostros esse Sardanapalos , Epicureos , Atheos , & multis

multis in summa partibus deteriores , quām sine  
 Prælati Papistici, quid potest horribilis dīc? pro-  
 rumpit in hæc verba: Quorum pleriq; sunt tam in-  
 exhausta libidine , vt ne coniunx quidem illis una  
 sufficiat. A TH. Si non essem christianus, dicerem,  
 ut te quidem omnes Dñ, Deęq; superi,inferi (vt est  
 apud Comicum) perdant Osi, sed cum christianus  
 sim (Deo gratiæ) dicam , Deus det tibi saniorem  
 mentem Osi. HIL. Sed audi hunc quoq; locum,  
 qui ad idem pertinet : Quis non facile perspiciat  
 quæ sit honesta matrona , quæ contrà sit mulier a= =  
 dultera, & impudens meretrix: Hanc nimírum esse  
 vos , apud quos N V L L V S E S T L E G I =  
 T I M V S T H O R V S, sed vagi sunt concubi-  
 tus. A TH. De quibus loquitur: HIL. De nostra-  
 tibus , quos disertissimè appellat semen adulteræ.  
 A TH. Iesu, quantum audet iste hypocrita . HIL.  
 Qui respicit præcedentia, videtur quidem voluisse  
 dicere , nos habere incertam atq; illegitimam do-  
 ctrinam & Ecclesiam ( cùm tamen penes illos exi-  
 stat notha & adulterina doctrina atq; Ecclesia, Non  
 autem penes nos ) Sed talibus verbis maluit vti,  
 quæ tum id , tum aliud quoq; obiter denotarent,  
 non esse scilicet ( suo iudicio depravatissimo ) legi-  
 timum thorum, saltem eorum, qui uncti aliquando  
 & bestiæ caractere insigniti fuissent , quasi his, iure  
 diuino, non liceat matrimonium contrahere , Ta-  
 meti aliud quoq; fortassis designat grauius, quod=

M que

DIALOGVS SECUNDVS

què latius patet, quantum ego olfacio, A T H A.  
Quid; H I L. Dicam, iste præfractus Osor videt ut  
mihi sentire, matrimonium eorum, qui vera fide nō  
sunt illustrati, pollutum atq; impurum, ac pro scor=   
tatione uel adulterio habendum esse; quare cum  
putet nos minimè esse uera fide illustratos, imo pla=   
nè hæreticos, consequi, quod nostra matrimonia  
non sint legitima, A T H. Atqui hoc fuit vnum ex  
dogmatis Anabaptistarum regis, Ioānis illius Lei=   
densis, perditissimi nebulonis, imo cacodæmonis,  
cui etiam Lutherus acerrimè respondit, H I L. Fuit  
unum ex illius dogmatis, nunc verò à Varmiensi  
Cacodæmone usurpatum. At nos, cùm Christiani si=   
mus, decet modestius agere, non quidem, quod Osio  
parcendum sit: Nam merito debet ab omnibus no=   
stris, ut mendacissimus conuiciator, & gloriæ Dei  
atq; doctrinæ rabiosus insectator exagitari concul=   
caricq;. Sed quia habenda est ratio bonarum familia=   
rum, quæ sunt in Papatu innumerabiles, quas, ta=   
meti carere, magna ex parte, vera fide & Dei cog=   
nitione videmus (vtinam non carerent) non pro=   
pterea retorquere in illas Osianum argumētum de=   
cet. Absit: sed crediderim neminem mortalium, pre=   
ter vnum Osium, qui est profligata audacia, ausu=   
rum fuisse literis mandare, quod nullum sit apud  
nos legitimum matrimonium. Sed quod vagi sint  
concubitus, quod perinde esse, ac si diceret, nostras  
vxores

vxores esse meretrices, nostros liberos spurios, quis  
 non intelligit? HIL. Si senserit se vrgeri, hoc nomi-  
 ne, nō deerunt Sophistæ effugia atq; subtiles inter-  
 pretationes suorum verborum. A TH. Scio, sed bo-  
 ni viri in re tanti momenti, nō ambiguè lequuntur,  
 sed declinant à verbis, quibus vident, posse tot &  
 tantas familias conspurcari atq; irritari, quot nostræ  
 religioni nomen dederunt. H I. Sic res est: non caret  
 maxima reprehensione, qui à talibus verbis non ab-  
 stinet, ubi agitur de fama decq; honore, in re tā graui,  
 atq; tam seria. Sed cùm dixerim, isti Sophistæ non  
 defutura effugia & cauillationes, ubi senserit, se, ob  
 tam acerba in nos iactata conuitia, reprehendi atq;  
 urgeri, audi quemadmodum suspicor illum de-  
 fensurum id quod dixerit, sic iam moribus rece-  
 ptum esse apud nostri Euangeliū præcones, simul  
 ut duas, aut tres vxores habeant, ut iam pro crimi-  
 ne propemodum non habeatur, ac modo non in  
 laude ponatur. A T H A. Deum immortalem, quo-  
 modo tam horribilem, tamq; falsam calumniam ex-  
 cusare unquam posset: HIL. Audi, Hæc sunt Sleid-  
 ani verba ex libro decimo. Mox ille (loquitur de  
 eo, cuius modo meminimus, Anabaptistarum re-  
 ge) ternas dicit uxores, hoc exemplum alij quoq;  
 sequuntur, ita quidem, ut etiam in laude ponere-  
 tur, frequens matrimonij repetitio. Vides, ut verba  
 quoq; eadē usurpet Osius, quib. Sleidanus usus est.

M ï A TH.

DIALOGVS SECUNDVS.

A T H. Video, & sanè crediderim, hoc esse quod exagitat Osius. Sed quid nobis cum illa bellua Monasteriensis illam conuitijs impetat, quòd ternas uxores duxerit, aliosq; qui id exemplum dicuntur sequuti, non nostros, qui non modo multis libris æditis, verum etiam collata pecunia, collatis militibus, collatis tormentis, insectatis sunt illam furiam à Diabolo excitatam, dum fuerit cum omnibus suis expugnata & grauissimis supplicijs affecta. HIL. Putat Osius, illum à uobis prognatum fuisse, propterea omnem illius immanitatem, omnesq; illius blasphemias nostris attribuit. A T H. Prognatus fuit à Diabolo, qui sperauit, se posse, illo abominabili partu, renascentem Euangelij doctrinam diffamare atq; extinguiere. HIL. Sic solet Osius. Muncerum quoq; seditionissimum illum, scèpè nobis exprobrat, quem tamen nostri Principes diu, magna solicitudine, inseguuti, tandem capite mulctarunt, Ait in summa Osius, nos minimè debuisse à Paparum obedientia se subducere, & secessionem facere: quare nobis meritò imputari omnes seditiones, omnes sectas atq; hæreses, quæ postea natæ sunt, quid tu hic illi responderes? A T H. Responderem, Papas primùm non debuisse filij Dei doctrinam tam fæde iamq; horribiliter conspurcare atq; corrumper, deinde non tanta immanitate tantacq; rabie resistere his, qui eam cupiunt purgatam, atq; in pristinum nitorem restitutam, quare ipsis Papis referri debeat.

debere acceptas omnes turbas & calamitates , quæ  
postea natæ sunt, vt non dubito , quin de omnibus  
illis sint apud Deum exactissimam rationem ipsi  
ipsi , maximo eorum malo, reddituri . Sed cùm im=   
pudentissimus conuiciator Osius mentitus fue=   
rit, MORIBVS esse receptum apud Euangelij  
PRÆCONES , vt binas, aut ternas vxores ha=   
beant, idq; in laude ducat, quomodo docere posset,  
vllum vñquam, ex nostrarum Ecclesiarum mini=   
stris, exemplum illius nebulonis sequutum fuisse, bi=   
nascq; aut ternas duxisse vxores: durauit enim Mo=   
nasteriensis obsidio, paucis duntaxat mensibus, vrbe  
autem capta atq; illa fece rusticorum profligata, non  
erat amplius, qui binas, aut ternas duceret, Quid er=   
go Osorait , moribus receptum esse , quasi tantum  
flagitium inde postea dimanarit ad nostros, sitq; ad=   
huc in vsu: Deinde cur audet dicere præcones E=   
uāgeliū hoc facere, cum nec Sleidanus, nec quispiam  
alius ullum verbum de concionatoribus, qui binas  
aut ternas duxerint: HIL. Non est dubium, quin  
Osor instigatus à Sathana, qui repurgatas ab Idolo=   
manijs Ecclesias ferre non potest, voluerit eas , quasi  
polygamiam introduixerint, diffamare, a qua tamē,  
toto pectore, abhorremus. Sed referet præmium sua  
impietate suaq; impudentia dignum: Nam prope=   
diem erit contemptui atq; ludibrio toti Europæ, ac  
non multo post præceps ruet ad suum magistrum,  
Sed audi Athanasi, quanta sit istius impudentia, sta=

DIALOGVS SECUNDVS.

tim enim, ubi nos falsissima & diabolica illa calumnia de duabus, aut tribus uxoribus, onerauit, subiungit: Non possunt isti sibi temperare quin ex quaschola sint profecti, planum omnibus faciant, & ex emplo magistri sui, fannis, scommatis, dicteris, conuiitijs paru Christianis, libros suos infarciant. ATH. Sunt ne Osij uerba: HIL. Sunt, que statim subiunguntur (ut dixi) postquam mentitus est de nostrorum tam inexhausta libidine, ut ne coniunx quidem illis una sufficiat, hanc enim iniquus homo non putat esse calumniam parum Christianam, ut neque illam, quod nullum sit apud nos legitimum matrimonium, Sed non solum haec, quae dixi, manifesta in nos mendacia effutiuuit, sed alia multa quoque. Audi unum nunc insigne: Fecit se, in primo eius libro, Germanicarum Ecclesiarum censorem, arrogantissem, & omnia sursum & deorsum miscuit, quo illas toto terrarum orbe bene posset deformare & diffamare, nulla habita Regum & Principum, aut cuiusquam alterius ratione. Cum uero Sacramentarios, seu Zuinglianos multis probris & maledictis proscidisset, eosque esse multo peiores Lutheranis affirmasset, immo usque adeo immanes, ut soleant exhumeret & patibulo affigere (in quo tamen mentitur) cadauera eorum, qui ad papisticam religionem deprehensi sunt, cum nostram prius fuissent amplexi. Cuncte prius dixisset, licet falso quoque (more suo)

suo) totam Augustam Vindelicorum esse Zuingleianam, quasi pro tribunali sedens, hæc uerba subiungit. Palam illud est, quod præter Saxonicas ciuitates, pauci admodum Lutheri receperunt Evangelium, omnes alij, siue apud Heluetios siue in GERMANIA aut Catholici sunt, aut SACRAMENTARII. ATHA. Salve Osi cum tuo præfractissimo, hoc est, Episcopali & mitigato mendacio: Nam palam est, nullam protus, nullam esse, nec Augustanam, nec ullam aliam Ecclesiam in tota Germania, quæ Sacramentaria sit, ut appellant, aut Zuingliana, sed aliquot duntaxat Heluetiorum ciuitates. HILA. Vis aliud profaram, ex eadem penu Osiana, mendacium æquè magnum, atq; hoc quod nunc audisti: atq; eiusdem generis quoq; Accipe: Brentium seorsum à Philippo colligere, non obscurè indicat, seorsum ab eo conscripta Confessio & Patribus in Synodo Tridentina oblata, quod in iustificationis articulo non cum Augustana, sed cum Osiandrina confessione sentire uidetur. ATH. Falsum est. HI. Falsissimum: Confessio enim Virtenbergica, anteq; Concilio Tridentino offerretur, ad Saxonicas Ecclesiæ, per duos Theologos missa fuit, nempe Beurlinum et Isenmannum, bonos uiros & apprimè doctos, ut diligentissimè discuteretur, an hæc cum illarū ecclesiarum confessione per omnia conueniret.

Cum

DIALOGVS SECUNDVS.

Cum ergo Saxonici pastores pulchre utrancq; con-  
gruere animaduerissent, subscripterunt Virten-  
bergicæ, & vicissim nostri subscripterunt Saxoni-  
cæ. Sed cum utracq; omnibus obvia sit, legat qui ve-  
lit, statimq; inueniet Osium esse mendacem, hoc est,  
Brentium, in confessione Synodo Tridentinæ ob-  
lata, non colligere, quo ad articulum Iustificationis,  
ut neq; in alio, seorsum a Philippo, sed prorsus idem  
docere, hominem scilicet iustificari, hoc est, Deo  
gratum & acceptum fieri, & peccatorum remissio-  
nem habere propter vnicam & solam obedientiam  
Domini nostri Iesu Christi, per solam fidem nobis  
applicantem, & hanc esse imputatam, siue imputati-  
uam iusticiam, de qua Apostolus ad Romanos &  
ad Galatas disputat. A TH. Nisi sperarem Brenti-  
um & Vergerium, ad quos in primis ea cura atq;  
prouintia videtur pertinere, esse isti Osi responsu-  
ros, putarem consultum, vt nostrarum Ecclesiarum  
omnium nomine responderetur, ac Serenissimo  
Regi, totoq; eius regno doctrina & causa nostra  
probaretur, istumq; Apostopum grauiter accusan-  
tes, vrgeremus, ut de eo tanquam de mendacissimo  
calumniatore poena exigeretur, Agitur enim hic de  
gloria Dei afferenda, & ab iniuria vindicanda, quo  
nullum potest esse negotium maius, & in quo ma-  
gis deceat nos laborare, necq; ullos labores, ullos  
sumptus, vllaue pericula, aut quicquam aliud metu-  
ere. HIL. Verè tu quidem, sed que hactenus attigi,  
sunt

sunt quidem non leuia. A T H A. Imo grauissima sunt , quid tu extenuas? HIL. Dixi nō leuia, si cum his conferantur, quæ nunc audies. A T . Ergò grauius adhuc nos insectatur? HIL. Audi modo, nullum non lapidem mouet , ut sui Regis animum quantum potest abalienet à nostra causa : obijcit illi parentis , deinde omnium maiorum suorum exemplum autoritatemq; deinde ait , illum, cùm diaclema Regium eius capiti imponeretur , tum Ecclesiæ Dei, tum Poloniæ regno obstrinxisse fidem iureurando firmatam , quod nunquam esset destitutus tueri & colere summum Pontificem cum Ecclesia Romana, in primis autem iste, exosus Deo, omni studio conatur eius Regiæ Maiestati insinuare (hic h̄c audies rem indignissimam , atrocissimamq; iniuriā, qua nō dubitauit afficere Reges , Principes, Status, omnes in summa, qui puriorem doctrinam amplexi sumus) fore scilicet, vt propediem Christiani esse desinamus, futuros autem Arrianos & Macedonianos. A T H. Iesu. HIL. Reuocaturos scilicet horum furores ex inferis , sopitosq; illos ignes suscitatueros, ut non simus amplius dicturi, id, quod nunc dicimus, Christum esse Deum , sed negaturi proculdubio , huc enim tendere omnes nostros co[n]natus, & nostra omnia studia, ut Christi et illius immensi beneficij gloriam obliuione sempiterna obruamus ( sunt eius verba) In summa videtur sentire, uoluisse nos incipere ab oppugnatione Roma-

N nae

DIALOGVS SECUNDVS

ñæ Ecclesiæ , vt ea ratione sternemus nobis ad Arrianismum commodiorem uiam. A TH. O malum & pestilentem virum Osium. HIL. Quia ait disertè Lutherum & Brentium ab Arrianorum sententia non multum abhorrere. A TH. Audet hoc quoq; dicere; HIL. En tibi eius verba; Ab Arrianorum sententia se (de Brentio loquitur) non multum abhorrere , sicut olim & Magister eitis Luthe- rus non obscurè præ se ferre videtur. A TH. Men- titur de utroq;. HIL. Sed id mirandum in isto phrenetico , quod statim ubi tam graue conuitum in Brentium eructauit , verba Brentij recitat , quæ sic habent audi num prorsus phreneticetur , & disertè contrâ id , quod modo dixerat , adducat . Laudamus maiorum nostrorum studium , quod operam dede- rent , ut doctrina de vera & æterna diuinitate Chri- sti , pura & sincera ad posteros transmitteretur. De- inde inspiciat qui voluerit Confessionem ab ipso Brentio dictatam , in qua de Patre , de Filio , & Spi- ritu sancto , ad eum modum affirmat se sentire , ad quem Nicenum Concilium , Ephesinum primum , & Calcedonense statuit & definiuit . Certe qui ue- ram & æternam diuinitatem Christi confitetur , & Niceno , Ephesino primo , & Calcedonensi Conci- lio subscribit , nihil minus , quam cum Arrianis cō- sentit. A TH. Nō est dubium. HIL. Alibi de Bren- tio ait. Audi Athanasi , audi arrogantissimum cen- sorē & petulantissimum (quod sœpè cogor dicere) conuiciatorem Osium. Sed & Diabolici ingenij tui  
(affatur)

affatur Brentium) fallentē subtilitatē non tacebo, si= e  
milē, quod scriptum non est, decernis Patri Filium ·  
prædicari, ut æqualē Christum Deum, quod scrip- ·  
tum est, taceas. ATH. Non video quid intersit inter  
similē & æqualē, cùm ab eo potissimum homine in  
hac causa dicatur, qui decreta Conciliorum, de qui-  
bus dixi, grauissimis verbis se reuerenter suscipere  
profiteatur, semperq; professus fuerit. HI Sed cùm  
Brentio obiectat, quasi neget Christum esse æqualē  
Deo, audi, an reuera neget uel approbet, hæc sunt ex  
Prolegumenis pag. 69. Nec dubium est, quin cùm ·  
Patres Nicæni Cōcilij definierunt Christum filium ·  
Dei ÆQVALEM esse Patri, essentia et maiestate, ·  
Christus fuerit in medio eorum: quia tunc sequuti ·  
sunt nō suas ipsorum opinione, sed sententiā Spiri- ·  
tus sancti in sacra scriptura traditā et patefactā. Quid ·  
hic poterit respōdere Osius, qui tanta impudentia et  
iactātia, literis mandare ausus est, Brentium esse dia-  
bolico ingenio, quod tacere voluerit Christum esse  
æqualē Deo, cum tamen appareat eum disertissimè  
laudasse eos, qui definierunt Christum esse æqualē  
Deo: ATH. Heus Osi, quis nā erit dicendus homo  
fallax & Diabolico ingenio, Brentiusne an tu? HI.  
Alium locum adducā, ubi frigidissimā malignissi-  
māq; Osi cauillationē videbis fere eadē in re. Et in-  
uocat solum patrē D. N. Iesu Christi. Quod est hoc ·  
nouum locutionis genus, inuocat solū patrē? Quid ·  
si inuocent filiū? Quid si Spiritū sanctum inuocent? ·  
iā eos nō cōuenisse dices in nomine Christi? An nō ·

N ī hoc

DIALOGVS SECUNDVS.

, hoc paulo ante dixeras , quod non conuenit in  
nomine Christi: si cantetur Missa de Spiritu sancto,  
huius inuocationem excludi vis? Fortassis aliquid  
cum Serueto commune habes? A TH. Video ca-  
lumniam; Nam cum Brentius dixerit, inuocandum  
solum Patrem D.N.Iesu Christi, ut excluderet san-  
ctorum mortuorum (ut ego arbitror) inuocatio-  
nem, quae tam frequenter Papistis est in vsu , Osius  
malitiosè interpretatur, quasi Brentius nolit Filium  
& Spiritum sanctum inuocari. HIL. Quod dicis  
non improbo, sed potest confodi & iugulari Osius  
uerbis ipsius Christi, quae à Io. 17. Capite recitantur,  
nempè his, vt cognoscant te SOLVM Deum ue-  
rum, & quem misisti Iesum Christum. Osius ergò,  
stultissime loquitur, cum ait , nouum esse locutio-  
nis genus , quod est vetustissimum. Verum hoc  
quocq; audi . Brentius merito irrisit eos , qui initio  
Cōciliij canerent (ut dicunt) Missam de Spiritu san-  
cto : Nam reuerà ridiculum est, ut in illa tam putida  
consarcinatione blasphemiarum , Missa nimirum,  
sumē exosa Patri, Filio & Spiritui sancto , Spiritus  
sanctus inuocetur. At cauillator Osius, ergò negas,  
inquit, inuocationem Spiritus sancti. A TH. Iesu,  
nunq; tantam futilitatem imperitiamq; , tanta cum  
malignitate coniunctā vidi. HI. Audi & hoc, Vi-  
disti q; grandi & horribili conuitio iste modo nix-  
us fuerit inspergere et cōspurcare Reges, Principes,  
ordines et status , omnes in sumā, qui projecto Pa-  
patu,

patu, puriorē filij Dei doctrinā sectamur, quod scilicet propediem negatur simus Christum esse Deum, quod perinde est, ac si diceret, nos uelle Mahometanam impietatem, abnegato Christo, suscipere. Hic malignitatem atrocissimam & incomparabilem uides, futilitatem uero in his audies, quæ statim subiungit: Quam etiam ob causam & Chris- matis usum, & cruce signandi morem tot lædorū & scommatis insectantur. A TH. Praeclara uero consequentia: negamus Chrisma & usum signandi cruce fuisse à Christo uel ab Apostolis institutum, ergò brevissiemus Turcæ, aut Arriani, et Christum esse Deum negabimus, quis non stomachetur usq; adeò ne existimat suum rancidum oleum, seu Chrisma, morem q; illum cruce signandi externum esse cum Christi diuinitate coniunctum, ut hanc protinus neget, quicunq; illa externa signa, ab hominibus superstitionis inuecta, nō probauerit: A TH. Haud dubie iste Osor uenatur sibi imperitorum & vulgi Papistici plausum, cum tanta acerbitate, qui ritatur, quod isthęc leuicula de suo Oleo, deq; signo crucis nostris scriptis reprehendamus. HIL. Hoc quidem uenatur, sed Papæ in primis gratiam: atq; una huc spectat, ut deformet & diffamer Lutherum, Melanthonem, Brentium, aliacq; organa, per quæ nobis Pater cœlestis, ut scripturas intelligamus, aperit sensum: Nam Brentio non modo id, quod nuncaudisti, impudētissimè impingit, quod

N. ij. scili-

DIALOGVS SECUNDVS.

scilicet Arrianorum blasphemis patrocinetur, sed aliud quoque itidem falsissimè. A TH. Quid id est? HIL. Quid de Eucharistia Brentius sentiat, nosti? A TH. Noui, cum Luthero scilicet, ut Brentij scripta omnia testantur, non est dubium, neque vñquam fuit. HI. Tamen Osius, ut eum accuset, levitatis atque incōstantiæ, affirmat illum nunc esse in Sacramentiorum partes propensiorem (vtor Osij verbis) et paulo post inquit: Sicut in alijs nounullis ita & in hoc videris ab Augustana Confessione dissentire, quæ substantialiter in pane cōtineri Christi Corpus affirmat, si modo eo sensu prolatæ est de Eucharistia Confessio, quem in Apologia sua Philippus assert. A TH. Si quis ab Osiō quæreret, quæ nam sint illa nonnulla alia in quibus audet dicere, Brentiū à Confessione Augustana dissentire, quid nam responderet tuo iudicio? HI. Meum iudicium est, quod Osius ignoret quid dicat. Brentius enim à Confessione Augustana neque in articulo de Eucharistia dissentit, neque in alio (vt diximus) A TH. Mirum, istum nō metuisse proditurū alcundē hominem, qui de tam crassis mendacijs, quibus suos libros scatere intelligo, eum cōuinceret. HI. Mirum quidem hoc est, sed illud & què mirum, aut fortassis magis, quod in tanta luce Euā gelij, adhuc audet mordicus retinere, acerri meque tueri quędā absurdissima et enormissima, quę ipsimet Papistæ sciunt, defendi nullo modo posse. Ostendam enim istum laudare, & mordicus tueri  
illas

illas tam multas gesticulationes, totumq; illum, ve-  
luti scænicum ornatum sacrificiorū, quo vtuntur  
missificantes, deinde baptismum, seu benedictionē  
Campanarū quoq;. A T. Iesu. H I. Imo totum illud  
proluuium abyssumq; ineptiarū et blasphemiarum,  
quæ in libro, cui titulus Pontificale, continentur.  
A T. Serione loqueris? H I. Serio loquor atq; inge-  
nuè, nō vtor calumnijs, ut Osius facit. Quid multis?  
an nō audisti heri vocem ipsius, qua dixit, se velle il-  
lam fidem adultum tenere, in qua natus est? Est aut̄,  
haud dubiè, natus, multò ante ortum solis Euange-  
lici, in dēfissimis tenebris. In summa, quod ad illum  
attinet, nec vsum quidem aquæ salitæ (ipsi benedi-  
ctam nominant) sineret sibi extorqueri. Quid ergo  
nōnulli adhuc expectant Paparū Concilia, in quib.  
ipsimet Papę unā cum istis Osoribus, Asotis, Cani-  
sjs, Staphilis, Aujs, alijsq; huius farinæ hominibus  
futuri essent iudices? totum Papatū strenuissimè re-  
integraturi, nisi forte ad pristinas Idolomanias ali-  
qd essent addituri, vt sanè crediderim? A T. Utinā  
totus Christianus orbis hæc intelligat: nam simul  
intelligeret, nullam vñquam, in tanta Euangelij lu-  
ce, moderationē nullumq; pacis studium potuisse  
in istos induratos Osios penetrare, sed summam  
atq; indies maiorem in illis esse insolentiā atq; per-  
tinaciam, qua nec tantillum ex his, quæ ipsimet sci-  
unt (vt dixi) defendi nullo modo posse, condona-  
rent, vt Rempublicam Christianam grauissimis dis-  
fensionibus vscq; adeo exagitatam atq; concussam  
tandem.

DIALOGVS SECUNDVS.

tandem aliquando pacificarent atq; instaurarent.  
Sed uaticinor fore, ut istis nunc idem eueniat, quod  
ante XL annos contigisse uidimus. Cum enim ferè  
superbissimi homines nullo modo potuissent, ut  
uel abusus & nundinationes suarum indulgentia-  
rum, vel potius imposturarum taxarentur, effecit  
admirabilis Dominus Deus noster, ut ea occasione  
tanta strages in papatum, per machinam uerbi sui,  
fuerit inficta, quantam omnes uident: sic & deinceps fiet. Cum enim isti Osores absurdissima quæq;  
uelint mordicus retinere, cunq; audeant se iactare,  
quod nec leuiculis quibusdam medijs, aut indiffe-  
rentibus rebus pacem redimerent, idem Deus, qui  
opus cœpit, perficiet, lōgiusq; gloriam suam, quam  
haec tenus fecerit, promouebit haud dubiè. HIL A.  
Mi Athanasi, cogor tecum agere, quemadmodum  
egisti mecum heri, & petere, ut boni consulas, quod  
nequeam hodie diutius tecum cōferre, abripit enim  
me negotium satis graue. ATHA. Quid ni boni  
consulam? Sed quando speras fore, ut rursus conue-  
niamus? HIL. Cras manè ( si Dominus uoluerit )  
& conueniam te in tuis ædibus, feramq; ipsum Osi  
librum, & reliqua audies, quæ annotauit aliquanto  
ineptiora & monströsiora his, quæ audiūsti.

ATH. Expectabo te, & prandebis  
postea mecum. HIL A.

Non recuso.

Dialogus

# DIALOGVS TER<sup>o</sup> T I V S.

HIL. Salve Athanasi. ATHA. Tu quoque salue  
Hilari, video te fascem librorum ferre sub ala, ut  
rusticus agnum. HIL. En tibi librum, de quo heri  
& nudius tertius tam multa. ATH. Satis grandem.  
HIL. En tibi aliud eiusdem autoris, satis foecundi.  
Nam tres vno partu edidit. Lege titulum. ATH.  
De expresso Dei verbo libellus valde vtilis ac his  
temporibus necessarius, cum gratia & priuilegio  
Imp. HIL. Titulus, propter quem vadimonia de-  
seri possint. ATH. Ita est, nisi sciremus esse Dilinge  
impressum. Id miror, ubi ait necessarius, nō additur  
fuisse ad SALVTEM: Nam puto Dilingensem  
Purpuratum omnino credere, hunc librum esse ad  
salutem necessarium, vt sunt fidei articuli, in Sym-  
bolis comprehensi. Vidistin tu? quid ait tandem?  
HIL. Inspexi duntaxat aliquibus in locis, & for-  
tassis ostendam tibi vnum atque alterum: hoc autem  
in primis mihi videtur agere, ut, quantum possit,  
extenuet Dei verbum, & sacræ scripturæ autorita-  
tem detrahat, vt non sit ex expresso Dei verbo, quo  
sentiunt se vrgeri & iugulari, iudicandum, sed ex  
Traditionibus, aut interpretationibus Paparum  
suarumque creaturarum. Visum est mihi veluti  
quoddam Epitome istius maioris voluminis. A T.

O Sepona-

DIALOGVS TERTIVS

Seponamus obsecro : Nam videor mihi sentire te= trum odorem. HILAR. Lege istius minoris titu= tulum. ATHA. De eo, num calicem Laicis, & v= xores sacerdotibus permitti , ac diuina officia vul= gari lingua peragifas sit. HILA. Hunc perlegi. ATHA. Quid tandem ? HILA. Nullo modo potest pati, ut calix Laico, vt vxor sacerdoti permit= tatur, atq; ut diuina officia (ut ipse vocat) vernacu= la lingua peragantur. ATHA. Ista pertinacia atq; arrogantia proderit gloriæ D. Dei nostri promo= uendæ , ne dubita. HILA. Obstupesceres autem, si videres , quām ineptis & frigidis, in primis quām à uera pietate alienis argumentis vtatur. Prodit se quod Euangelium summi oderit , ut uerè est illi o= dor mortis, ita conatur illud, quacunq; ratione po= test (ut dixi) deprimere & extenuare, ut etiam con=jecturis aliquando agat , quo destruat apertum Dei mandatum. ATHA. Coniecturis ne contra aper= tum Christi mandatum : obliterantur ne Christi mandata ullis coniecturis ? HILAR. Sic ipse ex= istimat , ait enim fortassis Ephesini Concilij autori= tate vsum vtriusq; speciei fuisse abrogatum , sed acta eius Concilij integra non extare , quibus hoc potuisset clare euincere , sed tantum fragmentum, & affert, non reñciendas (ut ipse dicit) coniecturas, quibus doceat Ephesinum Concilium statuisse , pro= sen=

Sententia Papatus. ATHA. Licuisset ne Ephesi= no , aut Calcedonensi , aut Niceno , aut cuius de= num Concilio abrogare mandatum Christi ? V= num velim scire , quid iste respondeat Gelasio , cuius in magno (ut appellant) Decreto verba sunt inserta, quæ habent : Aut integra Sacra menta per= cipient , aut ab integris arceantur ? HILAR. Sentit se valde urgeri a Gelasio , ut video , est enim valde sollicitus , quomodo ab eo se explicet . ATH. Quid ait tandem ? HILAR. Multa , inter alia , eos , qui ante nos cum Papistis de hoc articulo contenderunt , Boemos in primis non fuisse vsos Gelasij autoritate , citra autem dubitationem ullam libenter fuisse vsuros , si vidissent Gelasium pro se facere . ATHA. Ridiculum caput , ergo non li= cebit nobis aduersus Papistas , ullis scripturis , ar= gumentis , & autoritatibus vti , nisi illis ipsis præ= cise , quibus vni sunt alij ante nos ? Vnde hausit istud topicum ? HILARIVS. Ex peruersita= te sui cerebri , qua Gigantum more pugnat cum Deo. Deinde ait , uerba Gelasij ad solos Sacerdotes pertinere , ATHA. Vnde illi constat , cum nul= la sit apud Gelasium sacerdotum mentio ? HILA. Glossatorem , inquit , Thomam de Aquino , & Ar= chidiaconum , explicantes ea verba , ab integris arceantur , dixisse , ut aut ambo , panem scilicet & vinum consecratum accipient , aut abstineant à celebra=

DIALOGVS TERTIVS.

, celebratione missarum , vt neutrum conficiatur.  
ATH. Meræ nuge, En tibi Gelasij verba, quæ me-  
moriæ teneo, cùm summè mihi placeant. Comperi-  
mus, quòd quidam sumpta tantummodo corporis  
portione, à calice sacrati cruoris abstineant, qui pro-  
cul dubio , quandoquidem nescio qua supersticio-  
ne docentur astringi, aut integræ Sacra menta percí-  
piant, aut ab integris arceantur , quia diuisio vnius  
eiusdemq; misterij, sine grandi sacrilegio non potest  
prouenire. Quid hic audis, quod possit ad sacerdo-  
tes, vel conficientes (vt aiunt) detorqueri? loquitur  
enim de laicis , procul dubio , qui sumpto pane seu  
corpore, abstinent à Vino, seu sanguine, vt in Pa-  
patu fit, A TH. Non est dubium, & ipse met Osius  
tandem videtur agnoscere interpretationem, quam  
attulerat, esse alienam à verbis Gelasij, quare accurrit  
ad aliam anchoram , satis infirmam : Ait enim non  
reperiri integræ eam Gelasij epistolam, vnde Gra-  
tianus ea verba produxit . A TH. Quis possit sine  
nausea audire tam putida ? Dicat mihi Osius, putat  
ne Gratianum sibi confinxisse istud epistolæ frag-  
mentum ( si modò fragmentum est) & non potius  
ex integro descripsisse HIL. Aliud eodem in loco  
annotauī æquè ridiculū, aut magis fortassis. Quan-  
do nihil ex ea Epistola habemus præter fragmen-  
tum istud, quod adfert Gratianus , quo alio sensu  
verba hæc accipi oportet, quam quo Gratianus eis  
usus esse videtur. Porrò quo sensu sit eis usus, ex a-  
liquot

quot canonibus, qui præcesserunt in ea distinctio-  
ne, facile quiuis perspexerit, qui non de alijs, quam  
de sacrificantibus loqui videntur. Sunt Osiana ver-  
ba, in quibus primum falsum puto, quod in præce-  
dentibus canonibus, non de alijs, quam de sacri-  
ficiantibus loquatur: Nam de laicis quoq; mihi vide-  
tur loqui. Deinde an num absurdissimum illud est,  
quod ait, nos debere illius fragmenti verba eo sensu  
intelligere, quo à Gratiano sunt adducta: Quid si  
Gratianus aliquid male intellexisset in alijs Patrum  
sententijs & scripturis diuinis, quas compilauit (vt  
solet male intelligere, atq; errare, qua de re extant bo-  
ni libelli) cogerentur ne lectores sequi Gratiani in-  
scitiam, & non potius verum sensum verborum,  
quaे sunt adducta: A T H. Portentosum est, in tam  
paucis verbis & ferè in uno paragrapho apparere  
tot fēdos lapsus. Sed cum meminerit glossatoris hu-  
ius canonis, cur non produxit eiusmet verba: quaे  
scio huiusmodi esse, vt si Papistæ possent ea dispu-  
gere, aut suppressere, valde libenter facerent. A T.  
Quae nam ea sunt: H I L. Omnidō contra id, quod  
ipsi de Eucharistia sentiunt, sed ea nunc missa facia-  
mus. Audi quid eodem in loco Osius: utinam, in=  
quit, apud istos Gelasij valeret autoritas, nulla nunc  
de speciebus Sacramenti esset altercatio: atq; vbi  
hoc dixit, & Gelasium magnum fuisse virum, & o-  
mni laude dignum affirmauit (quod nos non dif-  
fitemur) producit verba, quibus Gelasius monet  
O ij debere:

DIALOGVS TERTIVS.

, debere inconuulsum firmumqp constare, quicquid  
, Patres semel sanxerunt secundum scripturarum  
, tramitem . Adducit ergo Osius disertè contra se  
& pro nobis : Nostrum enim est hoc axioma , ut  
manere debeat inconuulsum firmumqp quod Pa-  
tres & maiores nostri sanxerunt , S E C V N= D V M S C R I P T V R A R V M T R A= M I T E M , At Osij & reliqui Papistæ co=n-  
tendunt, debere inconuulsum manere , quod ma= iores nostri , etiamsi non secundum diuinæ scrip= turas sanxissent : satis enim putant , si maiores no= stri aliquid sanxerint , hoc tantum spectant , hoc adorant , quicquid Christus Dei Filius sanxerit.  
ATHA . Dixisti mihi statim initio , istum esse iu= dicio prauo , & semper magis in ea opinione con= firmor . HILA . Quæso te Athanasi sine me ad= huic expaciari in hoc campo , vt agnoscas , quām sit pertinax iste Hypocrita . Animaduerto primum Carolum Quintum Cæsarem , deinde Paulum Pa= pam eius nominis ij . cum omnibus Cardinalibus , hoc est , cum tota Romana Ecclesia ( vt ipsi interpre= tantur ) deinde Aloysium Lippomanum , Vero= næ Episcopum , quem Osius suscipit & summis lau= dibus effert , Postremò ipsum Asotum Dominica= num , quē idem Osius ubiqp venerabilem & insignē virum predicat , animaduerto inquam , omnes hos , quorum maxima & incomparabilis est apud O= sium autoritas , censuisse calicem laicis esse permit= tendum ,

tendum, & tamen non commouetur Osius, vt cum  
illis consentiat , vscq; adeò est durus & solitarius,  
quin & fascinatus Papalibus præstigijs. A T H.  
Scio de Carolo Quinto , qui in libello , quem Inte-  
rim appellant, nō solum calicem laicis, sed ministris  
Ecclesiarum vxores, Cæsarea autoritate, permisit, de  
reliquis, quos nominasti , an ita senserint , me latet.  
HIL. Paulus iij. Anno virginei partus M. D.  
**X L V I I I .** Pridie calendis Septembris , tres in  
Germaniam legatos misit , quibus mandatum , de  
consilio & assensu omnium Cardinalium (sic enim  
habetur in bullâ ) dedit , vt potentibus sibi permitti  
calicem, aut vsum utriuscq; speciei, non denegarent;  
ea bullâ passim extat, impressa Basileæ, curante Ver-  
gerio, apud Oporinum. A T H A. Memini nunc  
istius legationis , hunc titulum iactabat , pro redu-  
ctione multorum populorum Germanicæ natio-  
nis , & memini etiam , eam multos , magno cachi-  
no, fuisse prosequutos, & nec mulierculam quidem  
fuisse inueniam, quæ voluerit ad Papatum reduci.  
H I. Ea ipsa Legatio est. A T H Sed vnde scis Lip-  
pomanum Veronæ Episcopum sentire, calicem lai-  
cis esse permittendum ? certè in ea ad Illustrissimū  
Radziuillum, cuius suprà meminimus, Epistola ali-  
ter sentit . H I L . Quicquid in ea Epistola videatur  
sentire , is fuit unus ex tribus legatis , qui bullam &  
mandata, de quibus dixi, per Germaniā circumfere-  
bat,

DIALOGVS TERTIVS.

bat, cedo, passus ne fuisse legationem ad se deferri,  
in qua contra suam ipsius conscientiam calicem lai-  
cis permitteret: non est credibile de viro, quem O=   
sius tantopere admiratur. A TH A. Sed de Asoto  
quomodo docebis idem sentire? Nam de reliquis,  
quos nominasti, videris mihi bellè docuisse. HIL.  
Cum libellus, de quo dixi, cui titulus INTERIM  
quem nonnulli sphingem, nonnulli chymeram ap=   
pellant, monstrum cerre fuit horrendum, fuisse in  
comitjs Augustanis, anno M. D. XLVIII.  
lectus, non dico perfectus, sed cum pauca quædam  
eius verba lecta fuissent (nota est historia, quā multi  
non libenter audiunt, cum recitatur, ne in memori-  
am hominum reuocetur, quo artificio penè oppres-  
sionaliquando fuerimus) is mansit aliquandiu penes  
Asotum, qui in plerisq; locis eum inuertit, suo mo-  
do, atq; corruptit: cum vero non attigerit locum, in  
quo calix laicis concedebatur, ergò probauit quæ  
non expunxit: vt placet hoc genus collectionis?  
A TH. Quid ni placeret? Sed Osius patronus, seu  
curator Asoticus abs te primum quæreret, unde  
scias libellum fuisse corruptum? HIL. Responde=   
rem, à bonis & grauibus viris, quibus licuit eum  
legere, antequam ad Asoticos ungues peruenisset.  
A TH. Quid si deinde peteret, vnde scias ab Asoto  
fuisse corruptum? HIL. Responderem, is fecit cui  
prodest, proderat monacho Asoto, ad auctupandam  
Paparum gratiam, si corrupisset, ergò is fecit. A T.  
Quid

Quid si Osius amplius urgeret peteretq; , quomo=do scias libellum in potestatem Asoti peruenisse: HIL. Quia propriè ad Asotum, qui tunc fuit à Cōfessionibus Caroli Quinti, pertinebat , eius Monstri curam habere , imo multi sunt in ea opinione, quòd Asotus libellum conflat , adiutus tamen ab illo præclaro triumuiratu , Flugo, Sidonio, & Isle= bio Agricola. Sed si plura adhuc Osius à me in hac causa peteret, ablegarem illum tum ad multos Prin=cipes , tum maxime Augustam Vindelicorum, vbi res gesta est, & quotquot sunt aliqua autoritate viri affirmabunt, verissima esse quæ dixi. Quin causam quoq; adducerent , quamobrem Carolus V. Aso=tum loco amouerit & proiecerit à se. A T H. Quam causam adducerent: HIL. Quòd Asotus perpetuò & importunissimè in auribus Cæsar is instillaret, & latera eius urgeret , eum saluum fieri nullo modo posse , nisi omnes Lutheranos gladio absumeret. A T H. Memini me idem à grauissimis uiris sæpe audiuisse, quanquam alia quoq; causa affertur, quòd scilicet Carolus V. præsensisset Asotum effutiuisse nonnulla , quæ in Confessione ipsius Cæsar is audi=isset, & puto utrancq; esse veram : sed digressi vide=mur à libro Osiano. HIL. Minimè gentium, om=nia enim hæc pertinent ad detegendam incompa=rabilem impietatē & pertinaciam Osij, qui nec Cæ=saris, nec Papæ , nec Cardinalium , nec aliorum vi=rorum, quos ille maximi facit , autoritate permoue=

P tur,

DIALOGVS TERTIVS

tur. At in quo demum articulo? Certè in eo, qui  
multo minus potest à Papistis defendi, quām qui-  
uis alius ex controuersis. A T H A. Facit ad rem,  
non nego, ut facit etiam, quod de Asoto, quem O-  
sias tantopere admiratur, attigimus; sed dic mihi  
Hilari, potes ne mihi indicare, quid iste de Concilijs  
scribat: HIL A R. Possum, ait in summa, omnia es-  
se sacrosanctissima, nos autem reiçere, quicquid illa-  
, statuerunt, audi eius verba. Quicquid a sanctis pa-  
, tribus traditum, quicquid Conciliorum autoritate  
, cōstitutum, quicquid incredibili totius orbis Chri-  
, stiani consensu, tot seculis est receptum, id tanquam  
hominum cōmentum reiçci voluistis. A T H. Falsa  
omnia, Proh Nefarium criminatorem Osium: Non  
enim reiçimus promiscue quicquid Patres, quic-  
quid Cōcilia, quicquid Christiani orbis cōsensus in-  
uexerit, imo multa quæ sunt in Patribus reuerenter  
suscipimus, & multo sunt plura ea, quæ suscipimus,  
quām quæ reiçimus, ut suscipimus etiā multa à Cō-  
cilijs cōstituta, & à Christiani orbis consensu cōpro-  
bata. Sed duntaxat reiçimus, quicquid alienum à  
uerbo Dei inuestum fuerit, siue à Patribus, siue à  
Concilijs, siue à toto terrarum orbe, siue ab Angelis,  
siue ab Apostolis fuisset inuestum, quod ita nos di-  
uinus Spiritus per Apostolum moneat, vbi inquit,  
, Si Angelus è cōelo, aut nos, nosti reliqua. HIL Iste  
omnino cōtrà. Cum enim Euangeliū habeat, BI-  
BITE EX HOC OMNES, homines autem  
nescio

nescio qui mitrati et laruati, sedentes in Conciliabulo Basiliensi & Constantiensi, effutuerint hæc verba: Licet Christus instituerit sub vtracq; specie, tamē hoc NON OBSTANTE (sic enim prorsus, diserte derogant mandato Christi) statuimus, ut cōtrarium fiat: Eccè, diuinus Spiritus monuit, neq; Angelis, neq; Apostolis Iesu Christi licere, contrā mandatum Christi, quicquam statuere, sed anathema esse, qui securus statuissit, isti contrā feriunt enim anathemate, et in ignem coniūciunt eum, qui Christi institutionem prefert ordinationi hominum, & quorum demum hominum carnalissimorum et crudelissimorum. Sint quidē quanta volueris sanctitate & virtute, nunq; licebit eis, nunq; à Christi institutione, vel latum vnguē, ullam ob causam, discedere: sed quales Patres, quales laruæ, in Conciliabulo Cōstantiensi fuerint, apparet ex multis quidem, sed principiū ex ea condemnatione, quā tulerunt in Ioan- nem Hussium & Hieronymum de Praga, quos ad se, sub fide publica (si Dñs placet) vocatos, in teterimum carcerem illico condiderunt. O venerabiles Patres: post annum verò, cum vidissent illos tenebris, squalore, inedia, & frigore benè fuisse maceratos, & excarnificatos, audierunt quidē pro se dicentes, sed tanta impatientia & indignitate audierunt, quanta testatū reliquit suis literis Poggius Florētius, homo Papista, ne quis forcè putet ē nostrisibus eū fuisse, cū illos martyres Christi sumōpe laudet, &

P ij durissi-

DIALOGVS TERTIVS.

durissimè cum illis actum fuisse demonstret, deinde  
de flammis crudelissimè vtruncabsumpserunt, ad  
hunc ne modum celebrantur Concilia? In istis ne  
præsidet Spiritus sanctus? Ista ne præfert Osius cla-  
ro & aperto verbo Dei? Quod nam autem clarum  
& apertum dicendum erit, si hoc nō erit, BIBITE  
EX HOC OMNES? & apertum esse fatetur  
Decretum ipsum conciliare, in quo ita habetur (ut  
modo dixi) licet Christus instituerit sub VTRA=  
QVE specie: sub utræq; inquiunt, Christum insti-  
tuisse, imo fatentur quoq; in Primitiva Ecclesia fu-  
isse usum duplicitis speciei, tamen hoc non obstante  
contrarium decreuimus. O elegantes homines! Cur  
autem contrarium decernitis? Quia, inquit Osius,  
institutio Christi, tacito quodam consensu totius  
Ecclesiæ Catholicæ, fuerat abrogata. A TH. Dicit  
hoc Osius: HIL. Audi num dicat, & quidem diser-  
tissimè: Ex quo tempore, Germaniæ pars, que nobis  
est vicinior, Christi recepit Euangelium, ex eo usus  
utriuscq; speciei, tacito quodam consensu totius Ec-  
clesiæ, fuisse videtur abrogatus. A TH. Miseret me  
hominis, qui cùm legerit apud iureconsultos, leges  
ciuiles, tacito cōsensu omnium, per desuetudinē ab-  
rogari, idem putat potuisse fieri de institutionib. &  
preceptis Christi, o preposteri iuditij hominē. Quid  
potest magis blasphemum dici? Verbum enim Do-  
mini manet in æternum, non potest præscribi, non  
potest abrogari, nec tantillum mutari, necq; ab An-  
gelis

ff. de legi-  
bus, L de  
quibus.

gelis quidem, aut ipsi simet Christi Apostolis (ut mo-  
 do diximus) cur ergo possit ab istis Osijs: HIL. Sed  
 misereat te eorum Patrum quoq; , qui in Concilio  
 Constantiensi & Basiliensi fuerunt; Nam licet hi mi-  
 nimè vitantur eisdem prorsus verbis, quibus vtitur  
 Osius, quòd scilicet tacito quodam consensu homi-  
 num, possit abrogari mandatum Christi, tamen idē  
 prorsus pronuntiant, en tibi verba. Cum huiusmo-  
 di consuetudo (de danda scilicet vna duntaxat spe-  
 cie) ab Ecclesia & sanctis Patribus rationabiliter in-  
 tructa, & diutissimè obseruata sit, habenda est pro  
 lege. Et totidem uerbis agunt Basilienses quoq;  
 quid attinet recitare. A TH. Miseret me eorum  
 quoq; sed magis Osij, qui incidit in magnam lucē,  
 & fœlicitatem scripturarum, & tamen usq; adeò ce-  
 cutit. Sed cum isti Patres Osiani recipiant atq; ap-  
 pellent rationabilem atq; laudabilem eam consue-  
 tudinem, quæ fuerat inuecta contra tam apertum  
 verbum Dei, ablego illos ad eorummet Canones,  
 qui sunt in decretis, dist. 9. in omnibus enim illis cō-  
 tinenter, & sunt decem numero, clarissimis verbis  
 pronuntiatur. Non debere consuetudinem rationi  
 & veritati præferri, Abolendam esse consuetudi-  
 nem, quæ est veritati contraria, Dixisse Christum  
 ego sum veritas, nequaquam ego sum consuetudo,  
 Consuetudinem sine veritate errorem esse, verita-  
 tem ualere, inualescere, & in æternum uiuere, Chri-  
 stum solum audiendum, & non debere nos specta-

P iij. re quid

DIALOGVS TERTIVS.

re quid aliquis antè nos faciendum putauerit , sed  
quid primus, qui antè omnes est, Christus fecerit, &  
multa huiusmodi præclara , modò ab illis seruaren-  
tur, In summa latissimum cāpum, in quo aduersus O-  
sium excurrat, habiturus est, qui prouintiā suscepere  
respondendi, in hoc præsertim articulo. Sed redeo  
ad id, quod modo interrogaram, obseruasti ne quo-  
modo is definiat concillum, cui credi oporteat: H I L.  
Antequam de hoc respondeā, quælo, sine me unum  
adhuc atq; alterum locum ex eodē Dialogo afferre.  
**A T.** Affer quicquid vis, audio. H I L. Osius est in  
numero superstitionis morum illorum hominum,  
qui nullo pacto ferre possunt, ut Biblia in uernacula  
linguam uertantur. A T H. Bonum ingenium  
narras, & verè Episcopale. H I L. Multò minus, vt  
in templo, cùm preces fiunt, aut officia ( vt ipse vo-  
cat) diuina peraguntur , sonet vlla vox vernacula:  
satis enim esse putat , si verba diuinorum scriptura=rum  
aures nostras, licet obscura et non intellecta, fe-  
riant. A T H. Apostolus longè aliter sentit. i. Cor.  
14. cui oportet nos credere , Paulo ne, an isti Osio:  
**H I L.** Mirè cauillatur contrà locum Pauli , & de-  
mum dicit licuisse Ecclesiæ id, quod Paulus docuit,  
mutare. A T H A. O ineptum, imo blasphemum  
hominem. H I L. Sed aliud audi etiam absurdum  
atq; blasphemum , Si , inquit , creditum est à genti=  
bus , quod quædam carmina , quas præcantationes  
appellant, quibus istud artis est , insulrantes , no=  
minibus

minibus quibusdam compellatis , quæ nec ipsi quidem , qui inuocant , norunt , ex solo vocis sono uel sopiantur serpentes , uel etiam de cauernis pertransi hantur abstrusi . A T H A . Iesu , Iesu , quid audiamus . Ergo Osius vult , ut imitemur quod fecerunt Ethnici , nō quod Paulus docuit , atq; ut per sonum sacram Scripturarum non intellectarum popellus incantetur , ut incantantur serpentes : H I L A R . Rem tenes , quare non recito reliqua quæ hic subiungit Osius , sed alibi sic ait : Angeli assistentes in conspectu Domini , & videntes faciem eius , libenter & gratae accipiunt , si semper verba scripturæ , & horum nominum appellations veluti carmina quædam & præcantationes ex nostro ore promamus . Et paucis interiectis : Si ergo vides , o auditor , aliquando legi scripturam in auribus tuis , quam non intelligis , & sensus eius tibi videtur obscurus , interim scias te hanc primam suscepisse utilitatem , quod solo auditu , velut præcantatione quadam , noxiarum virtutum , quæ te obsident , & quæ tibi insidiantur , virus depellitur , & fugatur . Obserua tantum , ne efficiaris , sicut aspides surdæ , & obturantes aures suas , ne auditant voces incantationis & veneficij . A T H A . Iesu , Iesu , iterum exclamo , plenus magno stupore : Nam video istum omnino putare , uerba diuina non intellecta , in templo pronuntiari pro incantatione , & pro

DIALOGVS TERTIVS.

& pro beneficio, an in eum usum fuerunt nobis dicitur  
Dei descriptio: HIL. Teget se autoritate Origenis, qui ad eundem modum videtur sentire, cuius  
etiam uerba recitauit. A TH. Quasi Origenes, in  
ea duntaxat re, fœdissimè lapsus fuerit, an non nosti  
Hieronymum Origenis multos errores acriter in-  
sectatum fuisse: ergo solet sæpe & grauiter errare.  
HIL. Non est dubium, quin hic quoque errauerit,  
Sed Osius, ut est prauus iudicij, in eo potissimum O-  
rigenem sequitur, in quo errauit, Sed audi hæc  
quoque, Si non promendæ sunt, vel non audiendæ  
precatio[n]es, nisi quas intelligas, quid ex eo conse-  
quetur aliud, quam nullum fore in Ecclesia Dei  
Psalmorum usum, quos David conscripsit? Quo-  
tum quemque enim reperies, etiam ex doctioribus,  
qui sententiam eorum assequatur, quacunque tandem  
lingua promantur: Hactenus Osor, qui magna  
contumelia afficit Spiritum sanctum, & Davidem,  
cum dicat eum dedisse Ecclesiæ Psalmos, qui non  
intelligantur, sicut alibi vociferantur isti sermonem  
diuinum esse ambiguum, velut Sphingos ænigma-  
ta. Nō diffitemur pleraque in Psalmis esse, paulo ob-  
scuria, sed multò maxima pars, si à doctis & piis  
viris fuerit diligenter, in vernacula linguis, con-  
uersa, etiam à vulgo plane intelligi, & cum dulcis-  
sima consolatione & magno cum fructu legi & de-  
cantari videmus. A TH. Omnia inepie & stulte  
ratiocinatur Osius, si non promouendæ sunt vel  
non

non audiendæ precationes, nisi quas intelligas, nullus futurus est in Ecclesia Psalmorum usus, quod pauci eos intelligant. Quorsum ergo putat esse à maioribus institutum, ut decantetur in Ecclesia res obscura & non intellecta? HIL. Quorsum? nonne audiisti modo, ut talibus præcantationibus, & ueneficis populus præmuniatur à noxijs & veluti incantetur? A TH. Vnde incantatur & dementatur ab istis nugis & præstigijs Osiatis, HIL. Audi que sequuntur: Habemus, in linguam vernaculam conuersam orationem dominicam, quam multos autem inueniri putas, qui vel tertium illius verbum, saltem ad literam intelligant? certe ex imperita multitudine vix centesimum quemque, vt interim de sensu taceam, Quis non videat Osium liuore & odio hic latrare, ut diffamet usum vernaculæ linguæ in precibus? A TH. Unica duntaxat ratione posset excusari, si quis videlicet diceret orationem Dominicam non fuisse diligenter & verbis perspicuis in linguam Polonicam conuersam, si enim fuerit recte conuerta, falsissimum est, vt nec tertium verbum, saltem ad literam, intelligatur, HIL. Statim subiungit: Apud Russos, neque græcae, neque latinæ linguæ in sacris usus est. Nunquid autem, quæ pronunciat sacerdos è populo qui quis intelligit? plerique ne sacerdotes quidem ipsi, nemo tamen apud eos quiritur, officia diuina, lingua non intellecta decantari. Expende Osiaticum argumentum, Russi non que-

Q runtur

DIALOGVS TERTIVS

runtur officia diuina, lingua non intellecta, decantari, ergo male faciunt reliqui populi, qui cuperent ea decantari tali lingua, quæ posset ab ipsis intelligi. ATH. Hoc perinde est, ac si quis diceret, Varmensis Episcopi Dioecesani libenter versantur in illis te-nebris, in quibus ab Osio continentur (exceptis tam Elbingensibus, ut sunt boni viri) ergo reliqui Poloni non deberent desciscere (ut faciunt indies) à Papatu. Mirum certè istum Mitratum non pudere tam putida literis mandare, quo demum seculo ilustri certè Euangeli lumine, & pererudito: perge de vernacula lingua ex Osio, si quid habes. HIL. A. Pergam. Narrat Sclauicam linguam plus etiam, quam quartam Europæ partem cōplete: Hac enim, uti Bohemos & Morauos, & Cassubos, & Russos, & Moschos, & Suetios, Dalmatas, Boznenses, Croatas, Rascianos & Serbos. Hactenus uerè, nisi quod non omnes adhuc recenset populos, qui Sclauica lingua utuntur, Recensentur ferè omnes à Generoso Domino Sigismundo, summa prudentia & virtute Barone ab Herberstein, in commentarijs rerum Moschouitarum, Mox ait Osius, istas nationes uariare dialectis. Hoc quoq; uerè. Postremò inquit: Si voluerimus tam multas & varias translationes diuinarum scripturarum adornare, quæ omnibus ipsis nationibus satisfaciant, vix rectè pruideri poterit, quis enim præstabit, si sua quæq; ḡes dialecto sacras prectiones, & lectiones versas habuerit,

buerit, ut nullus error in vertendo committatur? Hoc inepte & calumniose, & à sentinis Ecchiani mutatum (is enim simile nescio quid) necq; enim totidē versiones essent curandæ, quot sunt Sclauicæ linguæ nationes, cùm sint tam multæ, & varient reuera dialectis, sed quemadmodum in Germania, in Italia, in Gallia, in Hispania sit, attemperandæ essent versiones, ea scilicet dialecto, quæ communior est, ut multis simul vna versio posset satisfacere, quod non esset valde difficile factu. Deinde quod Osius ait de periculo, ne quis error in uertendo committatur, ergo esse à versionibus abstinentium, prodit se, quod timeat, ne populus Sclauicus, si legerit, aut audierit Biblia, intelligat se hactenus suisse ab Rasis & Vnctis enormissimè deceptum. A T. Posset ne ferre, quod credas, Osius, vt Biblia in Sclauicam ling= uam verterentur, iuxta veterem & vulgatam ver= sionem, quæ Papistis est in vsu, optima fide, ita, vt nullus error, ut ipse intelligit, committeretur: HIL. Nihil minus, audi quid dicat: Est vsu compertum . versiones istas literarum sanctorum in lingua gen= tis alicuius vernaculae, multum Ecclesiæ Dei in= cōmodi attulisse. A TH. Debuerat dicere, Ecclesiæ Paparum, nā huic multum reuera imcōmodi attule= runt, vt vicissim plurimum cōmodi Ecclesiæ & glo= riæ Iesu Christi. Sed cùm necq; hoc possit ferre, quor= sum attinebat dicere, non posse commode fieri tot versiones, & metuendos errores, si fierent: HIL.

Q ij Rem

## DIALOGVS TERTIVS.

Rem percepisti, hoc ipsum volebam dicere de Osio,  
qui delirat nugatur q̄ extra causam, vt suis est mos,  
Sed audi reliqua, Eccius, in loco communi penul=  
timo, garrit nescio quid de Hieronymo, ex cuius  
impetrazione, Missæ fuerint Sclauica lingua cele=bratae. Fabulam narrat, Nam longe post tempora  
Hieronymi, nim̄rum ante sexcentos duntaxat an=nos, tempore Methodij & Cyrulli, qui Morauiam  
ad fidem Christi adduxerant, cæptæ sunt Missæ  
Sclauorum lingua peragi. A TH. Quid tibi nunc  
cum isto inepto Eccios cur adducis? HIL. Mane &  
videbis, Eccius itaq̄, post illam fabulam, sic ait: At  
gens huius linguæ dudum cessit suo priuilegio, &  
se latinæ conformat Ecclesiæ. A TH. Mihi videris  
negare: Nam capite abnuiss? HIL. Sic est, nego con=stanter, Gens huius linguæ minimè cessit suo priuilegio (si modo id fuit priuilegium) & minimè se  
conformat latinæ Ecclesiæ. A TH. Certò ne scis?  
Audistin tu Missas Sclauica lingua? HIL. Verge=rius, primum habuit in Illyria, Modrusiæ scilicet,  
deinde patriæ suæ Episcopatum, qui est in Italia,  
nēpē citra Arsiam fluuum: Nam ibi nunc est Italizæ  
terminus, qui aliquando fuit ad Rubiconē: à Ver=gerio itaq̄ sāpē audiui, quod in utrāq̄ diocesi Iusti=nopolitana & Modrusensi, Missæ alicubi latina,  
alicubi lingua Sclauica peragantur, ac non modo  
illic, sed in Carnia, in Carniola, in Croatia & alibi  
quocq̄, & est planè notorium. En tibi Eccij, quo O=  
suis,

sius tam s̄æp̄e vtitur duce & præceptore, in scriben-  
 do fidem; quales fraudes, qualia nugarum portenta  
 fuisset nobis obtrusurus, si de terris nuper repertis,  
 vel de Moschouitis eum verba facere contigisset,  
 cùm de istis scribens, quæ fiunt X V. ad summum,  
 dierum ab hinc itinere, non in quopiam angulo,  
 aut in tenebris, sed in ipsa ferè luce Italiæ, conatus  
 fuerit lectoribus imponere, quò crederent, nusquā  
 locorum esse vernaculæ linguae in Ecclesia vsum.  
 A T H. Cùm feceris mentionem Vergerij, quem  
 audio antè triennium cæpisse curare, vt in linguam  
 Sclauicam nouum Testamentum conuerteretur,  
 quomodo successit labor: HIL. Probè, iam nouum  
 Testamentum prodijt, iam Christus cum Sclauis  
 quoq; loquitur, Testamēto accesserunt, etiam Scla-  
 uice, aliquot Loci cōmunes, quin Postilla quoq; in  
 nomine Domini, autore P. Trubero. Sed audiam-  
 plius, quandoquidem ista versio seruiet duntaxat  
 Carniæ & Carniolæ, & vicinis quibusdam pro-  
 uintijs, Vergerius nunc est in opere, & curat uer-  
 sionem vtriusq; Testamenti, quæ ità sit dialectis at-  
 temperata, vt à reliquis quoq; nationibus Sclauicis  
 intelligi possit, saltem à præcipuis, atq; in primis à  
 Dalmatis. A T H. Quām iniquo animo feret Papa  
 cum suis Osij, vt doctrina filij Dei genuina & pu-  
 ra, ad tam multas nationes propagetur. HIL. Non  
 est dubium, quin iniquissimo animo latus sit, sed  
 cur nō succensuit Serenissimo Ferdinando Cæsari,

Q. ij. qui

DIALOGVS TERTIVS.

qui ante triennium iussit, non mediocribus sumptibus, excudi nouum testamentum characteribus & lingua Syriaca, quod Episcopo Ephesino dono misit, ut suis Diocesanis, & vicinis Episcopis communiceret: scis enim Syriacam linguam esse illic uernaculam, atque eam ipsam uernaculam, qua Iesus Christus, qua eius mater & virgo, qua Apostoli & omnes reliqui illic vtebantur A TH. Scio, sed multi prudentes viri suspicabatur, ne quid monstri aleretur, praesertim cum Io. Lucretius à Vidman editioni praesisset. HIL. Puto me scire rem totam, nam domi habui Mosen Meridinem, natione Syrum, qui è Roma fuerat Viennam accersitus, in hoc, ut editionem curaret. A TH. Quid ille: quemnam dicebat scripsisse lingua Syriaca nouum testamentum? HILA. Ignorare se aiebat autorem, sed codicem fuisse valde vetustum, nec dissentire ( saltem in re, quae fuerit alicuius momenti) à Græcis & Latinis editionibus. A T. Audiui tamen de nescio qua impostura, qua usus dicebatur ea in re Lucretius. HIL. Possum tibi de ea quoque. Ab eodem enim Mose audiui, Iohannem Lucretium, præter Euagelium Syriaca scriptum, habuisse seorsum aliquot folia, etiam Syriace, sed quae ipse Moses aperte videret fuisse non multorum annorum, Lucretium tamē ea quoque curasse excudi, vñā cum ipso Euangilio, testatumque fuisse in suis præfationibus, ea non multò post tempora Apostolorum scripta fuisse, A THA. Quid nam

nam erat in illis folijs: HIL. Index, qualem solent Papistæ affigere editionibus noui Testamenti, hoc est, quod nam fragmentum Euangelij debeat legi in die dedicationis templorum, in die mortuorum, in festo virginis, & aliquorum sanctorum, nugæ in summa. A T. Imo Sathanicæ imposturæ: Apostoli nè sciderunt & comminuerunt Euangelium in frustula & fragmenta: Apostoli ne aut de dedicatione templorum, aut de die mortuorum vñquam cogitarent: H I. Sic censuit Lucretius, addiditq; quatuor prefationes, benè Papisticas, in quibus de illo Indice, quasi fuerit non multò post tempora Apostolorum scriptus, prolixè differuit: scio, qui habuerit in animo contrario scripto se obsecere, sed cum Lucretius, statim post eā editionē, diē suum obiisset, amico meo nō visum fuit luctari cum laruis. A T. Habenda erat ratio viuentium, quos commonefieri, ut ab impostura cauerent, fuissent profecto operæ pretium, vtinam adhuc scriberet. H I. Fiet fortassis. A T. Si Osus in istum librum incidisset, haud dubiè voluissest vti eius autoritate. H I L. Quid nī: cùm aliorum quoq; librorum fictitorum atq; apocriphorum autoritate niti soleat. Illud miror, neminem ex Papisticis adulatoribus & propugnatoribus hactenus extitisse, qui adduxerit illum Lucretianum. Indicem versum ex Syriaca lingua, vel pro Purgatorio, vel pro Ecclesiarum dedicatione, vel aliquo huiusmodi articulo constabiliendo. A T H A, Fortassis eos.

DIALOGVS TERTIVS.

eos puduit. **HILA.** Non puduissest Osium, ut potè  
 quem nihil pudet, si modo in librum incidisset.  
 Nunc si uis, ad maiorem librum redeamus, sed ta-  
 men antequam ad id responderem, quod de Conci-  
 lijs petere institueras, vellem quod promisi exsolue-  
 re: promisi enim me locum ostensurum, ubi Osius  
& vsum nescio quarum vestium, quas sacras nomi-  
 nat, quib. scilicet vtuntur Missificatores, & multas  
 eorum gesticulationes, aliaç̄ ineptissima et blasphe-  
 ma laudat & mordicus nititur retinere. **A T.** Vsc̄  
 adeò parum timet, quod & missam & Papatum ab  
 radicibus ipsis ruente videat. **H I.** Timeat uero, imo  
 audacior & arrogantior est factus. Conqueritur er-  
 gó de Caluino quod plura abrogavit, quam Luthe-  
 rus, en tibi verba: Fecit quod adhuc à Lutherò &  
 sectatoribus suis factum non fuit, ut & sacras uestes,  
 cum res diuina fieret, & luminarium vsum, & cam-  
 panarum pulsum prorsus reijceret. **A TH.** Cur non  
 addidit, O rem indignam & detestandam, aut ali-  
 quid huiusmodi, ut solet esse importunus exclama-  
 tor, quanto autem verecundius & grauius fecisset,  
 si in tanta luce Euangeli, istas nænias dissimulasset?  
**HIL.** Aut saltem, si non alias effutiuisset multò ma-  
 iores, quales nunc perstringam, Nostis sacrificulum  
 solere, ante altare, vti plurimis illis gesticulationi-  
 bus & consignationibus, præter multiplices illas  
 uestes, quas noster Osor sacras appellat: quia fue-  
 runt respersæ aliquot guttulis aquæ lustralis, aut  
 falsæ.

salsæ. Osius ergo, veluti in contemptum & contumeliam patris cœlestis, qui, missa Euangelijs aurora, laruam detraxit istis hypocritis, patefecitq; ridiculas ipsorum superstitiones atq; nugas, celebrandum si- bi putauit, pro re grauissima & sacrosancta, totum illum habitum atq; ornatum, totamq; illam iocula- rem actionem seu gesticulationem sacrificiorum, Ait enim Missificatorem esse ministrum reconciliatiōis inter Deum & homines, quam non mo- dō verbis prædicat, verum etiam habitu, & actione repræsentat, ac, quemadmodum ea facta sunt in cru- ce, sub aspectum astantis populi subiicit, atq; omnia facit, vt fidei suæ commissus populus reconcilia- tionis in cruce factæ fructum consequi possit. A T. Vix putassem esse tam ineptum & tam leuem, qui ingereret nobis leuicula ista & putida, eo potissi- mum tempore, quo agitur de summa rerum, hoc est, de Rom. meretrice funditus perdenda, non mo- dō de cincinnis decq; fuco eius abolendo. Sed cum stulte dicat, sacrificium suo habitu, suisq; gesticula- tionibus repræsentare Christum in cruce penden- tem, ideoq; ista esse instituta, vt populus reconcilia- tionis factæ fructum consequi possit, quotum quemq; reperiet Osius in populo, imo in grege ip- so sacrificiorum, qui intelligat illam mutam trage- diam: HIL. Ostendam tibi mox Athanasi locum, in quo iste noster ineptus adducit autoritatem li- bri, cui titulus PONTIFICIALE. ATHA.  
R. Monstro-

### DIALOGVS TERTIVS

monstrofissimi illius Romani; HIL. Illius protus, ubi tanquam ex Stygia palude, scatent fœtidissimæ ineptiæ, atq; horribiles blasphemiae. Quocirca miror non adduxisse hoc in loco nominatim alterius perridiculi blasphemiq; libri autoritatem, cui titulus RATIONALE DIVINORVM officiorum, cum in eo reddatur ratio omnium istarum nugarum & næniarum, quas hypocritæ ad obruendam & sepeliendam piam doctrinam somniarunt, & Missæ inseruerunt; quanq; si non adduxit nominatim, apparet tamē ex ea sentina multa eū hausisse, & pro suis recitasse: Nā alibi quoq; hoc facit & secum disputat, cur sexta feria à delicatioribus cibis abstinendum esse iusserit Rom: Ecclesia, cur die dominica corpora largius reficienda. AT. O grauitatem Osianam, H I. Cur oleo crismatis admisceatur balsamum, & alia huiusmodi, nec tamē sentinæ meminit, vnde hausit. Sed ad mutā fabulā, scis illius nostri historiā, esse sude, in istorum oculis, potissimum quia nō raro histrionicas illas ineptias, modo ex professo, modo obiter atq; aliud agens bellè falseq; perstringit, vt fecit alicubi de ista muta fabula. AT. Novi illum locum, quo plurimum delector. Sæpè volui ingerere quibusdā hypocritis, quos ita vidi furere, vt penè discerpserint librum, cum viderent se illic graphicè atq; ad viuū depictedos. Sine ego recitē, HIL. Recita obsecro. AT. Ingens autem erat hominem cōcursus, maximè iuuentutis, nā his omnibus nouum erat spectaculum & inauditum, multos ibi raso

Iaso vertice, nouo genere vestitus, cātare simul quæ e  
nemo intelligat, cēreos atq; lampades ardere in ipsa, e  
quod dicit, meridie, fumigationes atq; fuffitus exci-  
tari thuribulis, Sacrificum astare cum ministris ad a-  
ram, pronuntiare omnia sermone peregrino, varijs e  
vti geniculationibus atq; gestibus, inclinari strictis e  
manibus, modò distendere, modò reducere brachia, e  
subinde sese conuertere, nunc esse clamosum, nunc e  
magno silentio quædam demurmurare, suspicere in e  
altum, esse prouum, consistere nō vno loco, nunc in e  
dextrā nunc in leuam partem altaris comigrare, mi-  
care digitis, inhalare in calicē, eumq; tollere in sub-  
lime, postea reponere, certis locis nominare, nunc e  
vios, nunc mortuos, panē azymum frangere & in e  
calicem imittere, pectus ferire pugno, suspirare, clau-  
sis oculis representare somnum, rursus expurgisci, e  
manducare partem vñā panis, alteram haurire cum e  
vino totā, ne qua guttula remaneat, abluere manus, e  
patellam deauratā auersum, extenso brachio, demon-  
strare populo, admouere eandem frōti atq; pectori, e  
deosculari nunc imagunculam, materiæ vel metallo e  
inclusam. Ista igitur iocularia & blasphema, quod  
peius est, audet in tanta Euangelij luce, noster Osius  
defēdere & celebrare (si Dīs placet) O iudicium, an  
putat hæc quoq; esse ex traditione Apostolorum?  
**HIL.** Sed audi, vt multò pluribus alio in loco agat  
de istis verè mutis fabulis. Ea quæ per chartam e  
& atramentum Prophetæ scripserunt & Apostoli,

R ij Ecclesia

DIALOGVS TERTIVS.

Ecclesia non modo, viua voce, suis tradit liberis, ver  
rum etiam dierum obseruatione, Signis, Simula  
chris, Habitū, Gestu siue actione sacerdotum, prae  
cipue Sacris operantium, ac vario rituum ac cære  
moniarum genere, quasi præmansum infantium o  
ri cibum inferere cupiens, prijs omnibus quælibet  
imperitis inculcare conatur. A TH. Valde ergo ru  
des Apostoli fuerint oportet, qui cum de prædicant  
do, per vniuersum orbem, Euangelio mandatum  
habuissent, nunquam potuit illis in mentem veni  
re de isto veluti præmanso imperitorum ore inse  
rendo. Nunquam enim signis, nunquam simula  
chris, nunquam vlo speciali habitu, aut gesticula  
tionibus ( quemadmodum neque vllis Missificatio  
nibus) representarunt populis, quod in Prophetis  
legissent & à Christo didicissent. O Leuiculum O  
sium, qui in tanta vndique erumpente ( quod libet  
centies repeteret ) luce Euangeli, fretus nescio qui  
bus verborum, illecebris atque sophistica, adhuc spe  
rat, se posse nobis persuadere, vt reuocemus vsum  
istarum næniarum. HILA. Dic blasphemiarum:  
Nam Spiritus sanctus diserte in scripturis condem  
nat obseruationē dierum, imagines & statuas, quæ  
in templis ad cultum atque ad orationem prostent:  
& tamen Osius istam dierum obseruationem, etiam  
alio in loco, veluti sacro sanctam & valde utilem Ec  
clesijs celebrat, vt vsum etiam imaginum & statua  
rum quoque. Audi eius verba. Quo tenacius infigi  
possit

possit mentibus mortaliū beneficium mortis Christi, deinde resurrectionis eius, Ecclesia statuere voluit, vt sexta feria abstineremus à cibis delicioribus, quasi compatientes Christo pro nobis passo & mortuo. A T H. Magna reuera parumq; dissimilis passioni Christi & nostra passio, si per totā septimanam, vno atq; altero prandio à carnibus abstineamus. Nihil potest dici insulsius. **HIL.** Audi reliqua, Deinde, vt die Dominica corpora largius reficeremus recrearemusq;, quia gauisi sunt discipuli viso Domino. A T H. Putat ne eos tunc largius refecisse & recreasse corpus delicioribus ferculis? O iocularem hominem. Et cum dixerit sexta feria à cibis delicioribus abstinentiam esse, est quod valde miremur, hominem alioqui superstitionissimum nō diserte dixisse à carnibus abstinentiam. Profectò haud placebit hoc Papis: Videtur enim sentire non habendum esse delectum ciborum, cum quis ieuniat, sed satis esse, si minus delicatis cibis vescatur. **HIL.** Quod verò ad statuas & imagines attinet, Osius adducit nescio cuius cōcilij decretum, in quo elegantes aliqui Patres ausi fuerunt pronuntiare, ex Traditione Apostolorum, esse habendas in templis imagines & statuas Christi & sanctorum, quæ ad cultum atq; adorationē prostent: Quin etiam templo eorum inuisenda & sepulchra & reliquias, ex quibus morborum sanationes emanant. A T. Proh Deum immortalē, h̄c quoq; imo h̄c potissimum

DIALOGVS TERTIVS.

vtamur nostro dicto intercalari, in tanta luce Euangelij, post tot doctissimorum hominum elucubratiōnes atq; disputationes, adhuc audet iste tam futilia, & tam blasphemā ingerere. HI. Diceret trecentos & amplius Patres in concilio legitimo cōgregatos, hoc est, Spiritum Sanctum ipsummet ad eum modum affirmasse, q; scilicet Apostoli viua voce docuerint, imagines in templis ad cultum atq; adoratiōnem collocandas esse, & templa & sepulchra et ossa & vestes sanctorum colendas: Ergo nō posse negari, quin sit verissimum. A TH. Responderem, summam et corpus ipsum doctrinæ Christianæ prorsus repugnare, & historias non Apochriphas, quæ de Apostolorum temporibus scriptæ ad nos peruenient, Quare decretum Concilij, quod recitat, nō fuisse Spiritus Sancti, sed carnalium hominum decretum: quia à doctrina Spiritus Sancti & à veritate dissentit. H IL. Diceret, concilium legitimè congregatum non posse errare. A TH. Responderem non posse errare, si sequutum fuerit sensum Spiritus Sancti, sed cùm possimus videre & palpare hoc, quod recitatum est, non fuisse sequutum diuini spiritus sensum, habeat sibi Osius & iactet sua concilia quantum voluerit, nos à talibus abhorremus, toto pectori. Sed quod ad imagines & statuas attinet, obseruasti ne, an Osius id quoq; approbet suo calculo, vt à Mitratis benedicantur, aut consecrentur, antequam in altaribus ad cultum & adorationem collocentur:

centur: HIL A. Nullibi hoc expresse, sed possem  
irrefragabili argumento statim docere, quod Osius  
statuarum quoq; atq; imaginum C O N S E= P R I M A  
C R A T I O N E M suo calculo approbet.  
ATH. In tanta luce Euangelij: HIL A. In tanta  
luce Euangelij. ATH. Proba obsecro. HIL A. Ea  
consecratio aut benedictio extat in libro illo putis-  
dissimo, quem vocant P O N T I F I C A L E,  
Osius hunc approbat, Ergo statuarum atq; imagi-  
num consecrationem approbat, qua nihil potest ex=  
cogitari execrabilius: Nam inter alias blasphemias,  
quibus vtuntur Episcopi cōsecrantes, hæc vna est.  
(audi Pontificalia verba & valde rudia.) Qui=  
cunq; hanc misericordiæ Reginam, gratosissimam •  
Dominam nostram, coram hac effigie, suppliciter •  
honorare studuerint, & de instantibus periculis e= •  
ruantur, & in conspectu diuinæ Maiestatis tuæ, de •  
commissis & de omissis veniam impetrent, atq; •  
mereantur in præsenti gratiam, quam desiderant a= •  
dipisci, in futuroq; perpetuā saluationē cum electis •  
tuis valeat gratulari, Quid ais Athanasi: A T. Aio;  
hanc esse cōpendiariam viā ad impetrandas gratias,  
impetrandā remissionem peccatorum, impetrandā  
deniq; vitam eternam, si quis aliquam Diuæ virgi-  
nis effigiē vel accensa candelula, vel preculis suppli-  
citer honorauerit, aut fortassis etiā tabella aliqua ap-  
pensa, vel corolla, vel cingulo, vel veste aut torque,  
aut anullo; hoc enim Papistæ appellant honorare.  
Sed velim recites verba, quibus Osius Pontificale  
laudat.

DIALOGVS TERTIVS.

• laudat. HIL A. Eastatim audies, sine prius recitem  
• quæ præcedunt. Quòd si liber extaret, quem Ignatius scripsisse de traditionib. Apostolorum narrat  
• Eusebius, inde certò certius, ita rem se habere cogitare noscere liceret. A TH. Subsistit obsecro. Quia de re agit, quæ certò certius constaret, si Ignatij liber non interiisset: HIL A. De benedictione olei & aquæ Baptismatis. A TH. Desinant ergo eam usurpare, dum liber Ignatij, ex quo certò certius de eo constaret, in lucem alicundè prodeat. Quamuis, si prodiret, fictitius quispiam prodiret Ignatius, ut fictitius est Clemens, Dionysius & alij quidam. Nenio enim nisi fuerit crassus papista, & Osor Spiritum habuerit, persuadere sibi poterit, Apostolos Iesu Christi vel oleum Chrismatis, vel fontem baptismatis benedixisse. HIL. Deinde subiungit, Porro qua forma consecrari solitus fuerit vel fons Baptismatis, vel oleum Chrismatis, non satis constat ex veterum scriptis. A TH. Mirum, perisse eam formulam, si fuit ab Apostolis tradita: valde oscitantes fuerint oportet Apostoli contemporanei, & qui paulo post in regendis Ecclesijs successerunt, cum tanti momenti, tamq; necessariam rem (ut ipsi iactant) non custodierint, sed passi fuerint interire, ita, vt alia quædam, haud multis ante annis fuerint concinnanda. HIL. Quis non videat ex his, quæ adducit Osor, esse vanissimum, quod papistæ de istis benedictionibus somniant, quòd scilicet fuerint ab Apostolis traditæ:

tæ. Nā omnia, quæ ab isto adducuntur, ipse metuit  
 det, usq; adeò incerta esse atq; inania, ut demum co-  
 gatur dicere perissé nescio quem librum, ex quo co-  
 gnoscere liceret, rem ita se habere, ut ipsi nugantur,  
 quin addit (vt modò audisti) quòd ex veterum  
 scriptis nihil constet (ut reuerà non constat) de for-  
 ma, qua consecrari solitus fuerit, uel fons baptisma-  
 tis, uel oleum chrismatis, ideo subiungit: Audi, num  
 Pontificale disertè approbet, interea quæ nobis in  
 Pontificali Romano præscripta est, ea rectè va-  
 timur. A TH A. Omnitino approbat, proh pudor:  
 Quis enim ignorat, quām putidæ ineptiæ, qualia  
 deliria, quales magicæ diah. vlicæq; incantationes,  
 quām deniq; horrendæ idolomanie atq; blasphem-  
 iæ congestæ sint in illa tetricima sententia: HIL.  
 Imo crediderim multos adhuc ignorare, ut in ani-  
 mo habeam dare nunc excudendum mōstrosum il-  
 lum librum: Nunquam enim fuit in Germania ex-  
 cusus, quod sciā. Hl. Esset profecto operæ precium,  
 atq; in fronte, maiusculis literis, collocare Osij iudi-  
 cium de eo, quòd scilicet tam impudenter, in tanta  
 luce diuinæ doctrinæ, scripsérít. R E C T E vtimur  
 ista forma. H I L. Adhuc putidius aliquid habeo,  
 quo istum non puduit suos libros exornare, Scis  
 Papistas solere campanas baptizare. A T H. Iesu, an  
 hoc quoq; laudabit Osius: H I L. Mox audies, sed  
 sine prius tibi in memoriam adducam, quemadmo-  
 dum soleant baptizari, & regustabis delicias ex Pō-  
 S tificali

## DIALOGVS TERTIVS.

risicali. Lauant Episcopimēt, aqua salita acq̄ incan-  
tata, mox tergunt diligenter noua tella, deinde con-  
signāt semel oleo sanctō infirmorum, statimq̄ post  
consignationem, seu crucem factam, līntheo mun-  
do abstergunt, deinde eodem oleo septem cruces  
exterius faciunt, pollice dexteræ manus, in dorso  
campanæ, & quatuor interius, oleo chrismatis, pari  
distantia. A TH. Confirmantur ergo, ut pueri in  
fronte: HIL. Postremo (intermitto hic multa, ut  
imprecations & incantationes in primis, quæ illic  
sunt plurimæ, ne sim tibi tædio) turribulum sup-  
ponitur, in quo adoletur thus, myrrha, & thymia-  
ma, & necesse est, ut totus fumus recipiatur (sic dicit  
textus) à campana. A TH. Quæ nam erit magica  
impietas, si hæc non est: solent dicere, hoc genus  
cæremoniarum esse ex Apostolorum traditione.  
Sed cùm Apostolorum temporibus, nullus fuerit  
campanarum usus, qui admodum recens est, quo  
paeto defendent istas incantationes: HI. Hic nullā  
faciunt Apostolorum mentionē, sed Mosis dunta-  
xat. AT. Quid: putant ne Mosem usum fuisse cam-  
panis: HIL. Non, sed tubis argenteis, Dauidem  
autem Cythara, tubis uero & cytharæ successisse  
campanas, certè tubarum & cytharæ meminerunt  
in hac cæremonia. A TH. Dicunt fortassis Mo-  
sem tubam, Dauidem cytharam lauisse, vuxisse &  
suffitu curasse, vt isti Campanas: HIL. Non hoc  
dicunt,

dicunt, sed alia. A T H. Quæ nam non effugies,  
quin mihi hic dicas aliquid de verbis ipsis, quibus  
utantur Mitrati, cum suas campanas baptizant, oro  
te, dic, si in memoria habes. H I L A. Habeo, ad hunc  
modum precantur : vbi cuncti sonuerint huius va-  
sculi tinnitus, procul recedat uirtus insidiantium  
vmbra fantasmatum, incursio turbinum, percussio  
fulminum, laesio tonitruorum, calamitas tempesta-  
tum, omnisque spiritus procellarum, & cum clango-  
rem illius audierint filii Christianorum, crescat in  
eis deuotionis argumentum. A T H. Proh Deum  
immortalem, ista quoque, in tanta Euangelij luce, lau-  
dat Osius, putatque ex vi istius baptismatis, seu con-  
secrationis, tinnitus campanæ tam multa posse,  
præsertim augere in Christianis deuotionem. Cur  
ergo in singulis ædium culminibus non appen-  
dunt tales campanas, non modo in una atque altera  
turri, ut magis magisque augeatur deuotio ? H I L.  
Est & alia precatio, quæ sic habet. Quicunque ad so-  
nitum huius campanæ conuenienterint, ab omnibus  
inimici tentationibus liberentur in corpore, & à  
prauis cogitationibus mundentur in mente. A T.  
Prodest igitur sonitus Campanæ (dum sit conse-  
crata) ad comprimentam vel extinguendam libi-  
dinem ; H I L. Prodest (ut audis) Audi & tertiam  
precatiōnem. Dum huius vasculi sonitus transierit  
per nubila, Ecce si tuæ conuentum manus conser-  
uet angelica, fruges credentium, & corpora saluet.

S iñ prote-

DIALOGVS TERTIVS.

protectione sempiterna. ATH. Peto iterum an  
Osius ista laudet; HIL. Quid ni laudaret; ATH.  
Et laudat omnia ista, quæ recitasti de lotionibus, de  
oleo infirmorum, de oleo Chrismatis, de thure, de  
myrrha, de thymiamate, omnes deniq; has adiu-  
rationes atq; incantationes; HILA. Non recenset  
singula, sed ait campanas esse benedicendas, iuxta  
formam in Pontificali Romano præscriptam, Ec-  
quid non satis expressit: audi ipsius verba. Baptiza-  
ri campanas mihi inauditum est, benedicuntur qui-  
dem, iuxta formam in Pontificali Romano præscri-  
ptam, verum de Baptismo, ne verbo quidem ulla fit  
mentio. ATH. Reuerà satis expressit, cum ita scri-  
perit, o stolidum Apostopum. Sed quid hic de  
Baptismo dicat, non intelligo. HIL. Brentius in  
Prolegomenis exprobrat Asoto, quod Papistici E-  
piscopi baptizandis campanis, non legendis Bib-  
lijs occupentur; Nam sic alij antè illum loquuti sunt  
& nunc loquuntur, nempe campanas baptizari.  
Ideo Osius respondens, ait, inauditum mihi est ba-  
ptizari campanas, benedicuntur quidem iuxta for-  
mam in Pontificali Romano præscriptam, sed illic  
nulla est mentio de Baptismo. ATH. Nunc intel-  
ligo, litigat de verbo, non de re ipsa, bene est, cum  
quod maius sit negari non possit. HIL. Omnia  
de verbo litem mouit, Sic sœpè solet effugere & ter-  
giuersari, cum alias sentit se vrgeria Brentio. Sed  
cum ferè omnia, certè præcipua, quæ in Baptismo  
hominis

hominis adhibentur, adhibeantur quoq; in istis campanis seu baptizandis, seu consecrandis, seu sanctificandis, seu benedicendis, non litigemus de nomine, appositiè Brentius dixit, eas baptizari: unguntur enim oleo chrismati, perfunduntur aqua incantata & terguntur, ut nomina etiam illis aliquando imponantur, quæ inciduntur in illo ære, ut passim cernere est, & compatres etiam adhibentur, si non ex præscripta Pontificalis Rom. forma, certè ex Episcoporum baptizantium traditione & consuetudine. Quare cum Osius conqueratur de Brentio (queritur enim valde) qui chrismati oleo, nescio quibus verbis, iniuriam fecerit, profectò mihi videtur, quod Osius & reliqui Mitrati maiores iniuriam faciant ipso oleo, quam Brentius & reliqui nostri. A TH. Quia iniuria illud afficiunt Papistæ HIL. Qua: Ut illo ungant campanas, quanquam ungant etiam saxa & parietes, in Ecclesiarum scilicet et altarium Iudaica illa, qua tam sedulo utuntur, dedicatione sacrationeç. A TH. Quid respondet Osius Brentio, quem dixisti chrismati oleum perstrinxisse HIL. Virulenta quædam & fatua, more suo, Audi: Merito inuisum habent chrisma, quos Christianorum appellationis pudet: Nam Christiani nomen ducunt à Christo, Christus à chrismate, hoc est, ab unitione vocatur. Ne quid igitur habere commune cum Christo videantur, nihil magis apud illos abominandum est, quam ungi Chrysimate, quo

### DIALOGVS TERTIVS

& Reges & Sacerdotes ungi solitos fuisse, in Legē,  
manifestum est omnibus. ATHA. Egregie argu-  
mentatur, Reges & Sacerdotes, in lege, vngeban-  
tur Chrismate, ergo, tempore gratiæ quoq; debe-  
mus vngi, etiamsi Reges aut Sacerdotes ad eum mo-  
dum, quo illi fuerunt, non simus. Cur non etiam re-  
ctè circumcidis? Video deinde, quod virus spargat,  
nos scilicet nihil velle habere commune cum Chri-  
sto, Osceleratum Osium, imo, quia omnia nostra  
studia huc tendunt, ut cum Christo, non cum ho-  
minibus, præsertim Osiānis sit nobis negotium, ut  
Christum, non ut homines imitemur, volumus eo  
oleo perfundi, quo Christus fuit, non confecto scili-  
cet, sed diuino Spiritu, hoc sumus contenti, ranci-  
dum, & putidum relinquemus Osio, quo altaria,  
quo parietes, quo suas campanas, & non modo ma-  
nus & caput, sed etiam pedes & ventrem (si volue-  
rit) sui similiūm, hoc est, carnalium hominum inun-  
gant. HIL. Recte, sed audi hoc quoq; de Osio, qui  
omnia prorsus à Papatu inuecta vult mordicus tu-  
eri, qualiacunq; ea demum sint. Tu scis, quām, con-  
trā usum Apostolorum & veteris purioris Eccle-  
siæ, Papistæ soleant inuocare Christi matrem, quam  
faciunt reginam Cœli, quæ possit filio quæcunq;  
voluet imperare, ut nullus sit apud eos, conciona-  
tor, qui statim initio cōcionis non oret Angelicam  
salutationem, vel illi, si securus facheret, ea est præcipua  
notitia, qua dignoscatur, catholicus ne sit, an Luther-  
ianus.

ranus. Osios ergo non modo laudat, sed censet ad salutem necessarium, ut quis vna cum oratione dominica oret Angelicam salutationem. A TH. Ad salutem necessarium; HIL. En tibi eius verba; Itaque sciat is, quis de vulgo est, Dominicam orationem, Angelicam salutationem, Symbolum, Decalogum & nonnihil praeterea de Sacramentis, baptismi præsertim, poenitentiæ, & Eucharistiæ, alia eum nosse mysteria de necessitate salutis non est. A TH. Sic res est, in summa, ut sæpè diximus, istum esse longè omnium, qui pro Papatu scripserunt, superstitionis simum impudentissimum; HIL. At ne faciam illi iniuriam, si hoc reticuero, audi, Tametsi in his cōtra Brentium & Vegerium libris, hoc, quod audiisti, dixerit, neque vñquam faciat mentionem orationis Dominicæ, quin faciat quoque Angelicæ salutationis, ut crassissimi quicque papistæ solent, nihilominus in eo, de quo diximus, dialogo Dilingæ impresso, facit Dominicæ orationis mentionem, & ibidem de salutatione Angelica prorsus tacet, ita, ut ipsem in dialogo videatur condemnare, quod in maiore volumine probauit. Præterea, quod dicat esse de necessitate salutis, vt is, qui de vulgo est, præter orationem Dominicam, Angelicam salutationem, Symbolum, & Decalogum, sciat nonnihil de Sacramentis quoque, Baptismi præsertim, Poenitentiæ & Eucharistiæ, est valde obseruandum; Nam propria confessione se ipsum condemnat, iugulatque Ofor,

DIALOGVS TERTIVS.

Oſor, imo reliquos quoq; omnes Episcopos, qui  
ſunt in Papatu. ATH. Quiditā: HIL. Quia vix ex  
decē millibus vnum, qui de vulgo ſit, reperias, qui  
de Sacramentis quicquam norit, vnde licet aeftima-  
re, quanta ſit istorum Aposcoporum in curando  
grege fides & diligentia: Cum enim fateantur eſſe  
de necessitate ſalutis, ut popellus aliquid ſciat, etiam  
de Baptismo, de Pœnitentia, atq; de Euchariftia, ni-  
hil prorsus de his intelligit popellus, & non eſt du-  
biuſ, quin id fiat Episcoporum culpa. Postremo,  
in eo etiam hic errat Oſius, quod videatur ſentire,  
hominem, qui poſſit orationem Dominicam, An-  
gelicam ſalutationem, Symbolum, & Decalogum  
recitare, & non nihil præterea ſciat de Baptismo, de  
Pœnitentia, & de Euchariftia, iam eſſe extra pericu-  
lum, ne ſaluuſ fieri non poſſit. Quid ſi non fuerit iu-  
ſtificatus: an poterit aeternam ſalutem adipisci, quia  
quædam memoriæ mandauerit, potuerit q; aliquid  
de Sacramentis loqui? ATH. Non poterit, non in  
hiſ ſalus ſita eſt, tametsi deceat ea ſcire hominē Chri-  
ſtianum. HIL A. Iam licet tibi de Concilijs petere  
quod voledas, at boni conſule, quod tam diu in iſtis  
leuiculis ſim versatus: quid facerem: cum futilia &  
putida Oſius ingeſſerit, non poteram alia afferre, ſi  
debuiffem tibi morem gerere, & quid ille in ſuis li-  
bris garrisſet, recitare. In ſumma, cum Aþtolum  
ali quando despere coegerit Pseudoapostolorum  
improbitas, nunc me iſte Pseudoepiscopus ad simi-  
lcm

lem cum Apostolo Christi necessitatem adegit.  
**A**T H. Admonemur esse tempus prandij, differamus Colloquium. **HIL.** Ego vero ac lubens: Nam cum stomacho atq; cum nausea versor in his ineptis atq; blasphemis. **A**T H. Multa neadhuc supersunt, quæ post prandium conferas? **HIL A.** Nimis multa, sed utar delectu & grauiora conferens propter ciam leuicula.

# DIALOGVS QVARTVS.

**A**TH. Cum cœpisses de Osiano libro nudius tertius differere, sane credidi te, vna ad summum hora, potuisse me commonefacere de aliquibus inepitijs, calumnijs, virulentis, atq; blasphemis, quas in eo obseruasses: Neq; enim alias delitias expectabam, cum audijsem papisticum Episcopum produisse in certamen contra nos, noui genus, noui ingenia, que nos habent probardis, nec pili faciunt, quare effutiunt in nos quicquid in buccam uenit insolentissime. **HIL A.** Dicam ingenuè, me quoq; suis deceptum: Nudius enim tertius pauca adhuc legeram, nonnulla annotaueram, quæ tibi aperui, nec ferè putassem, me posse plura inuenire. Sed cum hoc biduo, ulterius legendō progressus fuissem, tales sentinas inueni, quales, ex eo aestimare potes, quod

T      cum

DIALOGVS QVARTVS.

cum tam multa absurdā & blasphemā attulerim, tamen illas nondum potui exhaustire & certè scio, me neque hodie exhausturum, nihil certè minus, sed vertar delectu(ut dixi) A TH. In nomine Domini, Electis omnia cooperantur in bonum, etiam illa ipsa, quæ videntur esse summè noxia atque deterrima, quare nihil dubito fore, vt ex his, quas tu vocas sentinas, nostræ Ecclesiæ sint aliquid non mediocre lucrum & commodum percepturæ. Hoc verò in primis, quod cum multi fuerint, qui recusabant se nostris partibus adiungere, quia adhuc aliquā moderationem & pacis studium sperarent à Papatu, nunc fortassis non sperabunt amplius satis dictum, Antequam pergas, velim dicas, quid Osius respondeat Brentio, qui Adriani Papæ, delectorum quorundam Cardinalium & Legatorum, qui præsidebant in Concilio Tridentino, quorum uos quoque mentionem fecimus, verba produxerat, quibus qua doctrina & quibus moribus Papistici prælati essent ornati, planum fecerunt orbi vniuerso: Nihil nunc quæro quid ad verba Gregorij Nazianzeni, Basilij, & Bernardi, qui itidem aduersus eosdem Prælatos stilum strinxerunt, sed duntas quid ad Neotericorum verba responderit, deinde de Concilijs petam quod voluero. HIL. Primum, eos de vita & moribus corruptis fuisse loquutos, nequaquam de doctrina, A THA. De-

mus

mus nunc , vt de corruptione morum duntaxat:  
 Nam reuerà doctrinarum quoq; corruptionem  
 videntur perstrinxisse , etiam inuiti , nimirum Spiz  
 ritu sancto cogente & extorque[n]te , sed demus ,  
 vt dixi , Fatetur ne ea esse vera , quæ suus Papa , sui  
 Cardinales , sui Legati , aduersus corruptissimos  
 prælatorum mores & vitia dominantia tam serio  
 pronuntiarunt H I. Non negat , sed ait . Quorsum  
 attinet sic nobis exprobrare peccata , quasi vero vos  
 non sitis grauioribus flagitijs cooperti? A TH. At  
 Brentius autoritate ipsius Papæ , ipsorummet ex om-  
 ni Concistorio delectissimorum Cardinalium pre-  
 stantissimorumq; Episcoporum , deinde etiā Lega-  
 torum Cōcilij , ex quibus duo fuerunt Papæ , vt dixi-  
 mus , hoc est , testibus omni exceptione maioribus  
 (vt illi sentiunt) probauit eos esse corruptissimæ  
 vitæ , quo pacto docet Osius , nos esse grauioribus  
 flagitijs coopertos : HIL. Iterat suam cantilenam ,  
 qua valde videtur delectari , de Luthero scilicet , qui  
 dixerit , suos auditores decies esse Sodomitis pei-  
 res. A TH A. Ad hoc respondimus , nihil est quod  
 repetamus. Habet ne alia testimonia : HILAR.  
 Habet. A TH. Quæ : HIL. Ait se posse addu-  
 cere testimonium Georgij Vicelij. A TH. Digni  
 profecto , qui pro Sathana & Osio testimonium  
 dicat. Cur non Staphyli quoq; , qui vñà cum Vice-  
 lio agnitam veritatem proiecit , testimonio vtatur?  
 cur non Groperi? cur nō Canishi? cur nō Sydonijs?

DIALOGVS QVARTVS.

cur non Aujs? cur non Asotis? cur non Dilingensis  
Purpurati, vt capitaliores nostros hostes comme-  
morem? Nihil istis impudentius, sed sine pergam.  
Cum ergo ipsemet Papa, ipsimet Cardinales & Le-  
gati affirment, & Osius non audeat negare totusqz  
terrarum orbis compertissimum habeat de magna  
sacrarum literarum imperitia, de turpisima vita, &  
corruptissimis moribus eorum Prælatorum, quo-  
rum opera Papa ait, se velle in Concilij vti, quæro  
an in lectione istius libri obseruaueris, quid de hoc  
Osius, putat ne promissionem factam Apostolis,  
qui erant (vt omnes norunt) regenerati & verè ha-  
bebant Spiritum sanctum, pertinere ad huiusmodi  
papisticos Episcopos, ad huiusmodi larvas, quæ nō  
sunt nisi caro & mundus: HIL A. Hauddubie pu-  
tat, miror te dubitasse. Audi eius verba, vbi vero  
, omnes conueniunt (loquitur de Mitratis) ibi præ-  
, sens adest Christus, ibi præsens adest Spiritus san-  
, ctus cum omni genere gratiarum. ATH. Admo-  
dum clare, perinde est, ac si dixisset, statim è vestigio  
iustificantur, fiunt membra corporis Christi & filij  
Dei, statim euadunt in doctos & prudentes viros.  
Quid si Episcopatum emissent, alijsue malis artibus  
parassent, vt Romæ sit? diceret ne Osius, nihilomi-  
nus affuturum Spiritum Sanctum, qui illos ex im-  
prouiso omnibus gratijs ornaret: HIL. Responde-  
ret, nihil referre, qua ratione quis creatus fuerit Epi-  
scopus, dum modo sit Episcopus. ATH. Ergo Spi-  
ritus

ritus sanctus hæret miræ: Ergo numerata pecunia  
emitur, quod voluit Simon Magus: Quid etiam, si  
quis inanem duntaxat titulum alicuius Episcopa-  
tus, qui sit ditionis Turcarum, sibi comparauerit: vt  
faciunt qui suffuranei dicuntur, vt est Gerardus  
Busdragus Episcopus Argolicensis, alijqz huius fa-  
rinæ: An hi quoqz, iudicio Osij, Spiritum sanctum,  
qui eos in Concilia comitetur exornetqz repente,  
habituri sunt: HIL. Dixi iam tibi, siue quis de nulla  
tenensis (vt aiunt) siue emptum, siue permutatum,  
aut quocunqz scelere possit excogitari, paratum E=   
piscopatum habuerit, qui Episcopatum habuerit, v=   
na coniunctum Spiritum sanctum habiturus est,  
saltem, quando sumpta Mitra & pluiali in cœtum  
aliorum Episcoporum ingreditur: hæc est Osiana  
regula, qua nihil potest stultius, absurdiusue exco-  
gitari. Verum audi, quemadmodum eam non nihil  
moderetur: Postquam enim dixit, Vbi simul cōue-  
niunt omnes, ibi præsens adest Christus, ibi præsens  
adest Spiritus sanctus, cum omni genere gratiarum,  
statim subiungit: Nam quod vni deest, pensatur in  
altero, ac sæpe quod non reuelatur ducentis, aut tre-  
centis viris excellenti prudentia doctrinacqz prædi-  
tis, vni alicui non doctissimo reuelatur, in cuius  
postea sententiam, sic impellente Spiritu sancto, pe-  
dibus eunt alij multò doctiores. Sic abscondit ple-  
raqz Spiritus sanctus à vobis sapientibus & pru-  
dentibus, et reuelat ea paruulis. ATH. Quid si nul-

DIALOGVS QVARTVS

Ius huiusmodi illuc interfuerit, Parvulus cui scilicet  
Dominus veritatem reuelarit & alios excitet: nec  
sine causa hoc dico: Nam si Papis licuerit, pro eorum  
libidine, Concilia dirigere, confessim vbi persuos  
exploratores Monachos olfecerint, aliquot esse in-  
ter Episcopos, qui vere spiritu Dei agantur sintq;  
ex Parvulorum genere, hos non modo ex Conci-  
lijs, verum & vita quoq; curabunt efficiendos tollen-  
dosq; tanquam pessimos hereticos: Quos enim ali-  
os nisi regeneratos, qui non possunt acquiescere il-  
licitis cultibus, habent pro haereticis: Ecquid hoc  
non egerunt Papæ, ante paucos annos, ut ex cœtu  
Patrum Laruatorum ex Tridento aliquot proiece-  
rint, quos suspicabantur nobiscum sentire: In sum-  
ma, immane atq; horribile est, quod isti Osij de Cō-  
cilij audent iactare, ad ea scilicet Concilia pertinere  
promissiones de præsentia Christi & gubernatio-  
ne Spiritus sancti, quæ ex carnalibus malisq; & sa-  
crarum literarum rudibus viris constiterint, Proh  
pudor, quasi vero ea promissio fuerit facta carnali-  
bus Phariseis atq; flagitiosis. H I L. Audi quid hic  
dicat Osius: Brentius ad hunc modum scripsit.  
Scimus quidem veritatem Sacramentorum Chri-  
sti, non pendere à dignitate Ministrorum, sed non  
esse requirendam gratiam Dei, aut virtutem Spiria-  
tus sancti in his, qui de vera sententia sacræ scriptu-  
, ræ, seu verbi Dei iudicare debent, hoc demum est  
, cœlestia oracula Spiritus sancti subiçere Epicureis  
&

& Sardiniapalis. A TH. Rectissimè Brentius atque  
hoc in loco plane iugulauit Asotum. HIL. Osius  
vero respondet, etiam si sint Epicurei et Sardanapa= li,  
tamen dixisse Christum : Super cathedram Mosi,  
sederunt Scribæ & Pharisæi , Omnia quæ dixerint  
vobis, seruate & facite, secundum opera uero eorum  
nolite facere : dicunt enim & non faciunt. A TH.  
Quæro ab Osio, an Christus hoc fuisset dicturus, si  
animaduertisset Scribas & Pharisæos, non modo  
fuisse animo Epicuræos, sed etiam male docuisse,  
atque omnino contra id, quod docere debuissent hi,  
qui sederent in cathedra Mosis ? HIL. Osius non  
posset negare, quod Christus, si vidisset Scribas &  
Pharisæos docere, contra Legem & contra cathe= dram Mosis, non fuisset dicturus, omnia, quæ dixe= rint vobis seruate & facite. A TH A. Non est dubi= um, Christus in eo loco loquutus est de Scribis &  
Pharisæis, qui cùm fuissent vita dissolutiore, tamen  
nō aliena docebant à Lege. Quare si neoterici Scri= bæ & Pharisæi , Episcopi scilicet Papistici, volue= rint purum illud verbum Dei, puram illam doctri= nam docere, quam Prophetæ , quam Christus, &  
quam Apostoli reuerè docuerunt , audiemus eos,  
non præcidemus nos ab illis: Fereimus enim infir= mitatem, si non fuerint usque ad è boni exempli, quo  
ad mores attinet. Sed cùm non modo sint vita dis= solutissima , verum cum falsa & ex diametro pug= nantia cum doctrina filij Dei doceant, cur vellemus  
hoc

DIALOGVS QVARTVS

hoc ferre, si Christiani esse velimus: curse ab illis nō separaremus, qui Christum conculcant: H I. Subiungit Osius, quod Christus baptizat, etiam si minister fuerit vita inhonesta & sacrarum literarum ruidis & quod Sacra menta non pendent à dignitate ministrorum. A T H. Fateor, baptizat Christus per talē, Sacra menta non pendent à dignitate ministrorum, si modò seruetur Christi institutio, non autem baptizaret Christus, si minister, seposita ea, quæ verè fuit Christi, institutione, aliam contrariam è suo capite excogitaret. H I L. Tandem Osius ad hunc modum colligit, si Christus etiam per malum concionatorem docet, si per malum ministrum baptizat, ergo etiam, vbi de illo iudicium sit, hoc est, in Concilijs, quāmuis ex malis viris atq; sacra rum literarum rudibus cōsisterint, nihil refert, quia adest nihilominus doctor & magister Christus, qui in illis loquitur, adducitq; hic Osius ea Christi, verba, Non vos estis qui loquimini, sed Spiritus, patris vestri loquitur in vobis. A T H. Imò ista uerba, ab Oso adducta, totum hoc negocium contra Osium pulchre definiunt: Nam in his clarissimè expressit Christus, per quos demum homines spiritus Dei esset in Concilijs loquuturus, nempè per illos, qui Deum habituri essent in patrem, per illos, qui in patris genuina doctrina, per filium eius dominum nostrum Iesum Christum manifestata, versarentur & ab illa non paterentur se abduci, tales exigit

exigit Christus , in talibus promittit loquuturum  
 Spiritum. Patrem autem intelligit per regenerationem, non per creationem, quis hoc ignorat? HIL.  
 Sed audi , cùm Osius probè sciret , quales demum  
 sint Episcopi , quorum opera Papa esset usurpus in  
 suis Concilijs , accurrit ad sacram anchoram : Nul-  
 lum enim habet postea perfugium, atq; inquit : Hic  
 Spiritus potest loqui per Balaam , potest per Cai-  
 pham, potest per Iudam proditorem , deniq; potest  
 per Asinam, quasi dicat, Nostri Episcopisunt reue-  
 ratales, sed nihil refert : per tales enim nihilominus  
 potest loqui spiritus Dei. A T H. Adduxit tandem  
 locum, in quo mihi cum eo pulcherrimè conueniet:  
**Nam**, si ipse cum sui similibus velit esse Balaam, Cai-  
 phas , Iudas proditor , deniq; Asina , hoc illi haud  
 grauatim concederim, sit sanè huiusmodi, quando-  
 quidem ità vult, volentibus non fit iniuria , Quòd  
 autem dicat , posse Spiritum per illos in Concilijs  
 loqui, blasphemus essem , si negarem Deum posse:  
 Potest enim, si vult, Sed cùm nobis iudicandum sit,  
 ex scripturis, quid velit, aut nolit, nusquā legi pro-  
 mississe Dominum , si Caiphæ, si Iudæ proditores , si  
 Asini, si Mitrati, aut Cornuti, si Cucullati, si Galerati,  
 aut Purpurati conuenerint, velle per iugula & per  
 ora talium monstrorum docere, quomodo mysteria  
 et oracula diuini Spiritus sint intelligenda, quomo-  
 do sponsa filij sui gubernanda: verum legi, istam  
 promissionem fuisse factam (vt supra diximus) A= V postolis,

DIALOGVS QVARTVS

postolis & factam fuisse reliquis, qui de eodem spiritu habituri fuissent, eundemque patrem in cœlis & mansuri in Christo, sicut palmes in vite atque in verbo eius, his, inquam, promisit, quod Spiritus patris esset in illis loquuturus. Sed dic mihi (vt ad id, quod dudum in animo habeo tandem veniam) Exprimit ne Osius, qua forma, quaque ratione oporteat esse congregatum Concilium, ad quod, suo iudicio, ea pro missio pertineat? HIL. Vult, vt sint Oecumenica, modo dicit plenaria & recte disposita, sic enim ait alicubi, Regem monens, ne permittat disputare de his, quæ in Concilijs Oecumenicis, recte dispositis, constituta sunt. A TH. Audio, sed quæ nam censeret esse recte disposita, hoc velim scire. HIL A. Haud dubie ea, quæ autoritate Papæ fuerint congregata habuerintque Episcopos induitos sacris vestibus, & Mitratos, hoc est Osio recte dispositum. A TH A. Non sine causa de his interrogo, sunt enim haud parui ponderis; Nam Papistæ, aut non omnes norunt, aut, si norunt, non audent palam & aperte litteris mandare absurdissimam & plane tyrannicam quandam Concilij celebrandi rationem & formam, qua orbem Christianum & Christum, cum suo Evangelio ludificare atque opprimere habent in animo, vt ipsi possint dominatum exercere, atque in suis delicijs & luxibus vitam agere. Aperiam ergo quid id sit, aliqua interim forte repetens, vt spiritus iusserit.

serit, tu postea dices mihi an Osios ea attigerit. Pa-  
pistæ ita censem, Dum Papa indexerit vniuersale  
Concilium, dum Papa per se, vel per Legatum  
præfuerit, dum præmittatur Missa de Spiritu san-  
cto, dum postea Patres sedeant mitrati & induiti  
sacris vestibus (vt in eorum lege habetur, quæ est  
in Cæremoniali & de celebratione Concilij loqui-  
tur) antè omnia dum sint iurati & dum procul ab-  
sint, tanquam prophani atq[ue] indocti, qui non fue-  
rint ex Prælatorum & Coniuratorum numero,  
censem, dico, Papistæ hoc demum esse vniuersale &  
plenarium Concilium, huic Spiritum sanctum pre-  
esse, huic, sive omni prorsus exceptione, esse cre-  
dendum. Etiamsi (audi diligenter) etiamsi Papa,  
qui indexerit & præsederit, fuerit Epicuræus quis-  
piam, aut plane Atheos (vt fere solent isti Papæ)  
etiamsi vnius duntaxat nationis & paucissimi qui-  
dam & delecti ab ipsomet Papa Episcopi (vt in  
Tridentino accidit) interfuerint (Nam id insūma,  
volunt esse vniuersale & plenarium Concilium,  
quod Papa dixerit esse vniuersale & plenarium, nō  
quod reuera fuerit plenarium & vniuersale) etiamsi  
patres fuerint, quantum ad studia attinet, præsertim  
sacrarum literarū, rudes asini, deinde carnalissimi &  
meri Sardanapali. Postremo, etiāsi quid pronuntiēt  
cōtra clarum et apertū verbū Dei: singunt. n. (vt bre-  
ue faciam) quod in tale, quale tibi pinxi theatrum

V ij Spiritus

DIALOGVS QVARTVS.

Spiritus sanctus illico descendat, velit nolit, vigore  
scilicet promissionis Christi, perq; illas prophanas  
& sceleratas linguas doceat, quemadmodum sacro-  
rum oraculorum verba intelligenda sint & castissi-  
ma sponsa filij Dei Ecclesia gubernanda (vt tu dixi-  
sti) ita, vt nō possint errare, ita, vt in Spiritum san-  
ctum, hoc est, ad mortem peccet, qui contra huius-  
modi eorum decreta atq; oracula audeat hiscere.  
Ut tuntur autem istae ineptæ Apostolorum Symiæ  
hoc argumento, vt demonstrent Spiritum sanctum  
inter eas esse, cum celebrant Concilium: Nam, in-  
quiunt, cum Petrus, cum Paulus & reliqui Apo-  
stoli celebrarent Antiochiae Concilium, testati sunt  
Spiritum sanctum ibi affuisse, quia ad hunc modum  
pronuntiarunt, **VISVM EST SPIRITU**  
**S A N C T O** & nobis, Ergo nobis quoq; inqui-  
unt, idem diuinus Spiritus adest, cum nostra Con-  
cilia celebramus, Attigit ne hoc Osius: HIL. Ma-  
xime. A TH. Et putat huiusmodi Concilia esse sa-  
crosancta: HIL. Sacrosanctissima, additq; quod in  
Spiritum sanctum blasphemet ac perinde sit, ac si  
velit esse similis altissimo, quod cupiebat Cherub il-  
le, qui detractus est in profundum lacis, quicunq; as-  
seruerit probandos esse spiritus talium Concilio-  
rum & non statim acquieuerit illorum decretis, ad-  
ducens hanc, quam tu dixisti rationem, quod scili-  
cat Apostoli dixerint sibi affuisse Spiritum sanctum,  
statimq; congerit proluvium quoddam ineptiarum  
blasphe-

blasphemiarumq; atq; in primis cōtorquens locum  
Ioannis , quem adduxerat Brentius de probatione  
Spirituum, contendit illum debere intelligi de Spi-  
ritibus singulorum extra Concilium. A TH. Sed  
quid tibi videretur respondendum ad id, quod ait,  
Apostoli testati sunt, Spiritum sanctum illis adesse,  
ergo adest omnibus Concilijs? A TH. Adest om-  
nibus Concilijs, in quibus interfuerint homines or-  
nati eodem Spiritu , quo Apostoli fuerunt, etiam si  
non eandem mensuram , dummodo de eodem Spi-  
ritu habuerint. HIL A. Sed quid ad illud, quod ad-  
dit , responderes , locum Ioannis , de probatione  
Spirituum non esse intelligendum , nisi de Spiriti-  
bus singulorum, extra Concilium? A TH. Iste sunt  
mirabiles & ad obscurandam gloriam Dei valde so-  
liciti & ingeniosi , Spiritus sanctus per os Pauli di-  
xit: iustificati gratis , sine operibus legis , isti , ne illu-  
cescat misericordia & gloria Dei , statim affingunt  
suam carnalem interpretationem , hoc est , sine cære-  
monijs & operibus Forensibus. Idem Spiritus san-  
ctus per os Ioannis inquit. Nolite omni Spiritui c-  
redere, probate Spiritus an ex Deo sint , illico illi a-  
liam interpretationem addunt , singulorum scilicet  
Spiritus seorsim , non tamen Spiritus nostrorum  
Conciliarum , At falsa est vtracq; interpretatio: Nā,  
vt mittam nunc de iustificatione loqui , quærerem  
ab Osio , an liceret mihi diligenter inuestigare de  
Concilijs, id saltem , num fuerit legitimè congrega-

DIALOGVS QVARTVS

ta: HIL. Responderet, licere hoc quærere, dum posse à acquiescas decretis, ubi videris fuisse legitimè congregata. A THA. Si licet mihi diligenter inuestigare, an fuerint legitimè congregata, licet etiam diligenter inuestigare, an reuerà affuerit Spiritus sanctus, Vbi ergo hoc inuestigauero & conferens scripturam, animaduertero, decretum Concilij pulchre cum scriptura, hoc est, cum voce ipsius Dei, conuenire, lubens ac reuerenter acquiescam. Quod si inuenero inter vocem Dei, & decretum Concilij repugnantiam, aut dissonantiam, tunc mirabor quid hoc sit, conferam cum fratribus doctiribus & quærar doceri, cur fuerit discessum à verbo Dei, concederet ne hoc mihi Osius: HIL. Nihil minus. A TH. Quid ergo facerem, cum viderem repugnantiam, aut dissonantiam: HIL. Osius responderet, te debere, in obsequium sanctæ matris Ecclesiæ Romanæ, captiuare intellectum & credere non esse repugnantiam, eam quæ tibi & tuis fratribus, etiam doctioribus te, repugnantia videretur. A TH. Quid, siluce meridiana clarius apertissimè viderem repugnantiam esse? Quid item, si scirem à carnalibus malisq; hominibus decretum, stabilendè illorum tyrannidis gratia, cōflatum fuisse; exempli gratia, video Iesum Christum, sapientiam patris, dixisse, BIBITE ex hoc OMNES, video vas electionis Paulum ad Corinthios scripsisse, ut probent se, & cum demum de pane illo edant & de CALICE

CElibant, video primitiuam Ecclesiam vsam fuisse  
 calice, video veteres Patres in eo cōsentire et eorum  
 ætate calicem fuisse Laicis concessum, Sed quid vi=  
 cissim: video fuisse inuestā manifestissimam corru=  
 ptelam & aliquibus, nec tamē omnibus in locis, de=  
 situm fuisse, calicem dari Laicis, deniq; video à qui=br/>
 busdam personatis Patribus in Constantiensi, deinceps  
 Basiliensi Concilio pronuntiatum fuisse (vt tu  
 superius dixisti) licet Christus ad eum modum in=  
 stituerit, licet primitua Ecclesia ad eundem vsa fu=br/>
 erit, nos eam, quam alij corruptelam nominant, af=br/>
 firmamus, esse laudabilem consuetudinem, quid  
 hic captiuem intellectum in re apertissima atq; cla=br/>
 riſſima: Eat Osius &, offusa suis sophismatis præ=br/>
 stigijsc; caligine, nitatur obscurare & implicare  
 negotium quantum voluerit, certe, si suos Carna=br/>
 les hypocritasq; remorabitur, non detinebit nos,  
 quin velimus causam diligenter cognoscere, atq;  
 vbi cognouerimus, anteferre gloriam Dei & veri=br/>
 tate, falsis interpretationibus atq; imposturis homi=br/>
 num. Quocirca (vt ad id quod interrogasti, venia)  
 quicquid Osores veritatis & viperæ sibilent, verba  
 Ioannis tum ad singulorum seorsum, tum ad Cōcili  
 orum spiritus probādos pertinēt, ut potè ad ea, quæ  
 posse errare manifestum est, Ergo an errauerint licet  
 nobis inuestigare & ad Lydium lapidem, hoc est,  
 ad Christi verba eorum decreta exigere, vt, si quidē  
 inuenerimus, bonaretineamus, si mala, rejiciamus.

HIL.

## DIALOGVS QVARTVS

HIL. Asotus atq; Osius hærent in eo, quod tamet-  
si singuli seorsum Episcopi possint errare in dicen-  
da sententia, nihilominus, si multi simul conueni-  
ant, errare minimè possint. A TH. Dicant mihi isti  
Asoti atq; Osij, quem maiorem caperet fructum ex  
decem, aut viginti Morionibus, qui de rebus gra-  
uibus, deliberandi gratia, in aliquem locum à suis  
dominis mitterentur, quam si singuli eorum seor-  
sum consulerentur? Certè (si reuera fuerint Morio-  
nes) idem Consilium dabunt seorsim, in eorum do-  
mibus, quod daturi essent, si vñā in templo omnes  
sederent cum bene longis vestibus, nec vestium  
mutatio, aut locus quicquam prodesset, intelligis ne  
Hilari. HIL. Maximè, vis dicere, Episcopos, quos  
sibi Antichristus Tyberinus ad Concilia missurus  
deligit, eodem esse Spiritu, cum domi sedent, quo  
sunt, cum sumptis mitris sumptoq; pluuiali in Con-  
cilio sedent, quare cur non liceret pījs & bonis vi-  
ris probare & dījudicare tales Moriones & larvas,  
vbiq; demum essent, siue domi, siue in templo,  
loquor de his, quos Antichristus (vt dixi) felicit a-  
mariore in nostram doctrinam Zelo, quos ad Con-  
cilia mittat, non de omnibus, qui sunt sub papatu:  
scimus enim illic esse nullos pios, sed quicunq; sunt  
huiusmodi non modo non mittuntur ad Concilia,  
sed si accefferint, profligantur, vides autē me nō po-  
tuisse hic susprium continere, & quidem ex imo-  
pectore. A TH. Imo volui abste petere quid id es-  
set.

set. HIL. Quia quanto magis versor in hac causa,  
 tanto difficultorem eam esse video, quam quæ pos-  
 sit (humana quidem prudentia) in concordiam re-  
 digi: dissentimus enim in ipsis adeò principijs, sex-  
 centis in locis, à nostris aduersarijs, qui nulla ratione  
 patiunt̄ se à malo proposito dimoueri. ATH. Quasi  
 dolendum & ingemiscendum sit, quod non pos-  
 simus conciliare iustitiam cum iniuitate, lucem  
 cum tenebris, Christum cum Beliale: Lætandum  
 potius, præsertim cùm, haud dubiè, vincamus indi-  
 es, HIL. Nunc venit in mentē ex eo Osij libello, cui  
 tibi ostendi esse titulum de expresso verbo Dei, lo-  
 cus, non indignus, quem tibi explicem: idem enim  
 sentit quod nos, hanc causam esse suapte natura hu-  
 iusmodi, quæ nullam moderationem, aut concordi-  
 am pati possit. A TH. Libenter audiam, ut gu-  
 stem cuiusmodi hic quoq; libellus sit. HIL. Certe  
 gustabis eadem esse amarulentia eademq; futilitate,  
 qua alij duo, de quibus dixi, omnes congruunt, v= ,  
 num cognoris, omnes cognoris (vt ille ait). En ti= ,  
 bi verba. Iam vero Petrus Paulus Vergerius, qui ,  
 proximo superiore anno, non aliam ob causam in ,  
 regnum tuum venerat, quam, vt in eo seditionem ,  
 concitaret. A TH. Tanti ne facit Vergerium, pri= ,  
 uatum homuncione, inopem, peregrinum, vt eum ,  
 putet potuisse amplissimum regnum commouere? ,  
 non est cuiusuis hominis hoc agere, perge. HIL. ,  
 Protulit in medium literas ad quosdā scriptas, quas ,  
X etiam

DIALOGVS QVARTVS.

etiam typis excudi fecit. An autem hoc fuit boni vi-  
ri officium? Certè si quid frontis habuisset, si qua mi-  
ca probitatis in eo fuisset, tale aliquid facere nunquā  
aggressus fuisset. Sed videtur hic homo expers hu-  
manitatis, & vitæ communis ignarus esse, cum in  
medium proferre literas ab aliquo scriptas, nihil ali-  
ud sit, quam quod ille dixit, tollere è vita vitæ socie-  
tatem; tollere amicorum colloquia absentium. A T.  
Nihil intelligo, nisi quod Vergerium valde atrociter  
insectatur. Quid designauit tandem? HIL. Hæc  
sunt Osiana artificia atq; flagitia, vt non planè ex-  
primat quid repræhendat, vt qui legerit, horren-  
dum aliquod facinus Vergerium in Polonia pa-  
trasse existimet. Quare possum totidem verbis cum  
Osio agere: Certe, si quid frontis habuisses Osi, si  
qua mica probitatis in te fuisset, tale aliquid dicere  
nunquā aggressus fuisses, sed videris expers hu-  
manitatis & vitæ communis ignarus esse, qui tam  
malitiosè et rabiose innocentem proscindis. A TH.  
Dic tandem quid id est? HIL. Dicam paucis: Alo-  
ysius Lippomanus (de quo diximus) Papæ inter-  
nuntius, Serenissimum Poloniæ regem clanculum  
sæpè viserat, vt aliquot ex præcipua nobilitate, qui  
videbantur velle à Papatu desciscere, capite plecte-  
ret, atq; inter hos D. Io, Bonarum, præstantissima  
pietate, virtute, & autoritate senatorem, Eius Ma-  
iestas à sanguinario Consilio (vt est summa clemen-  
tia) ayres auerit abhorruitq;. Interea cum quid  
Lippoma-

Lippomatus moliretur patefactum fuisset , pessime in toto regno audiebat , odioq; habebatur peius cane & angue. Lippomanus itaq; , scriptis ad Papam , siue ad quempiam ex eius Secretarijs , aut Consiliarijs (vt fit) literis , deplorauit suum statum , sumicq; periculum multacj de legatione , quae parum feliciter illi succederet , conquestus , supplex petijt , ut liceret sibi primo quoq; tempore Romam redire . Has literas , in quibus Papae & ipsius Lippomani quædam non parui momenti consilia scribebantur , Romam misit , quæ vbi fuerunt à Papa lectæ , comunicabantur posteà (vt fit) nonnullis Cardinalibus atq; Episcopis , ita , vt , nonnulla earum Exempla in Germaniam atq; in Poloniam vsq; deuenient (vt sæpè vidimus contigisse) fuerintq; demum Cracoviæ Italica lingua , qua scilicet scriptæ fuerant , excusæ . Vittenbergæ autem Polonica , in quam ornatissimus pietate prudentiaq; vir D. Iustus Ludouicus Decius eas conuerterat . A THA . HABES ne exemplum : **HIL.** Habeo . A TH . Quid si legeremus : **HIL.** Cum venerim ad te eo animo , vt hunc Osij locum ostenderem , putaui mecum deferendum . A TH . Recte fecisti profer , lege . **HIL.** Legam duo præcipua loca . Inscriptio sic habet . Magnifico & Clarissimo D. Petro contareno Patritio Veneto , Sanctiss. D. N. familiari , Domino colendissimo . Audio hunc posteà esse creatum Episcopum Paphiensem in Creta : est enim Paulo

DIALOGVS QVARTVS.

III, valde charus & à consilijs intimus : Subscriptio sic habet. Aloysius Lippomanus Veronæ Episcopus, indignus Nuncius. Datum huiusmodi est. Louithj die XX. Iulij. M. D. LVI. Audi precepitum locum (omitto enim multas alias eius nugas) Cum anno M. D. XLVIII. vna cum Reuerendissimo Fanensi Episcopo nunc benemerito Cardinali, & cum Reuerendissimo D. Episcopo Ferentino essem nuncius Apostolicus in Germania, ut post Cæsaris victoriam, Principes & populos ad sedis Apostolicæ Romanæ obedientiam colligeremus (hic enim erat nostræ legationis titulus, licet parum fœliciter successerit & valde paucos collegerimus) erant, eo tempore, Cæsaris captiui Io. Fredericus, Elector Saxonie, et Philippus Lanagrauius Hassiæ. Quare ego & mei collegæ tanquam filij obedientiæ (Nam id à sanctissimo D. N. in mandatis habebamus) Cæsari & simul Rom. Regi consilium deditus, ut duos illos Principes, utpote capita & Protectores hæreticorum, iuberet capite palam mulctari; Hac enim ratione posse statim omnes è Germania hæreses extirpari. A TH. Proh homicidam, proh sanguinarium Antichristum, Proh homicidas & sanguinarios eius legatos, Proh omnium mortalium imprudentissimum Osium, quem tam nephariæ tyrannidis & crudelitatis memoriam non puduit nunc refricare, perge. HIL. Non fuit visum Cæsari, neq; Rom. Regi acquiescere nostris Consilijs

Consilij, atq; ideo res nostræ, in Germania, quoti-  
 diè in peius ruerunt. Cum ergò sanctissimus D.  
 N. mihi mandasset, vt idem Consilium Serenissi-  
 mo Regi Poloniæ suggesterem nempè, vt iuberet  
 capite plecti octo, aut decem ex præcipuis Domi-  
 nis Polonis, qui Lutheranismum exsuscitant: hanc  
 enim esse compendiariam atq; certissimam ad extir-  
 pandas hæreses viā, feci hoc quoq; diligenter, sug-  
 gessi tale consilium, cumq; viderem nonnullos, qui  
 nobis valde addicti & alicuius autoritatis in aula es-  
 se videbantur, hos rogaui, vt vna mecum Serenissi-  
 mum Regem instigarent. ATH. Crediderim, quod  
 istum Osium in primis rogarit: Nam istius consue-  
 tudine & cōsilijs Lippomanus in primis vtebatur.  
 Exclamo iterum, o Homicidas, o Sanguinarios Pa-  
 pas, Lippomanos, Osios, An non excitabitur ali-  
 quando totus Christianus orbis, vt eos pro crude-  
 lissimis tyrannis & homicidis agnoscat: perge. HI.  
 Iam, Restanta, quam maiore silentio tectam opor-  
 tuit, quam fuerit vlla vñquam alia, ne maiorem in-  
 uidiam maiusq; odium in sanctissimos Christi Vi-  
 carios excitaremus, vereor ne sit patefacta: Nam Il-  
 lustris Palatinus Viln. eam mihi in suis literis obij-  
 cere visus est, necq; est dubium, quin alijs quoq;  
 sit communicaturus. Quare V. Magnificentia co-  
 gitet in quo statu nunc sim, et an iure cupiam ab hac  
 legatione reuocari: Qui etiā hæreses promouent,  
 sunt multi & potentes. Cum ergò per me non stete-

DIALOGVS QVARTVS

, rit, quominus ipsorum sanguis fuerit fusus, meritò  
debeo ab illis metuere. A T. Valdè humanè et Chri-  
stianè gesserunt D. Poloni, qui tam atroci iniuria  
prouocati, tamen nō putarint vlciscendum, sed pas-  
si sint Lippomanum è Polonia exire incolumem.  
HIL. Alium locum ex eisdem literis audi. Nunc  
sum cotuocaturus Synodum Episcoporum, in qua  
dabo operam, vt bona pecuniæ summa è toto clero  
Poloniæ colligatur ac spero sanctiss. D. N. (vt ad  
me scripsit) contributurum quoq; Nam carere pe-  
cunia non possumus, præsertim ad placandos im-  
portunes: hanc enim esse optimam rationem, qua  
multos nobiscum, hoc difficillimo tempore, retine=   
amus, sæpè sumus experti. A TH. O Nebulones,  
Vide quibus artibus nituntur Papatum sustentare  
& doctrinam atq; gloriam Dei pessundare, hinc  
crudelitate & sanguine, inde largitionibus & cor-  
ruptionibus. Et audet Osius Vergerium reprehē-  
dere, quod tales literas, talia Antichristi suorumq;  
ministrorum consilia curauerit nostris fratribus  
communicanda: HIL. Tu vides an audeat. A TH.  
Ergo nostris non licebit consilia hostium Christi  
patefacere, nō licebit fratres, quacunq; etiam ratio-  
ne, excitare & commonefacere, vt quales soleant es-  
se isti Paparum Legati intelligent, qui altera manu  
videntur de cogendis concilijs agere, altera faces  
gerunt, quibus Principum animos, vt nostrum  
sanguinem fundant, accendant atq; inflament: HIL.  
Tantum

Tantum abest, ut Vergerium hoc nomine accusandum, ut etiam illi gratias summas agendas putem, Osium contrà esse malum virum & pestilentem, qui hanc rem suis mendacijs inuoluat et quod summe fuit laudandum, tam calumniosè reprehendat, Protulit in medium, inquit, literas ad quosdam scriptas. Ad quosnam? Cur non dicit id, quod est? nempe ad Papam, vel ad eius Consiliarium scriptas? Et cum postea dixerit, literas ab aliquo scriptas, cur etiam non dixit id, quod est, nempe à Lipomano satellite Papæ, scriptas? Sed expende, ut rem peruerterat atq[ue] exageret nebulo, Cum in medium proferre literas ab aliquo scriptas nihil aliud sit, quam quod ille dixit, tollere è vita vitæ societatem, tollere amicorum colloquia absentium. A TH. Reuerà ita accusat, ac si Vergerius Serenissimi Regis, aut Priuatas alicuius literas intercepisset atq[ue] in medium protulisset. HIL. Facit suo more, falsissima, magna virulentia, impingens, sed Vergerius nullas, nec publicas, nec priuatas intercepit, quicquid mentiatur impudentissimus Osor. A TH. Promiseras locum, vbi Osius non esse in hac causa, sperandam villam concordiam scripsisset. HIL. Mane, non sum oblitus, verum ordine progredior, statim vbi de his literis, ad hunc modum pergit. Etiam Pauli Quarti Pontificis literas, & quidem binas typis excusas perulgauit. Vide quam rem malignus Osius hic quoq[ue] vitio det, circumferebatur

DIALOGVS QVARTVS.

tur passim binarum literarum , quas Papa ad Senatores Laicos regni Poloniæ & ad Illustrem D. Tarnouium scripsérat, exempla, hæc Vergerius typis excudi fecit, vñā cum scholijs, At Osius ita exclamat, ac si Serenissimi Poloniæ Regis, aut Consiliariorum arcana quædam peruulgasse fuisset deprehensus Vergerius, Non modo, inquit, literas ad quosdā, ab aliquo scriptas, in medium protulit, verumetiam Pontificis & quidem binas typis excusas peruulgauit, A TH. Cur non addidit, o indignum facinus ? O cælum, o terra, o Maria Nep tuni ? Reuera desipit Osius, prærabie, quasi non liceat nobis Antichristi tēterrīmi hostis nostri literas & consilia, ad commodum Ecclesiarum, pro gloria Dei, peruulgare atq; insectari, perge, HIL. Quin & scorijs quibusdam suis obscurauit, ac mirabiliter deformauit, quæ piè sancteç scripta fuerant, secus interpretando. A TH A. Quid potissimum scripsérat in illis literis Papa, HIL. Se velle etiam si bella futura essent, vniuersale Concilium propediem celebrare, Vergerius vero in suis scholijs affirmauit eum mentiri. A TH. Recfè. HIL A. Ac nō modo si bella futura essent, sed necq; in summa quidem pace concilium celebrare eum habere in animo, nec posse celebrare, si haberet in animo. An hæc fuerit falsa interpretatio res ipsa clamat : Nam nec celebrauit, nec celebraturus est. Pergit Osius Vergerij verba recitando. Audi quid scribat, in suis in

in priorem Epistolam scholjs. Dixerit, inquit, quis-  
piam : Si quidem possemus Papam eò adigere, vt  
velit assentiri, vt ministri Ecclesiarum haberent v= =  
xores, lingua vernacula in administratione Sacra- =  
mentorum vterentur, atq; , vt vtramq; speciem po= =  
pulo exhiberent, in reliquis vero articulis et doctri- =  
nis cum Romana Ecclesia consentiremus, (quem= =  
admodum hactenus consensimus) an non consul- =  
tum putares, vt tunc acquiesceremus ? atq; , vt hæc =  
prius lucro apponemus, deinde paulatim, labente =  
tempore, vt etiam de reliquis articulis lucrifacien- =  
dis cogitaremus ? Respondeo. Minime mihi con- =  
sultum videri: Nec enim in eo res sita est, vt mini- =  
ster vxorem habeat, vt populari lingua in Ecclesia =  
vtatur, vt vtramq; speciem porrigat, sed , vt habeat =  
viuam fidem, vt sit membrum Christi Ecclesiae, atq; =  
vt eam rectam doctrinam teneat, populoq; annun- =  
ciet , quam filius Dei dominus noster Iesus Chri- =  
stus attulit è sinu patris. Quæ esset hæc contamina- =  
tio doctrinæ ? quod monstrum ? si consentiremus,  
vt esset pastor animarum nostrarum Missarius sa- =  
crificulus, vinctus & inaugurate ab aliquo Apo= =  
scopo & Antichristi membro &c. A T H. Quid ad =  
hæc Osius: an non furit istis stimulis agitatus ? H I.  
Ait Vergerium mox petere iugulum cause. A T H.  
Irridet fortassis: H I L. Serio ne dicat, an irrideat, ne= =  
scio, magis puto irridere, omnes enim pili facit præ =  
se Thraso iste. A T H. Mihi( quicquid Osio videa= =  
tur)

DIALOGVS QVARTVS.

tur) reuerà iugulum causæ mox petere videtur,  
qui explodendam reñciendamq; censet istam ne=  
phariam pestem, Missarios scilicet sacrificulos, un=  
ctos atq; inaugaratos ab aliquo Apostolo & An=  
tichristi membro, (quale est exempli gratia Osius)  
nec potest pati, vt tam feræ Belluae sint pastores a=  
nimarum. HIL. Pergit Osius: Verum audi quid  
paucis interiectis addat: Postquam enim hic homo  
nimis in aliena Republica curiosus. A TH. Subsi=  
ste. Aliud est politica Respublica, aliud Ecclesia Chri=  
sti, in politica Respublica merito reprehenditur, qui  
in ea voluerit esse curiosus. Verum si quis ad ea lo=  
ca acceſſerit, vbi instituta sit Christi Ecclesia, præſer=  
tim vocatus, is, si quid illuc molitur pro gloria Dei,  
nihil minus potest appellari, quam in aliena Repub=  
lica curiosus, quare stulte hic quoq; Osius. Perge.  
HILA. Et ad excitandas seditiones natus. A TH.  
Qui gloriam Dei, pro virili, promouere studet, is  
Pharisæo Osius seditiosus est. An non veteres quoq;  
Pharisæi & Christum & Apostolos seditiosos vo=  
carunt, eodem scilicet Spiritu, quo Osius? Perge.  
HIL. Hortatus fuerat Polonus, vt si maximè cōcede=  
rentur illis hæc tria, constanter ea respuerent, Scias,  
inquit, Polonia, causam hanc, quæ de religione cō=  
trouertitur, minimè posse ullā moderationē aut cō=  
cordiam pati. Vide quid dicā & memori mente te=  
neto. Sunt enim qui dicant: An non posset aliqua  
ratio inueniri, qua cōcordia sanciretur? Respondeo.  
Nullam

Nullam prorsus posse inueniri. Si enim Papatus  
 maneat incolmis, non potest doctrina Iesu Christi  
 manere incolmis. Etrursus; si vicerit, quam nos  
 profitemur Iesu Christi doctrina, corruat totus Pa-  
 patus ab radicibus necesse est, ita, ut nulla alia sit sta-  
 biliendæ veræ Christi Ecclesiæ, & concordiae in-  
 eundæ ratio & spes, quam si vniuersus Papatus,  
 cum omni sua tyrannide & impia doctrina tollatur  
 è medio. Hactenus Osius Vergeriana recitat. A T.  
 Putat ne ista saltem iugulum causæ mox petere?  
**HIL.** Nihil de iugulo amplius. Sed ad hunc mo-  
 dum respondet: Quod scribit Vergerius causam  
 religionis moderationem, seu concordiam pati non  
 posse, quin verissimè scribat inficias ire non possu-  
 mus, atq; idem paulo post ter, aut quater repetit.  
**A T H.** Mirum, cùm vscadet Vergerium oderit,  
 quod sustinuerit scribere, Vergeriū in retanti mo-  
 menti verissimè sentire, nec viderit, quid ex hac  
 confessione colligi possit: Nam si nulla est de con-  
 cordia spes, consequitur nullam prorsus reliquam  
 esse Papis, de recuperanda pristina autoritate et po-  
 tentia, spem. Non per Concilium, cùm omnino im-  
 possibile sit, ut de iudicibus Concilij conuenire vn-  
 quam possimus. Per armaverò atq; per uim, ipsimet  
 sciunt, quid iā possint proficere, per gratiā Dei, qui  
 in eum statū res nostras, imo suas ipsius, adduxerit.  
 Pergemus igitur vincēdo, hauddubie, hoc fateatur

**Y** **ñ.** **Osius**

DIALOGVS QVARTVS.

Osius (si rem bene expendas) necesse est, cum fateatur nullam esse concordiae spem. Sed obsecro te, relinquit ne inultum Vergerium, quem videt tam claris verbis dixisse, si vicerit quam nos profitemur doctrina, corruat totus Papatus ab radicibus necesse est: & subiunxit, nullam aliam esse stabiliendae verae Ecclesiæ & concordiae ineundæ rationem & spem, quam si vniuersus Papatus cum omni sua tyrannide & impia doctrina tollatur è medio: Nonne hic saltem mox petit iugulum causæ Vergerius: HIL. Non sinit inultum, nihil minus, inultum ne hoc sineret Osius, qui solet minima quoque sectari & magna contentione & rabie tueri: atque etiam maledictis proscindere eos, qui nihil huiusmodi scripserunt. Quid pluribus: non pepercit Francisco Lismanno. A TH. Pio illi atque prudentissimo seni: HIL. Illi ipsi non pepercit, quo nihil est modestius & placidius. A TH. Sed quid tandem in Vergerium: Nam vehementissimum aliquid hic dixerit oportet. HIL. Ait esse rudem & imperitum. A TH. Quid ad rem: ergo in Papatu non est impia doctrina, neque Tyrannis: sic isti solent respondere. Sed sit sane rudis & imperitus, dum Christum & hunc crucifixum sciat, Vergerius floccifacit, si non habeat, qualis multi sibi arrogant, & pluris faciunt quam Christum ingenij, doctrinæ, atque eloquentiae laudem. HIL A. Sed ait, quod si quis ab eo quereret, quænam sit Christi, quam profitetur doctrina, non habiturum

habiturum quod respondere queat. A T H. Vergerius lætatur & tanquam, pro incomparabili (ut reuera est) beneficio, gratias summas agit æterno Patri D. N. Iesu Christi, quod tantum ex eius doctrina norit, quantum ad consequendam cælestem hæreditatem satis sit, & id parum, quod ex ea nouit, ad Dei gloriam nititur conferre. Quod vero nouit Osios, totum id locauit Sathanæ & Antichristo Tyberino, sed audi quid statim, plenus odio & veneno, subiungat de Vergerio. Nam, quantum è scriptis illius colligere licet, modo cum Picardis, modo cum Lutheranis, modo cum Zuinglianis facere videtur. A T H. Exprimit nè, recitat nè vlla Vergerij verba, in quibus aliquando cum Picardis, aliquando cum Lutheranis, aliquando cum Zuinglianis facere videatur: HIL. Non exprimit, non recitat. A T H A. Ergo certissime scias, Osium nulla vidisse in scriptis Vergerij verba, qualia designat, quæ scilicet modo hoc, modo illud, modo tertium quiddam dicant: Nam si vidisset, hauddubie, ea in medium protulisset magna letitia atq[ue] insolentia, sed mendax est, ut Diabolus pater eius. Vnde autem huius calumniæ occasionem sumpserit, video mihi posse paucis aperire. Valdensium confessio oblata anno M. D. XXXV. Serenissimo Ferdinandō Cæsari, qualis sit nosti, HIL. Noui, eandem continet doctrinam, quam Augustana, nisi quod non ita perspicue & feliciter quedam docet,

DIALOGVS QVARTVS.

vt Augustana. Sed hoc fœlicitati huius temporis, in  
quibus bonæ literæ magis florent, quàm ante cen-  
tum & amplius annos, cum Valdensium Confessio  
dictaretur, tribuendum est. ATH. Sic res est. H I L.  
Quare Lutherus & Philippus, grauissimis differ-  
tissimisq; verbis, eam commendarunt, passim ex-  
tant vtriusq; testimonia, Deinde cùm in articulo de  
Eucharistia, eadem Confessio habeat moderata que-  
dam verba, vt, quasi de industria, visa fuerit uelle fu-  
gere contentiones: dicit. n. quod in cœna sumatur  
verum corpus & verus sanguis Christi, nec dispu-  
tat quomodo sumatur, Bucerus & Musculus eandē  
confessionem, suo quoq; calculo, in eorum scriptis,  
quæ passim extant, grauissimè approbarunt. Verge-  
rius igitur, ut aliquam concordiæ (cuius est studio-  
fissimus) viam in eo articulo, pro uirili, inciperet a-  
perire, hanc Picardorum Confessionem, seu Val-  
densium proximo superiore anno, Tubingæ dedit  
recudendam adiunxitq; Martini & Philippi, dein-  
de Buceri & Musculi testimonia. Postremò ipse  
Vergerius quoq; præfatus ait, Valdenses, seu Picar-  
dos habere in suis Ecclesijs seueram disciplinā, cum  
pura doctrina, coniunctā & esse bonos uiros, Hinc  
ergo A T. Nihil dicas amplius, Rem totā intelligo,  
Osius vidit Confessionē sub nomine eorū, qui no-  
minant Picardi à Vergerio editā, testimonia vero  
sub nominib. duorū, qui Lutherani, et aliorum duo  
rum, qui Zuingiani censemur, et hanc ob causam,  
affirmare nō est ueritus, Vergeriū modo Picardum  
esse

esse, modò Lutheranum, modò Zuinglianum, que  
est Osiana calumnia, flagris digna. An nō pudet istū  
hypocritā? H I. Pudeat verò? imo gloria ē eo nomi-  
ne; Nā his artib. putat se uicisse, usq; adeo habet nos  
probardis et caudicibus, qui debuissemus ignorare  
quomodo essent explicādæ eius tricæ patifaciēdæ q;  
imposturæ. A T. Certè qui eius uerba legisset, necq;  
hoc uicissim, quod de Vergerio recitasti, sciisset,  
potuisset sibi persuadere, Vergeriū scripsisse librum,  
in quo aliqua Picardorum, Lutheranorū, et Zuing.  
lianorum diuersa pugnātiaq; inter se dogmata ap-  
probasset, sed rē audiui, Osium scilicet esse imposto-  
rem H I. Illud adde, quod Osius in hac re perindē lo-  
quitur, ac si Picardi in eorum Ecclesijs diuersam, aut  
contrariam ab ea, que est in Confessio. August. do-  
ctrinā docerent, et tamen nō est diuersa, aut contra-  
ria, Cur. n. eam approbasset Luthe, & Philip? Nam  
quod administratorum Ecclesiæ coniugium attinet, iam nobiscum sentiunt, Ministri Ecclesiarum apud  
eos fiunt mariti, nec dubium est. Sed legamus Oso-  
ris uerba, quib. Vergerio respondet ad id, quod dī-  
xerat Papatum esse ab radicib, extirpandum. A TH.  
Huc te expectabam. H I. Huc spectant istorum con-  
silia, ut ordinem omnē è medio tollāt, ut principum  
autoritatē in odium et contemptū adducāt, ut Anar-  
chiā quandam inducant. A T. Quām delectat mēti-  
one istius Anarchie et rebellionis. H I. Quia turbu-  
lētum est illi ingeniu, alio aut in loco dixerat, nos ce-  
pisse cōsilia de Cesareatu (sic, n. loquit) quoq; tollēdo  
&

DIALOGVS QVARTVS

, et non minus apud nos probrum esse Cæsaristam,  
quam Papistam appellari. A TH. O elegantem A= poscopum, qui inter caput & membra, inter Cæsa= rem & Principes Germaniæ, quantum in eo est, spargit semina odiorum & litium, An hoc est boni viri officium? Fortasse verum est, quod, cum aliam Cæsar, aliam Principes Protestantes, doctrinam profiteantur, solemus nominare Cæsarianos, aut Cæsaristas eos, qui sunt doctrinæ, quam Cæsar de= fendit, addicti, ad differentiam scilicet Protestantis= um, aut Euangelicorum, Sed quod in odium & contumeliam nostri Cæsaris, ea voce utamur, men= titur bellua Varmiensis, furens rabie & veneno: Nam Cæsarem, ut legitimum summumq; à Deo constitutum, Magistratum nostri Principes & sta= tus summe reuerentur præstantiq; illi omnia liben= ter, quæ debent, officia. HILA. Tandem contrâ Vergerium, qui dixerit, Papatum esse ab radicibus extirpandum, ad hunc modum argumentatur. Lu= therus scribit in quadam epistola, in Papatu esse ve= ram scripturam sacram, verum Baptismum, verum Sacramentum altaris, veras claves ad remissionem peccatorum, verum prædicandi officium, verum Catechismum, veram Christianitatem, imo verum nucleus Christianitatis, Vergerius cupit è medio sublatum Papatum, ergo cupit sublatam verâ scrip= turam sacram, verum Baptismum, verum prædi= candi officium, & reliqua omnia sanctissima modo enumerata.

enumerata. Quale tibi hoc videtur argumentum Athanasi. A TH. Asoticum, Osianum, Varmien-  
se, Embricense, hoc est, non modo sophisticum, sed  
putidum, falsum, fatuum. HIL. Respondeas cathe-  
goricè. A TH. Indignum est, cui respondeatur, sed  
sibilis explodendum & proscindendum est. HIL.  
Audi aliud simile, adhuc in Vergerium. Omnes  
Lutherani Germani (Germanos Lutheranos vo-  
cat Illyricum & Merlinum cum suis) execrantur  
Osiandri doctrinam, Vergerius sectatur Osiandri  
doctrinam, ergo Germani Lutherani execrantur  
Vergerium, statimq; hæc verba subiungit: Et erit  
quisquam, qui sibi persuaderi patiatur, Iesu Christi  
doctrinam esse, quam profitetur Vergerius, quam  
non Christiani modo detestantur, verum etiam  
Germani Lutherani execrantur. A TH. Quomo-  
do Minorem probat, quod scilicet Vergerius Osi-  
andri dogma sectetur. HIL A. Adhunc modum.  
Brentius sentit cum Osiandro, Vergerius est admi-  
rator Brentij. Ergo Vergerius vñà cum Brentio &  
cum Osiandro sentit. A TH. Cur non ad hunc mo-  
dum quoq; argumentatur? Brentius Patrocinatur  
Arrianis (nam ostendi tibi, hoc dixisse mendacissi-  
mum Osium) Vergerius est admirator Brentij, er-  
go Vergerius est Arrianus: vis uno verbo dicam  
Hilari: Audiui Osium esse magna senectute, quare  
crediderim repuerascere. HIL. Repuerascit quidem,  
sed interim agitatur spiritu Sathanico, cùm tam hor-

DIALOGVS QVARTVS

ribiliā conūtia atq̄mendatia spargat, & quidem in  
Iesum Christum ipsum, in eius membra, inq̄ eius  
doctrinam, sed, sepositis alijs fatuis argumentis.

Quomodo ad illud responderes? Lutherus dicit, in

Argumentum Papatu esse veram scripturam Sacram, verum Ba-  
ptismum, verum Sacramentum altaris, verum præ-  
dicandi officium &c. quare cum Vergerius cupiat

sublatum Papatum, cupit sublatam veram sacram  
Scripturam, verum Baptismum verum Sacramen-  
tum altaris, verum prædicandi Officium &c.

Quid, inquam, saltem, pro infirmioribus susten-  
tandis, ne ab Osio deciperentur, hic respondendum

putares, si loco Vergerij esses? A T H A. Negarem  
Lutherum audiendum, nisi que dixerit, aut scriptu-  
ris, aut rationibus comprobet. Quid hic posset re-

plicare Osius? H I L. Te tuiq̄ similes adorare ver-  
ba Lutheri: Hoc enim de Vergerio quoq̄ sigilla-  
tim dixit. A T H. Sicophantica calumnia. Quan-

quam alio etiam modo possem respondere, nempe,  
Lutherum non eo sensu scripsisse, quo cauillatur

Osius: Osius enim Serenissimo Regi persuadere  
ninitur, quod Lutherus Papatum habeat pro re sa-

cro sancta, in quo sit vera scripturæ interpretatio,  
verus Sacramentorum v̄sus, verę claves, ad peccato-

rum remissionē, pura verbi Dei prædicatio &c. sed  
quis iam nescit, Lutherum toto (vt aiunt) cœlo ab

hoc dissentire? Quorsum hic attinet loca ex eius li-  
bris adducere? Cum ergo Osius, super falsissimo

verborum Lutheri intellectu, voluerit ædificare, tota  
 corruit fabrica, totum argumentum. H I. Corruit  
 reuera, Lutherum autem ad eum in modum loquutum  
 fuisse manifestum est, ut cōpesceret arcq; frenaret du-  
 os Plebanos: Nā ad eos scribit, quos videbat respue-  
 rebaptismum in Papatu susceptum, vt fuit semper  
 acerrimus Anabaptistarum hostis. Deinde non ne-  
 gamus, ex ea Ecclesia, quam postea Papatus tam hor-  
 ribili tamq; sacrilega tyrannide occupauit contami-  
 nauitq; dimanasse, in multas Christiani orbis par-  
 tes, verum Baptismum, vera Sacra menta, verum  
 prædicandi officium, & verus nucleus (vt Luthe-  
 rus ait) Christianitatis. Sed hæc tā magna bona non  
 promanarunt ex Papatu, sed ex vera Ecclesia Chri-  
 sti a Papatu (vt dixi) oppressa. A T H. Assentior,  
 Sed non possum satis mirari tum peruersitatem in-  
 genij, tum impudentiam Osij singularem, qui post  
 XL annos, quibus tota hæc causa, summa diligen-  
 tia, agitata est, vt iam sit in omnibus terrarum orbis  
 angulis notissima, ausus fuerit prodire & hoc  
 quoq; iactare, atq; in Serenissimi Poloniae Regis  
 auribus instillare, nos veram sacram Scripturam,  
 verum Baptismum, verum Eucharistiæ Sacramen-  
 tum, veras claves ad remissionem peccatorum ve-  
 rum predicandi officium, verum Catechismum, ue-  
 rā Christianitatē, verum deniq; nucleus Christiani-  
 tatis cupere sublatum. An nō prodibit alicundè qui-  
 spiam, qui eius Regiam Maiest. coram moneat ista-  
 rū imposturarum Varmiensium & Diabolicarum?

DIALOGVS QVARTVS.

HIL. Hac autem cantilena, quod scilicet Lutherus dixerit, in Papatu esse verā sacram Scripturam &c. vñq; adeò delectari videtur Osius, vt eam non modo in hoc paruo, sed etiam in maiore, de quo sumus loquuti libro, occinere voluerit, magna cum lætitia atq; insolentia, nec pudet tam inanis & tam falsa repeteret & Sophisticari. A T H. Sunt ne huiusmodi reliqua argumenta, quibus in hoc libello vñtitur.  
HIL. Dixi tibi, me tantum inspexisse: Non enim fuit ocium, quo licuerit perlegere, sed in paucis illis paginis, quas legi, olfeci putidissima esse pleraq; omnia. Vnum nunc audi. Tu scis quām fuitiles rationes & causae à Papistis recenseantur, quamobrem nolint, vt laici è calice bibant. A T H. Scio, commorantur à Gersone Cancellario Parisiensi, qui cùm in præclaro illo Constantiensi Concilio interfuerit, audiuit ab ipsis patribus, cur licet & rationabiliter, (sic enim ipse loquitur) Christi mandatum de danda vtracq; specie intermitti potuisse existimarint.  
HIL. Scio in hoc tuo Musæo esse Gersonis libros, oro legamus locum: nec enim cōmodius possum Osianā impudentiam leuitatemq; patefacere. A T. Legamus, statim inueniam est in prima parte. Ad est, accipe. HIL. Tulege. A T H. Vnde dicunt eorum plurimi, qui super hoc fuerunt simul congregati, quod consuetudo de non communicando, Laicos sub vtracq; specie, licet & rationabiliter, fuit introducta, præsertim post multiplicationem fiduum.

lium. HIL. Quasi Christus cùm cænam institueret  
 dicereicq; bibite ex hoc OMNES ignorauerit fo-  
 re, vt fidelium numerus cresceret, Ostultos atq; im-  
 pios homines, in quorum numero ostendam tibi  
 mox Osium esse, qui istas Patrum Constantiensium  
 rationes à Gersone recitatas, vtpoë iustissimas gra-  
 uissimasq; commendat, perge. A TH. Et hoc prop-  
 ter euitationem multiplicis periculi, irreuerentiae  
 & scandali circà susceptionem huius benedicti Sa-  
 cramenti, primum periculum est effusionis. HIL.  
 Pudet profectò audire, nedum de his verba facere,  
 quare ne expectes, vt singulas rationes confutem,  
 Perge. A TH. Secundum in deportatione de loco  
 ad locum, Tertium in Vasorum sordidatione, quæ  
 deberent esse sacrata, nec passim tractata, vel tacta à  
 Laicis, & multò minus deberet vinum consecra-  
 tum vendi Apothecis, sicut fit apud tales, vt dici-  
 tur. Quartum in barbis longis Laicorum. HIL.  
 Non possum me continere, quin hic aliquid dicam.  
 Non ne Osius hoc saltem in loco grauissimè sentit,  
 vt Laici barbati arceantur à calice, ne qua vini, aut  
 sanguinis guttula forte hæreret in pilis, o ineptissi-  
 mum Scriptorem, Sed cur arcentur qui non lon-  
 gas barbas, aut qui nullam habent, in primis cur fe-  
 minæ perge. A TH. Quintum in conseruatione  
 pro infirmis, quoniam posset in vase Acetum ge-  
 nerari, & ita desineret ibi esse sanguis Christi, nec  
 suscipiendum esset, nec nouiter consecrandum, sìne

DIALOGVS QVARTVS.

Missa & fieri posset, quod daretur acetum purum,  
pro sanguine Christi. HIL. Iesu, Iesu quid audio.  
Potest ne quicquam magis putidum, magisue pa-  
pisticum excogitari? & tamen hoc quoq; laudat O-  
sius, præsertim quod è calice diffugiat atq; euane-  
scat Christi sanguis, si vinum cœperit acessere? per-  
ge. A TH. Addito, quod in æstate Bibiones, aut  
musce generarentur, quantumcunq; esset vas clau-  
sum, quandoq; etiam putrescerent, aut fieret veluti  
abominabile ad bibendum, & hæc ratio est efficax  
valde & exalia ratione, quando multi præbibissent.  
HI. Proh pudor, En, in quas soueas, in quæ deliria  
præcipites ruunt, qui deserunt purum verbum  
Dei. Perge. A TH. Et quæritur in quo vase fieret  
consecratio tanti vini, quantum requireretur in Pa-  
scate pro decem, aut viginti millibus personarum,  
sextum dampnum esset in sumptu vini, saltem apud  
multas partes, in quibus vix inuenitur vinum ad  
celebrandum, & alibi charè comparatur. Eset præ-  
terea, periculum in congelatione, hactenus Ger-  
son, Ecchius vero ad istas addit duas rationes, au-  
di vtracq; Rem miraculis testamat refert Alexan-  
der de Ales, quod cum religiosi instarent pro sum-  
ptione sub vtracq; specie, dum Sacerdos esset in acti-  
one Sacramenti, apparuit patina plena sanguine,  
quod videntes religiosi obstupuerunt, quo signo,  
petitio eorum cessauit. Porro credendum est, a pri-  
mitiu Ecclesia, incepisse Laicos communicare sub  
altera

altera specie, & quòd sit vnum, quod ueniat ex Traditione Apostolorum: quia initium huius monstrare nemo potest, Nihil est in summa his rationibus stultius, aut sto' idius, nihil falsius, quorsum attinet confutare: HIL. Itanè censes? A TH. Quasi tu alter sentias, HIL. Non sentio aliter & nihilominus Reuerendum Patrem D. Osium, mox Cardinalem futurum, in tanta, quam vndiq; videmus inclarescere (sine, vt hic quoq; repetam) luce diuinæ doctrinæ, in hoc seculo tam emuncto atq; erudito, pronunciare non puduit, istas fuisse iustissimas grauissimasq; rationes, quamobrem à mandato Christi discederetur A TH. Boni consule, vix tibi credo, fuisse tam insanum & tam leuem, vt hoc scripserit. HILA. Credas ergo verbis eius, quæ tibi adducam. Cæterum si iusta ratione factum es seputas, quòd ab omni sacramentali participacione Christi corporis & sanguinis arcet infantes Ecclesia, cur non itidem de illa tibi persuades, quòd Calicem quoq; dare Laicis intermisit, non eam fecisse, nisi iustissimis grauissimisq; rationibus ad ductam? A THA. Non recenset rationes sigillatim. HILA. Quid attinebat? quas enim alias adducit Ecclesia Papistica, quam eas, quas ex Gersone & Ecclio recitauit? A TH. Consentio, Osius reuera non potuit de alijs rationibus intelligere, has ipsas appellat iustissimas, grauissimasq; (si Deo placet) Sed

DIALOGVS QVARTVS

Sed illud quoque in eptum esse animaduerto, quod  
hic dicit, si iusta ratione Ecclesia arcet infantes ab  
Eucharistia, iusta quoque ratione calicem negat Laicis  
HIL. Est reuerata in eptum atque absurdum: Nā quod  
infantes sumoueantur à cœna & à participatione  
corporis & sanguinis Christi, videtur fieri autorita-  
te verbi Dei: Apostolus enim exigit, ut seipso pro-  
bent, qui de pane illo manducaturi, & de calice bi-  
bituri sunt, Sed non potest corpus domini dñjudica-  
re, qui rationis est expers, Quod vero Calix dene-  
getur Laicis, est omnino contraria Dei Verbum,  
ATH. Non est dubium, Quare iusta ratione Eu-  
charistia infantibus, iniuste autem Calix Laicis ne-  
gatur. HIL. Cum multa simus de his loquuti, vt sit  
iam desinendum, Audi aliam grauissimam Osi senti-  
entiam, à qua intelliges quanti ipse hos duos arti-  
culos faciat de Calice scilicet Laicis, & de vxore Sa-  
cerdoti permittenda. Ait, quod his duobus articu-  
lis concessis, euerteretur Papatus vniuersus, hoc  
est, vniuersus Christianismus aboleretur. ATH. Ie-  
su, quale iudicium, iocatur fortasse? HIL. Minime  
gentium, maximo serio loquitur, audi ipsam besti-  
am loquentem ATH. Nimium urges, qui bestiam  
eum appellas, HI. Vocabi etiam superius, non ne  
obseruasti? cum ipse sanctæ memoriae M. Luthe-  
rum, eo nomine salutare veritus non fuerit. Audi  
igitur ipsam bestiam loquentem. Toto cœlo (quod  
aiunt) errant qui dicunt: Si Calix Laicis, uxores  
Sacerdo-

Sacerdotibus permittatur, inter Christianos & Lutheranos facile concordiam esse coitaram. Egregia vero concordia, per quam non vitia Papatus, quod ferri tamen possit, verum ipse Papatus vniuersus euertitur, hoc est, Christianismus omnis aboleatur. A TH. Dispeream si non videor mihi somnare & quodammodo dubitare, num quae audio, audiām reuerā, usq; adeò, præter id, quod putaram, video esse futilia & putida, sed missum facientes istum minorem ineptiarum gurgitem, reuertamur ad maiorem & pergamus de Concilio, vnde discessimus, conferre. HIL. Ut lubet, Veneramus ad eum locum, ubi Osius cum suo Asoto vult, ut promissio de præsentia Christi & gubernatione Spiritus sancti pertineat æquè ad omnes, qui ad Concilia conueniunt Episcopos, siue sint boni viri, siue mali, siue docti siue indocti, Demus nunc ( posito & non concesso ) quod ad papisticos & Carnales Prælatos ea promissio trahi posset, quo nihil punto posse absurdius dici aut excogitari, sed demus, inquam, quæro ab Osio, si Concilium autoritate Papæ, Tridenti, vel alibi iterum conueniret, eius vero Episcopi omnino prohiberentur propriam eorum sententiam dicere, eorumq; conscientiæ satisfacere, verum id tantum cogerentur, clausis oculis, in sessionibus proferre, quod Papa, per suos Legatos, indies mandasset, putaret ne Osius Spiritum sanctum descendere in tales Episcopos, qui hæc  
a rerent

DIALOGVS QVARTVS

rerent illic, vt mancipia, ac potius, vt muta per se organa, quæ aliunde spiritum expectarent, tantæç tyrannidi turpissimè seruirent? HIL. Osium negaret posse id contingere. A TH. Contigit tamen in Tridentino, quis iam nescit? Sed singat posse contingere, an adhuc censeret tam turpi imposturæ, quæ fieret Ecclesiæ Christi, affuisse Spiritum sanctum? HIL. Crediderim tandem responsurum, affuisse, quocunç demum modo res fuisset gesta, dum modo conuenissent, nihil enim referre siue de suo, siue de alieno pronuntiassent, etiam si id minimè intellexissent, aut si contra conscientiam pronuntiassent. A T. Ego quoç sic responsurum crediderim, vsq; adeò video hominem dementatum fascino Papali. Sed aliud quoç ab eo quæsierim, Toties iactat, quod Episcopi sint legitimi Apostolorum successores, quod semper ad Episcopos pertinuerit, de doctrina religionis, cognoscere, quod Episcopis, in Concilio congregatis, nou possit non adesse Spiritus sanctus. Cur ergo patiuntur eam legem sibi impositam, qua Cardinalibus, qua Abbatibus, qua Prefectis, aut Generalibus (vt appellat) Monachorum & sectarum datur potestas, vt in Concilio tanquam iudices sedeant? Nunquid hi quoç sunt Apostolorum successores? nunquid hoc genus sed sit vñquam in veteribus Concilijs? cum necç Cardinales, necç Generales tunc ulli fuerint? Quid putas Hilari ad hæc responsurum Osium? Extat enim lex (ut scis) quod

quod Cardinales, Abbates, et Generales debeant esse vna cum Episcopis in Concilijs iudices. HIL. Crediderim hoc Osio summè displicere, vt potè quod Episcoporum ordini summum præiudicium afferrat, eorumq; autoritatem extenuet, nec possit vlla ratione defendi, est enim inuestum ex mera tyranide Paparum, Osium tamen non ausurum mutare, vt est eorum adorator, adulatorq; maximus. ATH. Quid si, vt hanc quoq; absurditatem tyrannidemq; defenderet (vt tam multas alias solitus est) id adduceret, quod Cardinales, non vt Cardinales, sed vt Episcopi sedeant in Concilijs iudices: habent enim Episcopatus quoq; HIL. Responderem, fortassis esse aliquot Cardinales, qui nullum Episcopatum habet, cur ergo hi de doctrina religionis cognoscent disiudicarentq; sed quærerem ab eo aliud, à quo nunquam crediderim eum se posse extricare, cum multi sint Cardinales, qui tres, quatuor, et plures Episcopatus habeant, cur his altem, vt Episcopi, ad iudicandum in Concilijs à Papis non admittuntur, quamvis lex disertissimis verbis, vt admittantur, iubeat. HIL. Nesciebam hoc, non admittuntur reueras ATH. Non admittuntur. HIL. Et tamen lex, vt admitantur, iubet. ATH. Iubet. HIL. Admittuntur tamen Generales atq; Abbates. AT. Maxime. HIL. Quid hoc sibi vult. ATH. Dicam, Romæ rarissimè videoas Cardinales conuenire, atq; vna versari, præterquam publicè in Concistorijs, ad que à Papa vocantur, adestrq; ipsemet Antichristus.

a ñ HIL,

DIALOGVS QVARTVS.

HIL. An non agitant inter se cōuiuia multi simul?  
ATH. Rarissimè, aut fermè nunquam, vix vñus,  
aut alter solet inuitari & hoc quoq; per raro. HIL.  
Quid ita? ATH. Quia vident, id Papæ summè di-  
splicere. HIL. Fortassis quia nollit, vt magni sum-  
ptus & luxus in conuiujs fiant? ATHA. Id curat  
scilicet, vt sumptus & luxus cohibeantur. Sed di-  
splicant Papæ Cardinalium conuentus, siue in Cō-  
uiujs, siue alibi fiant, quia nouit ingenia suarum cre-  
aturarum, nouit eas ardere incredibili cupiditate &  
rabie Pontificatus adipiscendi, & propterea solere  
multa machinari, quo per phas perq; nephas Pa-  
pam è solio deturbent, quam ob causam prohiben-  
tur ad Concilia (vbi non intersit Papa quoq;) acce-  
dere. Bis, aut ter vidimus Concilium, à Paulo III.  
& à Julio III. indictum, & Episcopos multos con-  
uenisse. Nunquid autem ullos audiuimus Cardina-  
les affuisse, præter eos, qui pro Papa legatione fun-  
gerentur, modo tres, modo vnum duntaxat? HIL.  
Bone Deus, quales tricas, quales artes, aut practicas  
audio; istis Papis omnia sunt suspecta, viuunt dies  
noctesq; in maxima solicitudine, hinc venena, hinc  
conspiracyem etiam à suis met creaturis, metuen-  
tes, omnino ut Tyranni solent. ATH. Sed redea-  
mus ad librum, si modo habes amplius, quod ex eo  
referas. HIL. Habeo adhuc vnum atq; alterum. O-  
suis insultat nobis, summa petulantia, centies repe-  
tendo, quod præciderimus nos ab Ecclesia, iactat  
autem

autem se, quod in gremio Ecclesiæ, cum alijs Scribis  
& Pharisæis, conditus sit. A T H. Ea est vetus Papi-  
starum cantilena, sed qui voluerit Osio, quod ad i-  
stud speciosum nomen Ecclesiæ, quo illi in primis  
se tuerint & mire exornant, exactè respondere, la-  
tissimum campum, in quo excurrat, habiturus est,  
& valde bonam causam. Certe nulla est tanta apud  
eos turpitudo, nulla tanta fæditas, quam non co-  
nentur sub isto umbraculo, prætextuq; Ecclesiæ oc-  
cultare & pro re sanctissima venditare, putantq;  
omnium, qui reprehendere aliquid in ea voluerint,  
ora claudere statim posse, ubi dixerint, Ecclesiam fe-  
cisse, Ecclesiam tolerasse. Quid autem Ecclesiam no-  
minent, omnes sciunt, armentum scilicet illud Ra-  
forum & Vñctorum, qui pascuntur in septem col-  
libus, propè ripas Tyberinas; Nam in illum angu-  
lum rede gerunt totam Ecclesiam vniuersalem. Illud  
autem in primis erit exagitandum ab his, qui Osia-  
no libro, ubi inciderit locus de ista Ecclesia, volue-  
rint respondere, quod sœpissimè sacrificulus, vel  
monachulus quispiam, aut etiam ex fece vulgi ali-  
quis, crassissimam fabulam atq; Idolomaniam, e suo  
cerebello somniabit confingetq; Armentum illud,  
de quo dixi, non impediet, non reprehendet. Qua-  
re si Idolomania postea in immensum excreuerit, fu-  
eritq; inuentus aliquis bonus vir, qui spiritu Dei  
accensus reclamare voluerit, is confessim audit, non  
esse reclamandum, si Ecclesia non reclamat. Possent

DIALOGVS QVARTVS.

Hic plurima exempla adduci, sed vnicum duntaxat,  
quo res fiat planior, adducam HIL. Est locus non  
parui momenti, perge, attente audio. A TH. Vix  
vlla est in toto Papatu crassior fabula & turpior  
impostura, quam quæ à Papistis de Idolo Lauren-  
tano conficta est, aiunt enim Angelos, anno Do-  
mini 1390. aut circiter, abscidisse ex fundamentis &  
ex Iudea, primum in Illyriam, deinde in Picœnum,  
trans mare Adriaticum, in quandam syluam, dein-  
dè in quēdam montem, postremò propè oppidum  
Recanatum portasse illud ipsum cubiculum ( sine  
vllis fundamentis dico ) in quo virgo Christi ma-  
ter fuerat nata, in quo æducata, in quo lætum nun-  
tium ab Angelo accepit, in quo filium æducauit,  
Domini Papæ, cum eorum Tyberina Ecclesia, aut  
armēto, hoc, post natos homines, foedissimum hor-  
ribilissimumq; mēdacium nunquam reprimere uo-  
luerunt, imo indies conati fuerunt, pro summa eo-  
rum auaritia, atq; impietate, conciliare illi fidem &  
autoritatem, vt tota non modo Italia, sed Respub.  
tota baptizatorum fuerit, per illam crassissimam de-  
testandissimamq; idolomaniam, veluti dementa-  
ta, neq; ullus unquam fuerit, inuentus, qui ausus fu-  
erit mutire, vt etiam num nemo audet ex his, qui sub  
Papatu degunt: statim. n. ad ignem, tanquam h̄e-  
siarcha quispiam, Christi incarnationem negans, ra-  
peretur, qui auderet quempiam monere, vt ab illa  
impostura atq; idolomania caueret, nullo enim mo-  
do pati possunt, vt quis, quod Rom. Ecclesia tolerat  
( quic-

(quicquid illud tandem sit) vel uno verbulo redarguat, Potest ne excogitari vlla oppressio, & tyran-nis, quæ cum ista conferri possit? Dic Hilari quo-modo hanc posset excusare tuus Osor, qui tam multa alia excusat tyrannidis & impietatis portentas. HIL. Si factus Cardinalis in Italia constiterit, credi-derim eum, hunc quoq; laborem subiturum, vt fa-bulam Lauretanā, vna cum Stigmatibus Francisci pro re verissima, defendat, quare tunc visurus es, qua ratione sit excusaturus, in primis nō est dubium, quin dicturus sit, quod in his tribus librīs suis fre-quentissimè iactat vrgetq; Ecclesiam habere spiri-tum Dei, quare non posse non uerum esse, quod ab illa probatur, aut toleratur, tametsi id nobis falsum atq; enorme videatur. A T H. Scio hanc esse Osi doctrinam et normam perpetuam, sed quæro, num reuerā possit dici Ecclesia Dei ea, quæ palam falsa, palam absurdā, palam enormia & blasphemia tacitē vel expresse approbat? quemadmodum ea sunt, que in Lauretana fabula narrantur, imo si nihil aliud haberemus, quo possemus euincere Rom. Ecclesi-am nihil minus habere, quam spiritum veritatis nihilq; minus curare, quam gloriam Dei, vnum hoc satis esset, sine vlla dubitatione, quod tam fa-bulosum idolum, tam enorme, tam blasphemum in pulcherrimo omnium totius orbis theatro, hoc est, in media Italia fouere atq; colere non erube-scit, ferro interim atq; igne prohibetis, ne quis eam esse fabulam & imposturam dicat. A T H A.

Sed

DIALOGVS QVARTVS.

Sed quid tu nunc de stigmatibus Francisci, an hæc  
quocq; inter fabulas recensenda putas? HIL. Quasi  
non noris. Proh Deum omnipotentem, quanta fu-  
it hominum cæcitas, quanta impudentia & tyran-  
nis Paparum, qui illud quoq; idolum, horribilissi-  
mis quibusdam blasphemis, circumseptum orbi ob-  
truserunt, ut non puduerit literis mandare, Franci-  
scum fuisse alterum Christum, quinq; vulneribus  
insignitum, quibus etiam homines saluari possent  
Potest ne quicquam excogitari horribilius blasphe-  
miasq; Nihilominus hoc quoq; prorsus Diaboli-  
cum commentum, sub magno illo Ecclesiæ umbra-  
culo atq; prætextu, contingunt atq; defendant.  
Quocirca (ut ad punctum veniam, neq; enim obli-  
tus sum) cum Osor id sæpiissimè vrgeat, quod se-  
parauerimus, quod præciderimus nos à corpore  
Ecclesiæ, ad hunc modum illi respondendum pu-  
tarem. A TH. Perquam libenter hoc audio: Nam  
nihil aliud crepant aduersari HIL. Vtor exemplo  
Reipublicæ Venetæ, quam omnes norunt bonis  
legibus, bonoq; ordine institutam, si vlla vñquam  
fuit, ut vnum duntaxat illi deesse videatur, hoc est,  
vt suis Ecclesijs ad normam Euangelijs repurgatis,  
subduceret se à Papraum idolomanis & tyrannide,  
quod si faceret (ut facturam aliquando non despe-  
ro) omnium Republicarum, Regnorum, & Impe-  
riorum fœlicitatem superaret. Si forte contigeret  
(quod absit) vt nonnulli ex Senatoribus, occupata  
illuc

illie perpetua dictatura conculcatisq; legibus, sum=  
 mam rerum ad se traherent, & pro libidine regnan=  
 tes cogerent reliquos turpiter seruire, postquam  
 autem eam tyrannidem per aliquot annos exercuis=  
 sent, Deus misisset occasionem, qua Respublica, eie=  
 etis tyrannis, pristinam libertatem inciperet recu=  
 perare atq; gloriam: quæro ab Osio, quæm explo=  
 dendī & exsibilandi essent tyranni, qui de ciuibus  
 enitentibus Reipublicæ libertatem instaurare, ad  
 hunc modum conquererentur: cur præciditis vos à  
 nostro dominatu? cur à Reipublicæ gremio disce=  
 ditis? H I L. Video quò spectes, vis dicere nos non  
 discedere ab Ecclesia Christi, imò cupere eam in li=  
 bertatem vindicatam instauratamq;, cum ab istis  
 Rasis & Vnctis fuerit diu miserè oppressa & penè  
 deleta, sed ab istis, qui eam oppresserant nos disce=br/>
 dere, hic est tuus sensus, ni fallor. A T H A. Non fal=br/>
 leris, isti Osij minimè possunt nos vocare deserto=br/>
 res & rebelles veræ Ecclesiæ, aut si vocant, iniquis=br/>
 simè faciunt, verum nos, hoc nomine eos accusare  
 merito & grauissimè possumus: Nam, summa re=br/>
 rum per tyrannidem ad se delata, Euangelium filij  
 Dei fædissimè obscurarant concularantq;. Gratias  
 autem agimus æterno Patri, Domini nostri Iesu  
 Christi, qui nobis tantam fœlicitatem elargitus est,  
 vt potuerimus tandem videre hæc tempora, qui=br/>
 bus Sacrilega & turpissima istorum tyrannis, so=br/>
 le verbi sui, vscq; adeo patescata & debilitata sit, vt

DIALOGVS QVARTVS.

tam multæ Ecclesiæ potuerint contra tantam vim  
atq; potentiam instaurari, & multò plures propedi-  
em instauratum iri non dubitemus. HILA. Audi  
quid hic Papistæ præsertim Osius dicat, si quid for-  
tè fuisset in religione corrigendum , non decuisse  
nos de facto agere, sed expectare Paparum iudicia.  
ATH. Scilicet, Respublica oppressa expectabit iu-  
dicium tyranni , qui eam à seruitute eripiat. HIL.  
Audi aliud in hoc genere videbisq; vt perget insa-  
nire Osius. Si Princeps tuus Brenti, hoc sibi sumere  
volebat (vt scilicet Ecclesiæ suæ ditionis reforma-  
ret) prius eum conuocare Christianum orbē opor-  
tuit. ATH. Proh Deum atq; hominum fidem, per-  
ge perge. HIL. cum te accusantem, orbem Christia-  
num pro se dicentem audire, atq; ità demum vel tu-  
am, vel catholicam doctrinam condemnare. ATH.  
Ostultitiam singularem. HIL. Fortè posset hic ex-  
cusari, quod per quandam exaggerationem & hy-  
perbolice, vt aliquando fit, ad hunc modum cum  
Brentio egerit. ATH. Excusa tu quantum volue-  
ris, mihi despere videtur, qui ad hunc modum lo-  
quitur. HIL. Audialium locum consimilem, Ver-  
getius Serenissimum Poloniæ Regem reuerenter  
monuerat, vt , de reformandis suis Ecclesijs delibe-  
rationem susciperet , cum præsertim ipsemet Papa,  
ipsimet electi Cardinales, Episcopi, & qui in Con-  
cilio Tridentino præsidebant Legati , clarissimis  
verbis pronunciassent , Ecclesiam omnino habere  
opus

opus emendatione , & tamen non modò nō emen-  
darent ipsi , sed pro hæreticis haberent , & crudelis-  
simè ferro flammisq; absumerent quotquot possent  
deprehendere , qui vel doctrinam religionis , vel  
mores cleri corruptissimos auderet taxare. A T H.  
Hoc verissimum esse omnes iam sciunt , Papas , Cat-  
dinales , & Episcopos disertè fateri , Ecclesiam maxi-  
ma reformatione indigere , nolle eos vel per Con-  
cilium , vel aliam rationem , reformationem ullam  
afferre , & tamen interea non desistere ferro atq; ig-  
ne persecui eos , qui corruptiones atq; errores vel  
reprehendant , vel deplorant , quæ est profecto  
summa , & post natos homines , incomparabilis ty-  
rannis. Quare Vergerius Serenissimum Regem  
recte monuerat , vt sua Maiestas Ecclesiæ , quæ sunt  
sub eius imperio , tandem reformaret ipsa. H I L A.  
Rectè ne tibi videtur monuisse ; A T H A. Recti-  
simè H I L . Et mihi quoq; , & hauddubie omnibus  
bonis viris ita videbitur. Sed audi quid Osio vi-  
deatur , sic enim inquit. Vide autē Serenissime Rex .  
quam ineptum , quamq; sit absurdum & ab omni  
ratione prorsus alienum , quod admirator Bren-  
tij postulat Vergerius. Fides de qua controuerti-  
tur , non est huius , aut illius nationis , multò mi-  
nus huius , aut illius hominis , verum dicitur &  
est Catholica , est omnium , Omnia inquam , gen-  
tium , Regnum , Nationum , est orbis vniuersi  
Christiani , Et de eo , quod omnium est , quod est .

B ij orbis

DIALOGVS QVARTVS

, orbis totius Christiani, vult Vergerius, vt vnus a=,  
liquis Princeps, aut Rex, qui quotam illius partem  
, obtinet sibi iudicium usurpet. Nunquid hunc ho=  
minem tu vel micam sanæ mentis habere putas? E=  
tiam communi sensu destitutus esse videtur. Quid  
tibi videtur Athanasi: A TH. Videtur mihi Osium  
esse non modo garrulum, sed verè constare ex felle,  
Deum immortalem, quam prauum iudicium, &  
quantam amarulentiam hic video. Si Vergerius,  
quia ita sentit, non habet micam sanæ mentis, vt etiā  
communi sensu destitutus videatur, sunt mente de=  
stituti aliquot clarissimi Reges, plurimi amplissimi  
Principes, multi honestissimi status & ordines,  
quos illud ipsum, quod Vergerius à Serenissimo  
Poloniæ rege postulauit, vidimus in omnibus eo=  
rum ditionibus fecisse, hoc est, suas Ecclesias emen=  
dasse, inuitis & frementibus Papis. Quare Verge=  
rius nō feret moleste, se à furioso, fanatico qz Papista  
proscindi, quia id sentiat, quod sentit tam magna &  
tam illustris Europæ pars verbo Dei innixa. H I L.  
Verum ad id quod Osius adducit, fidem, de qua  
controuertitur esse Catholicam, hoc est, omnium  
gentium, regnum, nationum, quare non posse v=  
num aliquem Principem aut Regem, qui parvam  
aliquam eius partem obtinet, sibi iudicium de ea fide  
usurpare, quomodo putas Vergerium responsu=  
rum: A TH. Ad hunc modum: Quid ergo facien=  
dum esset ynialicui Principi, aut Regi, qui videret  
aliquid.

aliquid esse in suæ ditionis Ecclesijs emendandum;  
 si dixeris, expectandum, vt reliqui quoq; Reges &  
 Principes cōsentiantur, velintq; Ecclesijs emendatas  
 Quām diu esset expectandum? Et tandem, si post  
 diuturnam expectationem, reliqui ab emendatione  
 abhorrent, quid faceret ille vnuis aliquis Princeps  
 aut Rex, cui gloria Dei esset cordi; deberet ne æter-  
 nam suam & suorum populorum salutem neglige-  
 re. HIL. Recte raciocinaretur Vergerius, Sed non  
 est dubium, quin Osius responderet, illum vnum  
 Principem, aut Regem non debere contingere  
 causam religionis, necq; in sua quidem ditione, quā-  
 tuncunq; illi videretur eā correctione indigere, sed  
 debere ferre, quia reliqui Principes ferunt. A TH.  
 Vergerius ad hæc diceret, quid si reliqui Reges aut  
 Principes essent ex eo genere, qui nihil minus cura-  
 rent quam religionem suamq; & subditorum æter-  
 nam salutem? HIL. Osius responderet, quacunq;  
 demum ex causa, reliqui recusarent in emendatio-  
 nem consentire, nō licere vni alicui Regi, aut Prin-  
 cipi vllam correctionem adornare, & curare num  
 animæ sint perituræ. A TH. Credo Osium isthæc  
 et longe absurdiora fuisse dicturum in gratiam eius,  
 qui propè Tyberim sedet in colle Vaticano, Nam  
 isti tyranno ingenium & calamum ( vt diximus )  
 turpissimè locauit. Sed vnum verbum nobis dicen-  
 dum est de eo, quod iste ait, Fidem scilicet, de qua  
 controvèrtitur esse omnium gentium, regnorum

DIALOGVS QVARTVS.

& nationum, quale hoc tibi videtur: HIL. Osius sophisticatur: Hic. n. perinde loquitur ac si loqueretur de aliqua iurisdictione, quæ ad multos dominos pertineret: Nam de hac nullus ex dominis potest quicquam statuere, nisi reliqui consentiant: ponamus non posse, At in fide Catholica, hoc est, per totum orbem diffusa, longè aliud esse quis non videt: Papistæ enim usurparunt sibi (ut iam diximus) hoc nomen, ut velint esse, catholica Ecclesia, verum eam nostram esse constanter asserimus, ut nihil aliud velimus, quam quod vetus illa Christi & Apostolorum Catholica, seu vniuersalis, seu per totum orbē diffusa Ecclesia nobis præscripsit, (quicquid vllulent isti Osij.) Quare cum Vergerius Serenissimum Poloniæ Regem monuerit, ut de reformatis Ecclesijs deliberationem susciperet, nihil minus monuit, quam, ut Catholicam fidem proijceret, ut falsissimè interpretatur depravator Osius, verum monuit, ut de abolendis abusibus, depravationibus, & erroribus cogitaret, quos Papistæ inuexerunt, & pro Catholica Ecclesia venditant. A T. Hic obstreperet Osius, iterum negans (nosti ingenium) inuectas fuisse vllas depravationes, aut vllos errores. HIL. Ego uero rursus obijcerem illi, non modo delectorum Cardinalium & Legatorum Concilij (de quibus sumus loquuti) sed Papæ Adriani VI. autoritatem, Audi Athanasi, cum Brentius huius Adriani, qui ingenuè statum Rom. Ecclesiæ, deplorauit,

uit, verba obiecisset Asoto, Osius vero videret sibi  
phas non esse, quod suus Deus dixisset negare, vi-  
cissim adduxit contra nos verba quædam M. Lu-  
theri (ut suprà diximus) quasi vero nos tanti facia-  
mus Lutherum, quanti ipsi suum Papam faciunt;  
sed quod plus est, Lutherus nihil reuerat contra nos,  
at Adrianus Papa grauissima verissimaq; contra il-  
los. A TH. Vidi aliquando, sed non memini præ-  
cisè. HIL. Nihil facio libentius, quam, ut illa reci-  
tem, audi Adrianum, Scimus in hac sancta sede, ali-  
quot iam annis, multa abominanda fuisse, abusus in  
spiritualibus, excessus in mandatis & omnia deniq; in  
peruersum mutata. Omnia, inquit, omnia in per-  
uersum mutata, tam in temporalibus, quam in spi-  
ritualibus, sincera doctrina scilicet & verus Dei  
cultus, omnia deniq; omnia (qui omnia dicit ni-  
hil excludit) in peruersum mutata. A THA. Con-  
feramus verba Osij cum verbis Papæ, Osius ait, ut  
initio ostendimus, antè non multos annos omnes  
Christum vnanimiter professos fuisse, in hoc solo  
gloriosos & nullum aliud Euangelium sciuisse, nisi  
quod a Christi Spiritu profectum de Christo, per  
Christi discipulos scriptum esset, & talem in summa  
fuisse Ecclesiam, qualis fuerit Primitiva, Papa vero  
ait. Scimus in hac sancta sede, aliquot iam annis, .  
multa abominanda fuisse, abusus in spiritualibus, .  
excessus in mandatis, & omnia deniq; in peruer-  
sum mutata, A THA, Perge, HILARIVS.  
Nec

DIALOGVS QVARTVS.

, Nec mirum, si ægritudo à capite in membra, à sum=,  
, mis pontificibus in alios inferiores Prælatos de=,  
, scenderit. Omnes nos ( id est Prælati Ecclesiastici )  
, declinauimus, vnuſquisq; in vias suas , nec fuit iam  
, diu, qui faceret bonum, non fuit vſq; ad vnum. HIL.  
Tales Prælatos , quos Papa affirmat esse corruptis  
moribus , quos fatetur declinasse à quærenda glo=,  
ria Dei, & quærere quæ sua sunt, tales, inquam, vel=,  
lent nunc nostri aduersarij nobis obtrudere pro iu=,  
dicibus cælestis doctrinæ, hoc est, se ipsos obtrude=,  
, re, Audi quæ sequuntur : Polliceberis nos omnem  
, operam adhibituros , vt primum curia hæc , vnde  
, forte omne hoc malum processit, reformetur , vt si=,  
, cut inde corruptio in omnes inferiores emanauit,  
, ita etiam ab eadem sanitas & reformatio omnium  
, emanet. Ad quod procurandum nos tanto arctius  
, obligatos reputamus , quanto vniuersum mun=,  
, dum huiusmodi reformationem auidius desiderare  
videmus. A TH. Ingenuè agit Flandrus iste Adri=,  
anus, cum fateatur omne malum processisse à curia  
, Romana. HIL. Maiora audies . Subiçimus colla=,  
summæ dignitati , non ob dominandi libidinem,  
, neq; ad ditandos propinquos nostros, sed ad diuine=,  
, voluntati parendum, ad deformatam eius sponsam  
, Ecclesiam Catholicam reformandam. Heus Oſi, tu=,  
us Papa, tuus Deus affirmat Ecclesiam Catholicam  
esse deformatam, rectissime ergo facit , neq; est di=,  
cendus carere ( vt tu de Vergerio dixisti ) commu=,  
ni

ni sensu, qui vrget, vt reformatur. A TH. Victus  
est Osius. Sunt ne plura ex Adriano & HI. Sunt &  
quidem grauissima: Quanquam nemo mirari de-  
bebit, si non statim omnia ERRATA & abusus  
omnes per nos emendatos viderit. Inueteratus ni-  
mium morbus est, nec simplex, sed varius & multi-  
plex, pedetentim in eius cura procedendum est.  
A TH. Dicit ne ERRATA: HIL. Dicit. A T.  
Papistæ fatentur esse abusus in Ecclesia, errores ne-  
gant, at Papa errores quoq; affirmat esse & inuete-  
ratos morbos, varios atq; multiplices: hic quoq;  
conferamus verba Osij cum verbis Papæ, Osius di-  
cit, ante multos annos, fuisse in Papatu Ecclesiam si-  
milem primitiæ Ecclesiæ, quæ nullum aliud E-  
uangelium sciuerit, nisi quod a Christi spiritu pro-  
fectum, de Christo, per Christi discipulos scriptum  
fuisse. At Papa contrà, nempe in suis Ecclesijs esse  
errores, & morbos inueteratos, morbos varios,  
morbos multiplices, quos tamen ait oportere non  
statim, sed pedetentim curare. HI. Vsq; adeò autem  
PEDETENTIM in his curandis proceditur,  
vt cùm ista ante XX X, & amplius annos cæpe-  
rint dici, nihil adhuc profectum fuerit, vt pruden-  
ter & false Lutherus, Quod Papa dixerit pedeten-  
tim oportere procedi, sic accipiendum esse, vt singu-  
li pedes atq; passus interuallum habeant aliquot sæ-  
culorum: Conuertit enim hoc Adriani scriptum  
Lutherus sermone populari, addiditq; in margine  
  
*in libro de concordia et discordia in ecclesiis*  
annota-  
te

DIALOGVS QVARTVS.

annotatiunculas, HIL. Libenter sæpè obficio istam Adriani Papæ ingenuitatem nostris aduersarijs, & sæpè repeto, eos tyrannice facere, qui confiteantur esse morbos varios atq; multiplices, esse abusus, esse errores penes se, nec tamen quicquam unquam correxerint, aut corrigant etiam innum, & interea non desistant, (hoc, hoc grauissimum est) fundere sanguinem eorum, qui emendationem efflagitant, libenter, inquam, ista inculco, quod videam aduersarios non habere quod respondeant & plurimos commoueri, cum audiunt tam horribilem eorum pertinaciam atq; tyrannidem. A TH. Cum reuerâ non habeant quid respondeant, scis quid fecerint? stomachaberis, si dixero, HIL. Est ne aliquid nouit? A TH. Maxime, HIL. Quid id est? A TH. Diccam, Hoc ipso anno M. D. LIX. ediderunt Romæ Catalogum, in quo connumerantur libri, quos ipsi profligatos atq; ex manibus & memoria hominum prorsus sublatos velint, HIL. Audiui non nihil de postremo hoc Catalogo aiunt esse arrogantisimum & valde tyrannicum. A TH. Est sane ut dicas, sed, quod ridiculum est, suos quoq; met libros inferuerunt, HIL. Inter haereticos ne? A TH. Inter eos, quos velint ex manibus atq; ex memoria hominum excutere, vt dixi, & sperarunt fore, ne illorum confessionibus vteremur amplius, aut frustra vteremur, cum illis fidem nunc ademerint, vt ipsi stulti putant, HIL. Dic, an nominatim prohibuerint & condemnarint, ne legatur instructio Adriani

ni Pape VI, de qua sumus loquuti: A TH. Nomina-  
natim, HI. Negant ne fuisse Adriani: A TH. Non  
possunt negare, sed cum videant, se ab illa vrgeriac  
iugulari, prohibent, ne possit amplius legi, HIL. Et  
putant fore, ut propter eorum prohibitionē, nemo  
legat amplius, nemo ea vtatur contra illos: A TH.  
Quid ni putent, cum id sibi usurpent, vt sint orbis  
terrarum Domini: HIL. Venerunt ad extremam  
insaniam, Vbi nā editus est huiusmodi catalogus:  
A TH. An non audistis dixi iam tibi, Romæ, HI.  
Hoc ipso anno: A TH. Hoc ipso anno, HIL. Proh-  
deum atq; hominum fidem, sciebam illos furere, sed  
pon vsc; aded. A TH. Quid si maiorem adhuc fu-  
rorem istorum tibi indicaueros: HIL. Dic cito ob-  
secro, sed vix maiorem indicabis. A TH. Scis libel-  
lum, cui titulus Consilium delectorum Cardinali-  
um de emendanda Ecclesia: HIL. Illum ne, de quo  
sumus loquuti & cuius verba recitauiimus: A TH.  
Illum ipsum, illum inter libros vetitos, Lutheranos,  
& Hereticos proiecerunt, HI. At ipse met, qui nunc  
viuit Papa, fuit vnu ex autoribus & dictauit ipse.  
A T. Sic res est. HI. Vnā cum aliquot delectis Car-  
dinalibus: A T. Ita est, HI. Et hunc quoq; condem-  
nant: A TH. Hunc quoq; condemnant, HI. Non  
quod negent à se scriptum: A TH. Res est notior,  
quam possit negari, HIL. Quis scit num Osius hoc  
Consilium suggesterit: A T. Fortasse, Nā is in pri-  
mis multa (vt vidimus, cōtra Instructionem Papæ  
et cōtra consilium delectorum Cardinaliū effutiuit.

DIALOGVS QVARTVS

HIL. Gratulor profecto: Quanquam enim eorum furor atq; tyrannis satis dudum innotuerit , nunc tali Catalogo edito magis magisq; innotescet. A T. Dicam amplius , cum Romæ , incredibili quadam rigiditate atq; iyrannide , condemnarint omnes autores atq; libros , ex quibus nostra causa iuuari , aliquo modo possit , vicissim extollunt vscq; ad sydera , magnaç; sollicitudine promouent Illustrissimam (sic enim appellant) quandam Academiam Venetijs , in hunc finem institutam , vt se nobis obñciat.

HIL. Audiui aliquid de ea quoq; Sathan enim indignatus , quod videat suum regnum corruere , ad istiusmodi extrema remedia accurrit. Sed frustra ad hæc quoq; , & vincet Christus. A TH. Ad Osijlium reuertamur. Quantò magis considero , eo magis cōsultum puto , vt isti ordine respondeatur. Sed video Brentium & Vergerium valde laboriosam & duram prouintiam præ manibus habituros , si exactè respondere voluerint , cum liber sitvalde nungax , scateatq; tot ineptijs , tot mendatijs , totq; blasphematijs , quas omnes velle stilo persequi & confundare propemodum infiniti operis fuerit. HIL. Hoc ipsum quæritur Vergerius , ait sibi videri propositas paludes non Pontinas , sed Venetas siccandas , quas neq; ipsi quidem potentissimi Veneti videntur posse vincere & siccare , sed tamen non deterrei , nec desperare , quin aliquid gratia Dei , sit profecturus (modo alijs negotijs , præsertim peregrinationibus ,

tionibus, nō auocetur ab opere) Brentium vix cre-  
 diderim responsum, vt quem viderimus satis in  
 hoc genere laborasse, habere autem alia & mundio-  
 ra, quæ agat, quam, vt volvetur amplius cum istis  
 Asotis atq; Osoribus. A TH. Satis fuerit, si alter eo-  
 rum responderit, nec immoratus fuerit in leuicu-  
 lis, sed vrserit in putidioribus & grauioribus erro-  
 ribus istius hypocritæ commonstrandis, proderit  
 talis labor hauddubie, saltē infirmioribus, qui sunt  
 in inclito Poloniæ regno, quos iste veterator sedu-  
 cere in animo habuit. Tantum miror, quid illi in  
 mentem venerit ex spæleis Massouïæ usq; vbi Epi-  
 scopatum habet in finibus Prussiæ, ablegare suum  
 librum, qui Coloniæ excuderetur, cum in Polonia  
 non desint Typographi. HIL. Cracoviæ non ha-  
 buisset, Gropperos, Auios, atq; alios huiusmodi e-  
 legantes artifices, qui adderent de suis coloribus  
 deç suo veneno. HIL. Putas ne, eum, ob eandem  
 causam, duos alios, de quibus diximus, libellos Epi-  
 scopo Dilingensi transmisisse, vt apud se mandaret  
 excudi? A TH. Quid posset addere Dilingensis,  
 cui tam curta est supplex? existimo tamen valde li-  
 benter eum mandasse, vt apud se excuderentur, &  
 fortassis suo sumptu. HIL. Quid ita? A TH A.  
 Quia, vt nobis, pro suo amarissimo in nostram re-  
 ligionem Zelo, insultet omnia istiusmodi venena,  
 solet colligere trahereq; ad se, vt Cæcias nubes. An  
 non vidisti cuiusmodi librum, etiam suo ipsius no-

DIALOGVS QVARTVS.

mine, hoc ipso anno ediderit: A TH A. Non vidi.  
HIL. Titulus est de celebratione Missæ. A T. For-  
tassis eam defendit contra impugnationem nostro-  
rum: HIL. Nihil minus, non putat esse opus, cum  
videat eam maximo in pretio esse vbiq; scilicet, sed  
putidissima quædam ex sentinis Monachorum &  
Scholasticorum hausta congescit: exempli gratia, si  
quando corpus Christi in manibus Missificantis  
miraculosè apparet in specie pueri, vel carnis cruen-  
tatæ (sunt verba ex eo libro) disputat, an debeat su-  
mi & manducari puer vel caro. A TH. In tanta lu-  
ce Euangelijs tam crassa, tam putida, & tam blasphe-  
ma: HIL. Aliud disputat absurdius, quod dicerem  
tibi, nisi pudenter. A TH. Dic, te obsecro, neq; te pu-  
deat referre inter nos, cum non puduerit Cardina-  
lem in publicum proferre. HIL. Dicam, tua venia,  
sed boni consule: quærerit quid agendum sit, si Mis-  
sarius post sumptionem (sunt ex eodem libro ver-  
ba) ex infirmitate, statim emitiat per secessum quod  
sumpsit. A TH. Proh pudor, sed quid tandem defi-  
nit: HIL. Audi: Reuerenter recolligantur species  
panis, si discerni possunt: & reponantur in Sacratio,  
vel sumantur ab aliquo, si adsit aliquis adsumendum  
depositus, absq; nausea. A TH. Merito debuit te  
pudere tam male olientia recitare, O iudicium, o gra-  
uitatem hominis, qui in tanta renascentis Euangelijs  
luce (valde delector hoc intercalari) non veretur  
correctare istas feces, vt eas rursus nobis obtrudat,  
sed

sed habeat eas sibi. Interea tibi gratias, Hilarimagnas  
 habeo atq; ago, quod mihi gustum dederis libri O-  
 siani, dabo ego alij quocp; nec deero officio meo in  
 commonendis infirmis atq; incautis, quo caueant,  
 ne contaminentur, aut inficiantur, si Osjili-  
 brum, ac velutilacunam, aut gurgitem  
 terris fecibus & venenis re-  
 fertum contige-  
 rint.

## F I N I S.

## ERRATA.

Prior Numerus paginam, posterior uersum denotat.

Pagina 17. uersu 17. b. pro conterione lege contentione.  
 ¶ 17. 18. b. crederent. ¶ 41. 27 b. proprium. ¶ 46. 5. a  
 loquuntur. ¶ 56. 9. b certe. ¶ 64. 18. a fuisse. ¶ 65. 28. a  
 Pontificale. ¶ 68. 21. b Apostolorum ¶ 77. 15. b congregata  
 ¶ 79. 28 a fuerint ¶ 91. 9. b putresceret ¶ 102. 23. b queritur

181. 21  
pergamentum sanguinis. Hunc etiam  
pepsit in aqua, id est in aqua leviter  
coquendo, et quandoque in aqua  
coquendo, sanguis datur. Quod  
secundum medicinalem summagis datur, ut  
percuti se agnoscere possit, ut secundum  
ratiocinem concordat.

## FINIS.